

তকসা রাঙগিয়ানি কেৰাঙ কথমা



উপেন্দ্র দেবৰ্মা

কম্বিঙনাই

ড. নিতাই আচাৰ্য



Tribal Research and Cultural Institute
Govt. of Tripura, Agartala

তকসা রাঙগিয়ানি কেৰাঙ কথমা

উপেন্দ্ৰ দেববৰ্মা

কমথিঙনাই
ড. নিতাই আচাৰ্য



**Tribal Research & Cultural Institute
Government of Tripura**

*a Kokborok folk tale, Taksa Rwnngiyani Kerang Kothoma written
by Upendra Debbarma and edited by Dr. Nitai Acharjee*

© Tribal Research & Cultural Institute
Government of Tripura

First edition :
21st August, 2020

Cover Design : Shabdachitra, Agartala

Type Setting : Shabdachitra, Agartala

Printed by : Kalika Press Pvt. Ltd., Kolkata

Published by :
Tribal Research & Cultural Institute
Government of Tripura.

ISBN : 978-93-86707-42-0

Price : ₹120/-

তকসা রাঙগিয়ানি কেৰাঙ কথমা

কমথিঙনাইনি কক

আগিঅ নানা দাবুরাসঙনি থানি তকসা রাঙগিয়ানি কেৰাঙ কথমা আঙ খীনামানি ককন আব জতত' সীয়সীগই মানলিয়া। তব জে মুইতু মানমানি উানসীগই-ন সীয়খা। সীয়মানি ফান' মিলিয়া জাগাত মিলিরিউ মা রিখা। কিসাকুসু জাগাত জতত' সীয়মানি চায়াফান আঙগাঁই মান', চায়াখাই সীনামই তীলাঙদি ব জাগাত বুবতীই ককন রিনানি। চিনি তকসা রাঙগিয়ানি কেৰাঙ কথমানি মুকুমুন নারীক নানি বাগই-ন আগি আঙ খীনামানি সীইজাখা। আঙ আসা খাইয় নরগনি থানি অনুমোদন মানানী হিনই।

অনুমোদন মানখাই আনি সীইমানি সার্থক আঙগানী, আনি আসীক-ন কক, চুবাই সানজাত, জতন-ন খলুমবাইখা।

তাং ২০১৭ ইং, ১১ই এপ্রিল
বাং ১৪২৪, ২৮শে চৈত্র, মঙ্গলবার


য়াগজুর
উপেন্দ্র দেববর্মা

ককসীকাঙ

ট্ৰাইবেল ৱিসাৰ্চ এন্ড কালচাৰেল ইনস্টিটিউটনি তীয় চাঙ বিসি বুরুম বুরুম্নন' হাঙ্গেনি যন্ত দফানি লাইবুমা, তাঙমুঙ-তাইমুঙ, কেৰেংকথমা, ককলপ বিজাপৰগ কাৱিঅ, অব' চিনি সামুঙ বীতাঙগ' খবজাক। চিনি দফানি সাইকাৰীও সিনাই - নুকনাইৰগ তাইব' আব' হায় দাল বিদাল বিজাপ সাইথানি সাকথারমুঙ নাথুঙ হিনয় চাঙ মীচাং শ্ৰী উপেন্দ্ৰ দেববৰ্মাবায় সাইজাক “তকসা ৱাঙগিয়ানি কেৰাঙ কথমা” বিজাবন' কাৱিনা বাৰ্গীই সাকথারখা।

বিনি অ পালকতিনি কেৰাঙ কথমানি বিসিংতাই চিনি দফানি সিরিসিতিনি সিমি ফাইমা তাংৱাইদা ছকুমু, মুকুমুনি মাৱিন' খবীই উানসুকমা ফেহেলাই তিসামা নুগজাগ'। অ বিজাব জতনি থানি হামজাকমুঙ মানানী খাখীলাইঅ।

আং শ্ৰী উপেন্দ্ৰ দেববৰ্মা তাই কমথীংনাই ড. নিতাই আচাৰ্যন' অ “তকসা ৱাঙগিয়ানি কেৰাঙ কথমা” সাইথানি সাকথারমানি বাৰ্গীই বেলাইখে হামবাই ৱাফাৰ'।


০১.০৭/২০২০
(ধনঞ্জয় দেববৰ্মা)

দাগিফাঙ

আঙুলি,
১ সেপ্টেম্বৰ, ২০২০

ট্ৰাইবেল ৱিসাৰ্চ এন্ড কালচাৰেল ইনস্টিটিউট
ত্ৰিপুৱা হাফাঙ

কমথিঙনাইনি কক

খোয়াইনি লাথা কলকনি তাখুক অকরা মীচাঙ উপেন্দ্র দেববর্মা ককবরক ককরীবাই তেই হুকুমনি আথুকিরি কীচাঙ কলসা। বিনি কেরাঙকথমানি বিজাপ কাঙসা তেই জাদু কলিজানি রীচাবমুঙ বিজাপ কাঙসান-ব সীকাঙগ-ন ত্রিপুরা হাফাঙনি সঙদুক নাইফিল তাই হুকুমু তাঙখর বাই সাপগাঁই কারিজাগখা। রীচাবমুঙ-মীসামুঙ বাই ব বীসীক গীদালজাক আবন আঙ বাইথাঙনি মকল বাই নাইনানি সেপ মানখা রবীন্দ্রনাথ ঠাকুরনি ফিল ১২৫ আচাইমা সালন রীগাঁই ত্রিপুরা হাফাঙনি ককথুম হুকুমু তাই বেরাইখিরি তাঙখর বাই লুডাজিজাক তেই আগরতলানি বেসিক ট্রেনিং কলেজ' সঙচাজাক ককবরক বাই রবীন্দ্ররীচাবমুঙ তেই মীসামুঙনি মেইল'। আফুর ব-ন আ মেইলনি জতনি অকরা ককবরক বাই রবীন্দ্ররীচাবমুঙ রীচাবনাই তেই মীসানাই।

আঙ মীচাঙ উপেন্দ্র দেববর্মানি য়াক বাই সীয়জাক কেরাঙকথমা থাইবান মা পরিখা। আবরগ আংখা — ১. হজলাইতিনি কেরাঙকথমা, ২. তকসা রাঙগিয়ানি কেরাঙকথমা, ৩. যঙলা আবুমনি কেরাঙকথমা, ৪. মারে মারাইনি কেরাঙকথমা তেই ৫. তকথু হাজারিনি কেরাঙ কথমা। সীয়নাইনি ককন সীয়থানি ব সাখা, ব বিনি নানা-দাবুরাসঙনি থানি খীনামানি কেরাঙকথমারগন মুয়তু খীলাই খীলায়ীই উনসুগাঁই ব আবরগন সীয়খাফন। বিনি অ কেরাঙকথমারগন পরিউই আঙ অবরগন থাঙনুক হাইসে মা তঙখা। অবরগন কেরাঙকথমা রীগাঁই সীয়জাক থাঙনুক হিনীই সাখাই-ন চাকুগনাই হিনীই আঙ খা খীলায়'। তেই থাইসা কক অবরগ বীসীক জরাতাই ককবরক কেরাঙকথমানি গীরাঙ বাই গীদালজাক অ সীঙমুঙ-ব ফায়'। পরিনাইরগ-ন অ ককরগন উনসুগাঁই নাইলাইজাথুন। ফিয়াবা অবলে মানীই কীতাল মুঙসা, অ ককনলে জত-ন গসিনাই হিনীই খা খীলাইজাগ'।

পাইথাগ' আঙ সানা মুচুঙগ, কেরাঙকথমা ফান' হিনদি এবা কেরাঙকথমা রীগাঁই সীয়জাক থাঙনুক ফান' হিনদি অবরগ জত-ন আংখা সীয়কীরীঙ তেই কককীরীঙ

তাখুক অকরা মীচাঙ উপেন্দ্র দেববৰ্মানি ককবরক ককৰীবাই রাঁগজাক সামুঙনি
বীথাইরগ। আঙ খা বাই খুক বাই-ন পুইতু চাঅ বিনি “তকসা রাঙগিয়ানি কেৰাঙ
কথমা” ককবরক ককৰীবাইন তেই-ব গীনাঙ খারিনাই তেই তেই-ব কুচুগ’
তিসাথানি-ব চুবানাই।

আগরতলা
১৪/০৮/২০২০

খুলুমবাইখা
ড. নিতাই আচার্য

তকসা রাঙগিয়ানি কেৰেঙ কথমা বাঁৰাইচীলা তাই রগ

মতেঙ কামিঙনি বরকরগ

- ১। বুদ্ধজঙ
- ২। কুইনাতি (বুদ্ধজঙনি বিহিগ)
- ৩। মদুজঙ
- ৪। দনপতি (মদুজঙনি বিহিগ)
- ৫। মায়াতি (বুদ্ধজঙনি বুমা রানদি)
- ৬। চদদিরি
- ৭। দুপতি (চউদিরিনি বিহিগ)
- ৮। খানদল
- ৯। সুবতি (খানদলনি বিহিগ)
- ১০। কমলাতি (খানদলনি বাঁসাজাঁক)
- ১১। চমাঙ
- ১২। গমাঙ
- ১৩। কাঁচাঙতি (কুইনাতিনি বাঁসাজাঁক)
- ১৪। কানত রাজা
- ১৫। রাজকুমার

তাইসা রাঙচাক কামিঙনি বরকরগ

- ১। কুইনাতি
- ২। চানদুরাম (কুইনাতিনি বুফা ফাতই)
- ৩। কনকতি (কুইনাতিনি বুমা)
- ৪। চদদিরি
- ৫। কানতিয়া (চউদিরিনি বাঁসীলা)
- ৬। রাইবাই
- ৭। গানথিয়া (চানদুরামনি বুফায়ুঙ)

তকসা ৰাঙগিয়ানি কেৰেঙ কথমা

পুইলানি কক

মতেঙ কামিঙনি বুদ্ধজঙ বাই মদুজঙ তাখুকনাইনি বুমা ৰানদি, বিনি মুঙ খাই মায়াতি। বুদ্ধজঙ বাই মদুজঙসঙ চিকন চিকন খাসিয়া ফুৰু-ন বুফা থীয়ই থাংকা। বুমা ৰানদি উঙগই বাঁসীলা তাখুকনাইনি পুসিনানি বেলাই গিলামা কসত উঙখা। বুমা বাঁসাই থীয়ই থাংকাই-ন বাঁসীলা খরকনাইনি পুসিনানি বাগই নগ' মা তঙয়াঅই বুইনি হুগ' মুলামাঙ মুলামাঙ উঙগই বাঁসীলাসঙ তাখুকনাইনি আবতাই খায়ই পুসিনানি নাঙখা। আৱনি বিসিঙ ফিয়া মায়াতি বুই বাই-ব সীকাল মীতাই মান' হিনজাগই বাঁসাই থাইমানি য়াগুল' খাই-ন নিজিনি কামিঙগ মা তঙয়াঅই বুইনি কামিঙনি দাইকুঙগ খায়ই থাংগই মা তঙগইকা। বুই-ব বন কিৰিজাগই-ব বুইনি নগ' মূলা উঙগই চানানি-ব মায়াতিন মূলা খাইৰিথকয়া উঙগই তঙখা বন বুই কিৰিজাগই। মায়াতি-ব বুই বন সীকাল হিনমানি সাঅই মানই বুইনি হুগ' মূলা উঙনানি থানানি-ব অনগৰ চাঅই মা তঙগ, ত ব বহগনি দাৰাতে লাচিতিতিঙ কিৰিতিতিঙ ফা-ন যকয়াঅই মূলা উঙনানি বাগই মা থাংগ। সালচা বন বুই সীকাল হিনই বাঁখীলাইনানি হিনই থাংলাইখাই কামিঙনি চউদিৰি খরসা মানা খাইয়ই সাকা।

কামিঙনি চউদিৰি ফাইকা।

চউদিৰি

: আবতাইয়াখ বন তা বাঁখীলাইদিখ চাঙ কামিঙ কাইসা জত-ন তীয়ই খীনা ফুঙনি সিমি-ন আচুকলাই সালাইয়ানী। কামিঙ কাইসা কামিঙ খীনাঅ নৱগ জতনন খবৰ ৱিঅই তুববাইদি জত-ন ফায়ই খীনা ফাইতন সীকালনি বিচাৰ খাইমানিন, নৱগ দাকতি-ন ফাইবাইদি।

[কামিঙনি বৱক জত-ন চউদিৰিনি ককন মানেলায়ই তাইনি সালনি ফুঙগ-ন জত-ন

বিচার খাইমানি জাগাঅ ফায়ই সকফাই-
বাইখা। সীকালনি বিচারন খীনানি হিনই।

চউদিরি তাইনি সা-ল খানদল খরকসা-ন
বাদে-ব তাইকাইসা কীনাই-ন লগি তীলাঙগই
আচুগই বিচার খাইমানি জাগাঅ থাংলাইখা।
উলখাই চউদিরি ন সীকালনি বিচার খাইনানি
হিনই ফাইমানি নুগই কামিঙনি বররক
হামজাগবাইখা চিনি চউদিরি ফাইকা হিনই।
পুইলা সীকাল হিনজাগনাই মায়াতি ন সীঙকা]

মায়াতি ফাইকা।

- চউদিরি : মায়াতি নন কামিঙনি বররক নন সীকাল হিনই
রীখীলাইনানি নাইয় না আব কুবুইদা অ ককন
কিসা সাদি নীঙ।
- মায়াতি : আউ আন আনি কামিঙনি বররক সীকাল মানই
তঙগ হিনই চঙগই রিঅই আন রীখীলাই
রিহরনানি হিনলাই কামিঙনি রীখীলাইলাই
তঙলাইয়। আন বুথারই ফা-ন খিবিদি আঙখাই
সীকাল হিনমানি রীঙজায়া। জেসীক সীমাই
ফানসে আঙ তাঙগই মান’।
- চউদিরি : নরগ কামিঙনি বররক খাই তাম হিনবাই
সীলাই মায়াতিন, ব সীকালদে রীঙনা বুজি,
নরগ পানদানি বররক অ ককন সেই সেই খাই
সাবাইদি জত-ন খরকচা খরকচা খায়ই।
- কামিঙনি বর-রক : জত-ন খরকচা খরকচা খাই সাবাইখা চিনি
কামিঙনি মায়াতি খাই সীকাল কীরাঙ হিনই-ন
মা হিন’ তামঙগই হিনবা নাহারই নাইদি চিনি
কামিঙনি তঙমুঙন, ব চিনি কামিঙগ হামজীক
ফাইপামানি সিমি-ন কামিঙগ থাইলাই থাঙলাই

উঙলাইমানি কুল কাঁরাইখা, তাই হায়াচায়া-ত
নক বুরুম নক বুরুম হিনমানি হাইসে উঙলাই
তঙলাইসিঅ। আয়াঙতাই-ব বন চাঁঙ সীকাল
হিনই মা চঙগ।

চউদিরি

: নরগ কামিঙনি বররক খাই তাবুক তাম হিন
কামিঙনি রাঁখীলাই হরনানিদা, উঙয়াখাই
বুথারই খিবি রিনানিদা, নরগ তাবুক খালাখুলি
খাই সাদি মায়াতিন তাম খাইনাই সাবাইদি
নরগ। উঙয়াখাই নারীকগই তনিনানি আঙ খাই
হিন' রাঁখীলাই হরনানি চিনি কামিঙনি, উঙয়া
হিনকাই চাঁঙ পাল খাই বুথারই হাকর' ফবই
খিবনানি সাদি নরক জত-ন।

কামিঙনি বর-রক

: আউ আবতাই-ন খাইদি হিনই জত-ন
চাজগবাইখা, বন খাই আবতাই-ন খাইনানি
নাঙগানী।

চউদিরি

: অ কামন তাবুকদে খাইলাইনানি ?

কামিঙনি বর-রক

: তাবুক-ন খাইলাই খিবনানি।

চউদিরি

: চাঁঙ তাবুক অ কামন খাইনানিত খাইনানি
খাইয়াসানি চাঁঙ কাম খাইচা মা খাইলাইনাই।
চাঁঙ সীকাঙ অ কামন খাইলাই খাই তাবুক-ন
মায়াতিনবা থুপচা রিঅই বুথারই খিবই হাকর
চগই ফবই রিঅই ফাইয়ানী তা, তাম তঙবা
চাঁঙ অ কামন কিসিচা খায়ই রিনানি-বা।

কামিঙনি বররক

: তা-ম কাম তা-ম কাম বা ?

চউদিরি

: ফাইদি চাঁঙ তাবুক মায়াতিন রাঁখীলাই
হরয়াসানি উঙয়াখাই বুথার খিবই হাকর চগই
ফপয়াসানি চাঁঙ জত-ন কাগজ কুফুর' জে মুঙন
সীয়াই মাননাইব মুঙ সীয়াই মা রিনাই, জে মুঙন
সীয়াই রিঅই মানয়াব খাই য়াগনি য়াসিমা বাই
তিপসই মা রিনাই। তামঙগই হিনবা মায়াতিলে

সীকাল রাঁঙনাই-বা সীকালন বুথারই খিবকাই
 উঙয়াখাইবা রাঁখীলাই রিহরকাই চিনি
 কামিঙনি, অরঅ তাই চিনি কামিঙগ হায়া চায়া
 কীলাইলিয়া, উঙয়াখাইবা তাই থাইলাইলিয়া
 হিনই অ তিপসই বাই চিনি নিজিনি মুঙন সায়ই
 রিলাইনানিতা, রিবাইদি নরগ জত-ন তাবুক
 তিপসই তাই মুঙন সায়ই রিদি কাগজ কুফুর'।
 রিবাইদি জতন তাবুক খরকচা খরকচা খাই।

[কামিঙনি বররক আফুবু কাই সীকাল
 তা-ম আ-ব কুবুইদে এরেঙ চত্ৰদিরিনি কক ন
 বুজিঅই মানই ফিরগই মানয়া উঙগই লগ লগ
 লাগ লাগ খাই নাইসিগই তঙবাইখা, কে-ব অ
 তিপসই বাই মুঙন সায়ই রিনানি গসিলিয়া
 কাগজ কুফুর'। বীখা বিসিঙগ উানসুগই
 তঙবাইখীনা জত-ন চীঙ ম কামন হাময়া
 খাইকীনা হিনই। আফুবু কাই জত-নন বুজগগই
 কুদিঅই হিনবাইখা।]

চউদিরি

: নাহারদি তাখুক বুখুকরক চীঙ কাইসা-ন কাইসা
 অসই মসই কুসতয়া কুসতয়াঅই সীকাল মান'
 হিনই বন বন চঙগই রিঅ আব কুবুইদে না
 এরেঙ জানি বীখাঅ খতেঅই নাইয়া ম তাম
 কক হিনই। আনতাজি হিনলায়ই তঙখা
 কাইসান কাইসা অসই সীকাল হিনই। চীঙ
 মীর্তাই কাইসান কাইসা অসই সীকাল চঙগই
 হিনলাইমানি আব বেলাই চিনি অয়নাই হিনই
 মান'। জানি কামিঙগ জে আচাইনাই বীরাইন
 হিনকাই অ কামিঙনি বররক বন সীকাল
 হিনমানি কম বুইনি কামিঙনি হামজীক ফাইনাই
 বীরাই-ন হিনকাই চীঙ বিসি খায়ই সীকাল
 হিনলাইয়। আঙ ম সামানি ককন নরগ

ডানসীগই নাইবাইদি নরগ আবতাই খায়ই
উ-ল কাইসান কাইসা অসই সীকাল হিনই তা
হিনলাইসিদি তাবুক নরগ জানি জানি নগ'
থাংবাইসিদি।

[কামিঙনি বর রক চউদিরি-ন খুলুমই থাংবাইখা।
কামিঙনি বররক থাংবাইখা।]

চউদিরি

: অঙখা মায়াতি নীঙ-ব কামিঙনি বর-রকনি
বাগই বীখা তা তীইসিদি, বরগ সাঅই মানয়া
বাইসে নন সীকাল হিনই চঙগই রিঅ, সীকাল
হিনই ম হায়ুঙগ কেব কাঁরীই। তাবুক নীঙ-ব
নগ' থাংচিদি, অঙখা তা কাপসিদি নীঙ-ন
আইন' জিতিখা।

চউদিরিসঙ তাই মায়াতি থাংকা।
খানদল, গমাঙ তাই চমাঙ ফাইকা।

চমাঙ

: দা খানদল চিনি দা চউদিরি-বা নাঙমানি সই
সই কক-ন মানবেলে ডানসুগই নাইখাই
কাইসা-ন কাইসা সীকাল মীতাই হিননানি
ককয়া-নতা। চীঙ মায়াতিন অসই রীখীলাই
রিহরজাগখামনতা, বন রীখীলাই রিহর-ব বন
তানই বুথারই খিব-ব কামিঙগ হায়া চায়া
কীলাইয়া তদে তঙনবা তাই থাইলাইয়া
থাঙলাইয়া হিনই তদে তঙনবা? বরক
আচাইখাই-ন থাইনাই, বরক আচাই খাই-ন
হায়া চায়া কীলাইনাই আব কুকুবুইনি কক।

গমাঙ

: নুগই-ন তঙ বেলে বরক আচাইখাই-ন মা
থাইনাই আববা নুগই-ন তঙবেলে বাকসা

সীকাঙগ থাইয় বাকসাৰা উল' থাইয়, বাকসাৰা
আচাইখাই-ন থাইয়ই থাংগ আবৰা চীঙ মকল
বাইসে নুগই তঙবেলে।

খানদল

: আব থাইয়ই থাংমানি কাইসা কাৰন হিনই তঙগ
বাকসান হিনকাই দাকতি বেরাম রমখাই-ব
দাকতি থাইয়, বাকসান হিনকাই লেরই বেরাম
রমখাই ব উল' খায়ই থাইয়। অ রমমানি
বেরামনি বিথিন রিঅই অ রমমানি বেরামন
বুথারই থিবই মানখাই অ বেরাম রমজাগনাই
বরক বানচেঅই থাংগ, অ বেরাম রমমানি
বেরাম-ন বুথারই থিবই মানয়া হিনকাই অ
বরক তাই বানচেলিয়া ব থাইয়ই-ন থাংচিনাই।
কক হিনকাই আবতাই বেরাম সিনিঅই বিথি
বগই রিনানি নাঙনাই, আহাই খাই-ন
বানচেঅই থাংচিনাই।

চমাঙ

: আউ নিনি-ম কুবুই কক-ন সাকা, বেরামন
সিনিঅই-ন বিথিন বগনানি নাঙনাই আহাই
য়াখাই বানচেয়া।

গমাঙ

: বেরামন সিনিঅই বিথি রিনানি সীকাঙ বাইদি।

খানদল, গমাঙ তাই চমাঙ থাংকা।

[মায়াতি বাঁসীলা তাখুকনাই বৃদুজঙ বাই
মদুজঙসঙন খুব কসত খায়ই পুসিকা
বাঁসীলাসঙ চিকন চিকনফুবু-ন বুফা থাইয়ই
থাঙকা, মায়াতি রানদি-বা তাই তা-ম খাইনানি
আহাই-ন ফাইসা মীচাঅ ফাইসা মীচায়া খায়ই
বাঁসীলাসঙ তাখুকনাইন খুব কসত খায়ই
পুসিনানি কালাইখা। আবতাই খাই কসত খায়ই
কু-ন রকম খায়ই বাঁসারক তাখুকনাইন কিসা

ততৰ ৰিজাবাইখা। বাঁসীলাসঙ-ব বুমান
তাঙথানি তাইখানি চুবাচুৰুঅই ৰিঅই উ-ল বুমা
কিসাসুক সানতি উঙজাখা। বাঁসীলাসঙ তৰই
সারা খায়ই তাঙগই তীয়ই মানখা হিনকাই
বসৱনি মাই-ব খবচা চাজাখা, মায়াতি
বাঁসীলাসঙ বাই-ন থাইননক উসেক উৱেঙ
কিসা মা উঙখা।]

দুপতি বাই সুবতি ফাইকা।

সুবতি

: বাচাই আঙ চাঁৱাই ফাঙচিনি মায়াতি-ন মীচায়া
মা নীঙয়া মাঙ নুগই ফাইমানি, তাবুক সে কিসা
বাঁসারক তাখুকনাই চুগই বসৱনি মাইন চাঅই
সুখি কিসা বন নুগসিঅ। আঙ বিনি নগ' হিনই
সালচা ফা-ন মাইন অগ সুপুঙগই চালাইয়
হিনমানি খীনায়াখ।

দুপতি

: আঙ-ব আহাই-ন মায়াতিসঙন মাই অগ
পুঙগই চালাইখা হিনই খীনায়াখ আঙ জে নিনি
দাদানি নগ হামজাঁক ফাইপামানি সুদু মাই অগ
সকয়া মাঙ হিনই খীনাঅ। যাঙ সীকাল-ব
হিনজাগ পলাসা দ, নিনি দাদা বাঁচায়া হিনকাই
ব কালে-ন বুথারই খিব- জাগখামন মায়াতি
নিনি দাদা বাঁচাঅইসে ব য়গই থাঙসিঅ।

সুবতি

: আউ বাচাই চাঁঙ বাঁৱাই হিনজাগনাইৱক
আবতাই-ন অসই সীকাল হিনই হিনজাগ-
বাইয়, মায়াতি বাঁৱাই বা অসই সীকাল
হিনজাগই তঙখা-তা হিন'। কামিঙ উঙগই-
বদে থাইলাইয়া তঙ, কামিঙ উঙগইবদে হায়া
চায়া কীলাইয়া তঙ?

দুপতি

: আউ আহাই-ন কাঁইনি বিহিগ।

দুপতি বাই সুবতি থাংকা ।
বুদুজঙ বাই, মায়াতি ফাইকা ।

মায়াতি

: বাবুতীই সা রাঙচাক কামিঙগ চানদীরাম
হিনজাগনাইনি বীসাজীক কুইনাতি হিনই
বীরীই কাইসা তঙগ, ফাইদি বাবু নন আব
বাই-ন কায়ই খিবানী নীঙবা তাম হিন?
আঙ-ব তাঁই হুগ গলা-ব আসীক পাইলিয়া
মাইমুই-ব আগিনি হাই আসীক সঙগই
মানলিয়া । মাইতুগ মুইতীক পাইয়ানি জরা
সকপাইখা, নীঙ কুসতাম তা সাদি বাবু নন
আর-ন কায়ই খিবনানি হিন’ বাবু নীঙ তাম
হিন আন তাবুক সাদি ।

বুদুজঙ

: মা নীঙ জেথানি আন কাইনানি মুচুঙগ আঙ
আর-ন কাইজাগনাই, আঙ নিনি ককন নরয়া
মা । নীঙ-ব চীঙন-বা কীরীই চেরাই
চিকনফুরুনি সিমি আদা অগপীরা খায়ই তাঙগই
পুসিঅই চারি তুবই ফাইমানি, নীঙ তাবুক খাই
তাঙগই তীয়ই মানয়ানি জরা
সকপাইনানি-নতা । মা নীঙ জেথানি কাইনানি
হিন’ আঙ আর-ন কাই জাগনাই ।

মায়াতি

: আহাই খাই বাবু আঙ আর-ন নিনি বাগই কক
হরই নাইসিনাইতা চানদুরামনি বীসা জুগ
বাই-ন । নীঙ জদি গসেখাইবা । নীঙ উল’
গসেয়ারকলে তা উঙদি বাবু আঙ মখিপি-ন
কক হরডানী ।

বুদুজঙ

: আঙ আবতীই উঙয়া মা ।

বুদুজঙ বাই মায়াতি থাংকা ।

[তীয়সা রাঙচাক কামিঙনি কুইনাতিন

মতেঙ কামিঙনি বুদ্ধজঙনি বুমা মায়াতি কক
 হরকা বুদ্ধজঙ বাই কায়ই খিবানী হিনই, ককন
 হরকা গমাঙনি য়াগতাই কনকতিনি বীসাজীক
 কইনাতিন। মতেঙ কামিঙনি মায়াতিনি বীসীলা
 বুদ্ধজঙ বাই কক হর মানিন খীনাই হামজাগই
 কনকতি বীসাইন সাকা।]

কনকতি ফাইকা।

কনকতি : মতেঙ কামিঙনি মায়াতিনি বীসীলা বুদ্ধজঙ বাই
 চিনি মাতিঙ কুইনাতি বাই কক হরই তঙখা,
 নীঙ খাই তাম হিন কায়ই খিবনানিদা হাম-ন
 সাদি কক খাইচা তাম খাইনানি ?

চানদুরাম : আসীক হাকচাল' দে নীঙ নীসাজীকন কইনানি
 মুচুঙগই তঙ ? য়াঙ কামিঙগসে চীলা গিলামা
 তঙগই, নীঙ কামিঙনি মায়াতি বীরীই রানদি
 সীকালনি বীসীলা বাইসে নীঙ নীসাজীকন
 কইনানি মুচুঙ-বা কইনানি হিনকাইদে নীঙ
 আ-র নীসাজীক অগন, আঙলে কাইয়া আর
 নিনিলে নীসাজীক অগবা নিনি ইসাতীই-ন
 কাইদি, আঙলে বুফা ফাতই-বা আনি ইসাই
 তা কাইদি নিনি ইসাই-ন কাইদি।

কনকতি : বীসা অগ অগয়া হিনই তদে তঙহিনবা, ককবা
 আঙ ম বীসান নীঙ বাই মানলিয়া সীকাঙনি
 আনি বীসাই বাই মানখা আসীক সিমিসে কক,
 ম-ব নিনি নীসা-ন বেলে, দ নীঙ কাইলিয়া
 হিনকাই আঙ-ব কাইলিয়াত নন খিবই-ত
 আঙয়া বেলে, নীঙব আনি বীসাই অগ-ন।

চানদুরাম : নীঙ ককন বিসি তা সাদি, কইনানি হিনকাই
 নিনি ইসাতীই-ন কাইদি সে হিনবেলে নন,
 ককন বদে বিসিখাইসা।

- কনকতি : নীঙ কাইনানি গসেলিয়া খাই আঙ-ব কাইলিয়া,
জে নীঙ হামজগমানি বাই-ন আঙ-ব কাইয়ানী
তাই তা-ম কক তঙবা আ-র ?
- চানদুরাম : আঙদে ককন বাঙবা নীঙসে কক-ন বাঙগই
তঙবেলে ।

চানদুরাম বাই কনকতি থাংকা ।

চানদুরাম বাই কানতিয়া ফাইকা ।

- কানতিয়া : তাম কাকা নীসাজীক কুইনাতিন মতেঙ
কামিঙনি মায়াতি রানদিনি বাঁসীলা বুদ্ধজঙ বাই
কক হরই তঙখা হিনবেলে সীলাই আব কুবুইদে
কাকা ? কক হরখাই হ-র হিনই সাদি আ-ন তা
খকদি নীঙ ।

- চানদুরাম : আগিন নীঙ বাই কাইনানি হিনই সাকা বেলে
আঙ, কুইনাতিন জেসা কক হরই তঙথন ত-ব
আঙ নীঙ বাই-ন কাইনাই ।

- কানতিয়া : নীঙ আঙবাই কাইয়া হিনকাই নীঙ আনি
থানিঅ আগি আন কুইনাতিন কাইনানি হিনই
রাঙ পুইসা নাহারমানি অ রাঙ পুইসান আন
তাই উইসা কিফিল রিঅই হরদি ব হাহাই
বাঁরাই গিলামা-ন তঙগ ।

- চানদুরাম : আবতীইয়াখ কাকু বুই কক হরয়া-বা জেসা
ফা-ন উঙথন আঙ নীঙ বাই কাইখাই-ন উঙনা
বাঁলা, নীঙ আন তাই কিসা সে রাঙ পুইসা হর
গীরাডি আনি রাঙ কাম নাঙগই তঙখা তঙখাই
তাবুক-ন কীলাঙগইসে থাংদি নীঙ তা উানাডি
নি নি নুখীরা চানদৌরাম তঙগ নিয়াদে ।

- কানতিয়া : নি নি জেসাক রাঙ পুইসানি কামন নাঙগ
তীলাঙদি আনি থানি ত-ব নীসাজীক কুইনাতি
বাই আন কাইদি ।

চানদুরাম

: কাইয়ানী কাইয়ানী তা উানাডি নীঙ।

চানদুরাম বাই কানতিয়া থাংকা।

কুইনাতি বাই কনকতি ফাইকা।

কুইনাতি

: মা আন মতেঙ কামিঙনি মায়াতিনি বাঁসীলা
বুদুজঙ বাই ককন হর হিনবাঁলা মা আ-ব
কুবুইদা? বুদুজঙ বাই আন কক হরই তঙখা
হিনকাই আঙ বুদুজঙ বাই-ন কাইজাগনানি,
আন আর-ন কাইদি মা।

কনকতি

: নীঙ অ বুদুজঙ বাই তাম খাইনানি কাইজাগ-
নানি মচুঙ তঙখা সাঁলাই, আর নীফা অ বুদুজঙ
বাই কাইনানি মুচুঙয়া আর তা কাই জাগদি
মতিঙ। নীফা নন চিনি কামিঙনি চউদিরিনি
বাঁসীলা কানতিয়া বাইসে কাইনানি ফন
আবতীই হিনই আন নীফা সাঅ।

কুইনাতি

: নরগ আন আসাঁক বরক হাময়া বাইদে কাইনানি
হিনই মুচুঙলাই তঙলাই? আঙ কানতিয়া
বাইলে কাসে কাইজাগয়া। আন আর-ন
কাইনানি হিনকাই আঙ কাঁথাঙ তঙয়া থীয়ইসে
থাঙনাই।

কনকতি

: নীঙ থীয়ইসে গেলেঅই থাংদি ত-ব নন
কানতিয়া বাই-ন কাইনাই নীঙ কুসতাম ককন
তা সাদি।

কুইনাতি

: নরগ আন কাঁথাঙ মানরীকয়া নাইদি মা।

কনকতি

: মারীকয়া খাই মারীকয়া ত-ব আঙ নন
কানতিয়া বাই-ন কাইনানি। নিনি কক-ন
খীনামানি সাঁলাই আনি বাঁসাইনি ককন
খীনামানি হাম'। আঙ আনি সাই বাইসে
তঙনানি কাঁলাইঅ।

কুইনাতি বাই কনকতি থাংকা ।

তাইসা রাঙচাক কামিঙনি চউদিরি বাই কানতিয়া ফাইবাইকা ।

তীয়সা রাঙচাক

কামিঙনি চউদিরি

: বাবু নীঙ চানদুরামনি বাঁসাজীক সাতই
কুইনাতিন হামজাক তাঁরাঁঙগই তঙ হিনবা আব
কুবুইদা থিককাই সাদি তাবুক আনি সীকাঙগ ।

কানতিয়া

: আউ বা কুইনাতিন-ন কিসা হামজাগই তঙগ ।

চউদিরি

: বুফা ফাতইনি বাঁসাজীকনদা হামজাগই তঙ
নীঙ আসীক কাঁরাঁই বিগীরানি বাঁসাজীক-ন,
দ-নীঙ হামজাগখাবা কায়ই ফা-ন রিসিউনাতা
তাই তাম খাইনানি-বা আনি সাজীলাসে
হামজাগ তঙখা হিনকাইবা, তাবুক জেতাই-ন
নন চানদুরামনি বাঁসাজীক বাই কাইনানি
উঙখা-বা নিহিগ- রক বাই ককরক সালাই
তঙগইদি, তুবই মান খাইবা তুবই ফাইদি উঙয়া
খাইবা নগ-ন কায়ই রিসিনাইতা, বুইনি ন-গ
কায়ই তঙমানি সীলাই ।

কানতিয়া

: আউ বা তুবইদে মান-ন নাইগীরানাতা, তুবই
মানখাই নগ'-ন তুবই ফাইনাই বাঁরাঁইনি নগ'
অসই থাংগই তঙমানি সীলাই ।

চউদিরি বাই কানতিয়া থাংকা ।

কানতিয়া বাই কুইনাতি ফাইকা ।

কানতিয়া

: আঙ নীঙ বাই-ন মালাইনানি হিনই ফাইমানি
ত-ব নীঙ বাই কুডাঅ মালাইখা হামকা, নীঙ
বুফুবু আঙ বাই আনি নগ' থাংনানি তিনি-ন
আন থিককাই সাতই হদি । ব সাল' থাংগই
মান-ন থিক থাক খাই সাতই হদি তিনি-ন ।

- আঙ-ব নন তীলাঙখাই তীলাঙগই থাংচিনানি,
থাংলাইখাই খীনা সনিঅ-ন থাংলাইমানি
চলাইঅ।
- কুইনাতি : হই বর থানানি হিনই নীঙ আন সাপাই সীলাই
আথাঙ কুথাঙ কুনু ককলাম কীরীয়ই।
- কানতিয়া : হই তাম হিনমানি কক আব, নিনি নীফা কাকা
চানদুরামন আগিঅ-ন আঙ রাঙ পুইসা রিঅই
তনিখাবেলে নীঙ বাই আঙ কাইজাগনানি
হিনই-ন।
- কুইনাতি : নীঙ বান রাঙ পইসান রিয়াবা জেসা ফা-ন
উঙগই তঙদি আঙ নীঙ বাই থাংকাইসে।
- কানতিয়া : হই নীঙ আঙ বাই থাংয়াদেবা ?
- কুইনাতি : নীঙ বাই আঙ তামঙগই থানানি বা ?
- কানতিয়া : হই আনি রাঙ পইসা সীলাই ?
- কুইনাতি : নিনি রাঙ পুইসানি কক আঙ সাঅইদে মানবা ?
- কানতিয়া : সাঅই মানয়া নন তাবুক-ন আঙ নগ'
তীলাঙগই থানানি। আবতাই হিনই কুইনাতিনি
য়াগ' রমই সপেরেনানি নাই- খাই কুইনাতি
কানতিয়ানি য়াগ' খবচা উরই নগ' খাইচিগই
খারই ফাইঅ।

কানতিয়া বাই কুইনাতি থাংকা।
চানদুরাম, কনকতি তাই কুইনাতি ফাইকা।

- কনকতি : তামঙ গাতিঅ থানানি থাঙমানিবা গলাগুলু
তুবয়াঅই কাবই মা ফাইকা সীলাই মাতিঙ,
নিনি তীয় তুবমানি গলারক বিয়াঙ থাংবাইখা
সীলাই ?
- কইনাতি : তা সাদি মা আঙ তুবুবাঅই কুডাঅ তীয় খগই
তঙফুবু-বদে বরনি-ব কানতিয়া ফায়ই আ-ন

সাতাই তঙফাই সীলাই, নীঙ আঙ বাই খায়ই
 আনি লগিঅ হামজীক কাঅই মা থাংগানী
 হিনই আন সাতাই তঙফাই সীলাই, বর আগিঅ
 আন কানতিয়া বাই কায়ই খিবনানি হিনই রাঙ
 পুইসা বিনি থানি নাহারতেখা ফন, আবতীই
 হিনই আন সাতাই তঙতেরতা। ব বাইবা আঙ
 কাইজাগতেরনানি হিনতা আসীক বরক
 সিঁতীরা বাই। কুবুইদা বা নীঙ বিনি থানি ব
 বাই আন কাইনানি হিনই রাঙ পুইসা নাহারকা
 হিনবা আব কুবুইদা বা ?

- কনকতি : নীঙ মাতিঙ বাই কানতিয়া-কায়ই খিবনানি
 হিনই বিনি থানি রাঙ পুইসাদে নাহারমানি
 আকমানি তঙ ?
- চানদুরাম : আউ সলক হিনই কিসা রাঙ পুইসা নাহার-
 মানি তঙগ।
- কনকতি : কানতিয়া বাই মাতিঙন কায়ই খিবনানি
 হিনইলে রাঙ পুইসা নাহারয়ানাঝীলা কুবুই
 ককন সাদি।
- চানদুরাম : আবতীই হিনকাই নাহারয়া আঙ।
- কনকতি : ফিয়া নীঙ উলদে গদেরেগগক খায়ই মান-
 জাগই তঙন নাইদি ফিয়া, আহাই খাইলে
 কীরাইখা।
- কইনাতি : বা রাঙ পুইসা নাহার ফা-ন তঙথন নাহারয়া
 ফা-ন তঙথন ত-ব আঙ অ বরক সিঁতীরা
 কানতিয়া বাইলে কাসে কাইজাগলাঙয়া।

চানদুরাম, কনকতি তাই কুইনাতি থাংকা।

মায়াতি বাই গমাঙ ফাইকা।

- গমাঙ : চাঙ নীসীলা বুদ্ধজঙনি বাগই তীয়সা রাঙচাক
 কামিঙনি চানদুরামনি বীসাজীক কুইনাতি বাই

কাইনানি হিনই কক হরমানি আব উঙনিয়া বাই চিকন। তাম আঙ কিসা খীনামানি খাই আরনি চউদিরিনি বাঁসীলা কানতিয়া হিনজাগনাই বাইসে কায়ই খিবনানি হিনই খীনাঅ আঙ খীনামানি কক তাতাল উঙনিয়া।

- মায়াতি : ফিয়া অ বাঁরাইহমা কুইনাতিনি বুফা খাই বুফা ফাতইসে ফিয়া আরনি চউদিরিনি বাঁসীলা বাই-ন কাইলাইনানি ফা-ন হিনলাই তঙলাই মান' ফিয়া।
- গমাঙ : অ বাঁরাইহমালে কিসা ফা-ন চউদিরিনি বাঁসীলা কানতিয়ান হামজাগয়া হিনই খীনাঅ। সিয়া-দ তাম-ব উঙলাইন তাম হিনই সানাই?
- মায়াতি : আব-ন কক, বরক নক কাইসা নক তাম-ব উঙলাই-ন তাম হিনই সানানি-বা। দ উঙলিয়া খাই উঙলিয়াতা কুবুনি জাগাঅ হরই নাইয়ানীতা বাঁরাইবা গিলামা-ন তঙগ।

মায়াতি বাই গমাঙ থাংকা।
রাইবাই, চানদুরাম তাই কনকতি ফাইকা।

- রাইবাই : দা চানদুরাম চিনি তাইসা রাঙচাকনি চউদিরি সাঅই রিহর' ব সাল' বাঁসীলা কানতিয়ানি বাগই নিনি নীসাজীক কুইনাতি বাই কক সাঙফাইনানি সাঅই রিহরদি ফন।
- চানদুরাম : দ, ব সাল' কক সাঁঙপাইনানি হাম-ন নৌঙ-ন সাঅই কাঁলাঙদি নৌঙলে রাইবাই-বা।
- কনকতি : দ, নৌঙত রাইবাই বরক চাঙ নক কাইসা সালাঅই খিবগীরানাখ, চাঙ উল' নরগন ব সাল' কক সাঁঙনানি সাঅই রিহরডানী, তিনি নৌঙ থাংগই চউদিরিন সাঅই রিঅইদি বুজগই।

- রাইবাই : আঙ চউদিরি বাই জত ককন সালাই ফাইকা, আগি বরঅ বাঁসীলা বাই চানদুরাম কাইনানি কক-ন থিক কাই সালাইজাগ তঙ হিনবেলে, আববাই সে আন চউদিরি রিহর' কক সাঁঙনানি সালন থিক খাই ফাইদি হিনই। তাম হিন সাঁলাই চানদুরাম নীঙ সাঅই রিহরদি আন তাম খাইনানি।
- চানদুরাম : দ, সাঁঙফাইসিদিতা। তাই তাম খাইনানিবা ?
- রাইবাই : আহাই খাই সাঁকাঙনি মঙগলবারনি সাল' ফাইয়ানীতা।
- চানদুরাম : আউ আহাইকাই ফাইসিদিতা।
- কনকতি : তাম আব নগ' সালাইজাগয়া আকনয়া ফাইদি ফাইদি।
- চানদুরাম : রাইবাই থাংবাইগীরাথন, চীঙ উল' সালাইয়ানী।

রাইবাই, চানদুরাম তাই কনকতি থাংকা।

চানদুরাম, কনকতি তাই কুইনাতি ফাইকা।

- কুইনাতি : মা আঙ অ চউদিরিনি বাঁসীলা কানতিয়া বাইলে আঙ কাইজাগয়া, বন আঙ হামজাগয়া।
- কনকতি : আঙ আববাই-ন নন সায়াদে চাঙ নক কাইসা ককন সালাইগীরানা হিনই, তাবুক তাম খাইনানি নাইসীলাই ? সাঁকাঙনি মঙগলবারনি সাল' খাই-ন ফাইয়ানী ককন সাঁঙনানি, তাবুক তাম খাইনানি সাদি নীঙ কক থাইচা ককনদে কিফিল রিঅই মান-ন নাইদি রাইবাই বাই মালায়ই।
- চানদুরাম : কুইনাতি নীঙ মাসেমা কাইজাগগানী আর চউদিরিনি বাঁসীলা কানতিয়া বাই, আঙ জেথানি নন কাইনানি হিন' নীঙ আর-ন মা

কাইজাগনাই, আঙ নীফা নন সাঅ, নীঙ আর কাইজাগয়াঅই তঙগই নাইগীরাদি নন আঙ তাম খায়ই খিব সাঅই মানানী ।

কুইনাতি

: বা আঙ নীঙ বাই চিকনফুবুনি সিমি মালাই ফাইমানি আঙ নন কক থাইচা ফা-ন সায়াখ, তিনি খাই নন কক থাইচা মা সাচিনাই তামঙগই হিনবা নীঙ আ-ন চেরাই ফাঙসিনিনি সিমি-ন আন সাতক পিতক খায়ই তুবই কাইকা, জরা জরাঅ নীঙ আন চারিয়া খানিয়া-ব খাইমানি সাল-ব তঙগ, জরা জরাঅ নীঙ আন ফিকুঙ ফাতেরি বুঅই থাই ফাইরি তনিমানি সাল-ব তঙগ, তেই-ব নীঙ আন খাইমানি সাল-ব তঙগ । আঙ চকদিরিনি বীসীলা কানতিয়া বাই খাই কাইজাগই মানয়া বা নীঙ জেসাফা-ন আন হিনদি, মীতাই ককন আঙ সালাঙয়া হিনই তঙমানি তিনি খাই যকলিয়া উঙগই সে মা সাসিঅ নরগন ।

চানদুরাম

: আঙ আসীক কক কীবাঙন খীনানানি নাইয়া, আনি ককতাই নীঙ আর-ন মা কাইজাগনাই কানতিয়া বাই-ন, নীঙ আর কাইজাগয়াঅই তঙগই নাইদিতা, আঙ তাম খাই খিব নন, আগি খাই বুঅই ফিকুঙনি থাইসে কারিঅ, তাবুক খাই বুমাঙ বুমাঙ বীখানি থাইসে ফাইরিঅই খিবরিনাই নীঙ সাঅই দে মান? আন নীঙ আ-র কাইজাগয়া হিনকাই সাঅই মানানী নন । নীঙ আন বুফা ফাতই হিনই আনি ককন খীনায়া ।

কনকতি

: অঙখা তাবুক তা সালাইসিদি বুই খীনাউনানী, আঙ কীচাঙ কীচাঙ খাই সাউনানী, তাবুক চিনি কাম কতরন লাইরিঅই খিবই রিগীরা নাখী, ম

কাম কতরন লাইরিবায়ই চাঁও বুমা বীসা জত-ন
উাসেক উাসেক উারেঙ উারেঙ খাই
তঙলাইনানি নাঙগানী বীলা চাঁও নক কাইসা ।

চানদুরাম, কনকতি তাই কুইনাতি থাংকা ।
গমাঙ বাই মায়্যাতি ফাইকা ।

মায়্যাতি

: তীয়সা রাঙচাক কামিঙনি চানদুরামনি
বীসাজীক কুইনাতি বাই নীবাইনাসা বুদুজঙন
কক সুরমানি-ব উঙলিয়া হিনকাই নীঙ তাই
কুবুনি জাগাঅ বরক কাহাম নায়ই কক সুরই
নাইদি খাই মৌনাই । দাকতি খাই কায়ই খিবমানি
হাম’, আঙ-ব আগিনিসাঁক চলেঅই মানলিয়া
বয়স উঙগই থাংমানি বাই য়াকুঙ য়াগ রাগই
থাংমানি বাই ।

গমাঙ

: নীঙ তাকীলাই-বন কাইনানিদেবা, কাইনানি
হিনকাই আনি বীরীই নাইজাগ গিলামা-ন
তঙগ । নীঙ বর সাব বাই কাইনানি মুচুঙ আন
সিমি-ন সানাবা আঙ ফুঙসাই-ন থিক খাই
রিডানী বীরীইনি বাগইদে অবাব তঙ রাঙ
পুইসানি বাগইসে অবাব । নীঙ তাবুক-ন সাদি
সাব খাই কক সুরনানি, নিনি রাঙ পুইসারকসে
থিক খাইদি ।

মায়্যাতি

: বরক কাইনানি হিন-ব অসই মসই কায়ই
মানয়াবেলে, নায়ই নুগই কাইনানি নাঙগ অসই
মসই নাইয়াই নুগয়াই কায়ইদে মানবা কারঙ
কাসা খায়ই আবতাই খাই কাইনানি নাঙগ
নিয়াদে? আঙ তীয়সা রাঙচাকনি চানদুরামনি
বীসাজীক কুইনাতি বাই কক সুরমানি বেলে
চেরাই ফাঙ চিনি-ন বুফা কীরীই বুফা ফাতই

তঙগই দুখু মানজাগখা সিনাই ব়ীৰাই-ব বেলে,
আববাই-ন আঙ আৰ কক সুরতা, আনি ব়ীসা
বাই কাইনানি বাগই।

গমাঙ

- : আবতাই খাইলে নাইতুগই নাইনানি নাঙগানী
অসই নুকয়া কুকয়াঅইলে কাইমানি চায়া-ন
ক়ীলাইনাই। বাই চিকন নিনি কক খাই সই-ন
কাইনানি বরনানি হিন-ব অসই উঙনানি
ক়ীৰাই, আঙ-ব আনি ব়ীসান কাইনানিফুবু বাই
চিকন সামানি হাই-ন মা নাইতুকনাই।

গমাঙ বাই মায়াতি থাংকা।

কনকতি বাই কুইনাতি ফাইকা।

কনকতি

- : মাতিঙ ন়ীঙ ন়ীফা সামানি কক নন খ়ীনাসিদি
চউদিরিনি ব়ীসালা কানতিয়া বাই-ন কাইজাগই
থাংসিদি তাই তাম খাইনানি জে ক়ীপাল'
তঙতাই উঙসিনাইতা তাই তাম খাইনানি-বা
চিনি ম়ীখাঙন ফা-ন নার়ীকসিদি জেথানি
কাইজাগ-ব অ কাই জাগনানি-ন।

কুইনাতি

- : ন়ীঙত সাঅ আন আহাই-ন মা ন়ীঙ উনসুগই
নাইদি আনি বুফা অগয়া সেঙগীলা চেৰাই
ফাঙসিনি নি সিমি আ-ন ব়ীস়ীক খাই সাতক
পিতক খাইকা আবতাই মাঙ খাইজাগই আঙ
ম়ীস়ীক তরখা ত-ব আঙ ব়ীখাঅ মুকতাই-ন
খিকিলায়ই তঙগ বুফা ফাতই হিন-ব বা অগ
হিনই-ন মানে- অই তঙগ, তাবুক আঙ
চউদিরিনি ব়ীসালা কানতিয়া বাই কাইজাগই
থাংকাই তে-ব বিসিখাই বুজাগানী আব আঙ
সাচুগই মান', তামঙগই হিনবা কানতিয়া
বুইবাই বুইবাই উলাইনাই বরক, বুলাইনাই

বরক, বুই-ব সাখা অ ককন আন আঙ-ব আনি
মকল বাইথাঙ বাই নুগখা বিনি তঙমুঙন। আব
বাই-ন আঙ কাইজাগয়া হিনই সাত আববাই নরগ
ককন বুজিয়া তা উঙদি আনি মা বাই বা উঙগই।

কনকতি

: আহইয়াখ মাতিঙ নীঙ চিনি ককন বুজিনানি
খাইদি, নীঙ কাইজাগই থাংগই জেসা উঙগই
ফাই-ব চীঙন সাফাইদি আফুবু চীঙ জেসা
ফা-ন খাইয়ানী, তাবুক নীঙ কাইজাগই খিবই
রিগীরাডি উল' জেসা তেসা।

কনকতি বাই কুইনাতি থাংকা।

কুইনাতি ফাইকা।

কুইনাতি

: আঙবা তাবুক বিয়াঙ থানানি খামা-ব উরাই
সাকা-ব বারাই, বিয়াঙ থানানি তাবুক, মাসঙনি
বাসঙনি ককন খীনাঅই আঙ চউদিরিনি
বীসীলা বাই কাইজাগই থাংকাই সারা জিবন
বুজাগই মাঙ থাইয়ানী, কাইজাগয়াঅই থীয়ই
থাংকাই-ব আনি মা কাইসা তঙমানি-আন
মুইতু উঙগই কাবই মাঙ তঙগানী। আঙ তাবুক
তাম ন খাইমানি চাখা? ম আঙ থাইনানি
হিনকাই তীয়মাত বাখীলাই-ন থাইমানি হাম',
তীয়মাত বাখীলায়ই থাইকাই বুই আনি মাঙন
মাননিয়া, ফাসি চাতই থাইকা হিনকাই বুই
আনি মাঙন মানানী আববাই-ন আঙ তীয়
বাখীলাই থাইনানি।

[আনি মাঙন বরক মানয়া জাত খায়ই হিনই
থাইনানি হিনই কুইনাতি তীয় বাখীলাই রিখা
সাইচুঙ সাইচুঙ। বাখীলাই রিবা বাখীলাইমানি
জাগাত বলঙনি থাইলিক গুলাকতরমা কচগই
ফাইকা-ব বাখীলাইমানি জাগাতাই, আফুবু কাই

কুইনাতি হিনকা তীয় তঙ তীতীই আঙ জখন
 তীয় বাখীলাই-ব তাই থীইলিয়া আঙ ম
 লাইফাঙ গুলান-ন রমই কচগই থাংগানী আঙ
 জেথানি ফা-ন কচগই থাংগই থীইচিতন হিনই
 লাইফাঙ গুলান-ন রমই কচগই থাংকা
 তীয়তীই কচগই। থাংতে থাংতে থাংগই
 গিলামা হাকচাল জাগাঅ থাংগই সগইখা।
 আফুরু খাই ব থাংমানি লামাঅ কুমির মাসা ন
 নুগই দদর দদর তীয় রিয়গই ফায়ই লেঙগই
 বুইনি গাতিঅ খায়ই রকই তঙফাইকা খাসিয়া
 চাঅই বহগ লেফুলেফু খাইয়ই।]

মায়াতি ফাইকা।

[মায়াতি তীয় খকনানি হিনই গলা তুবই
 গাতিঅ ফাইবা রি সুমানি বফীরাই গানাঅ
 বীরীই খরকসা কমলীক কামালাই কীলায়ই
 তঙখা লেঙগজাগই খাসিয়া উঙগই কীলাই
 তঙখা লাঙমা ফুফু চাঅই। সা-ব-ব বীরীই-ব
 উঙখা সাঅই মানয়া সি-ব সিনিয়া নু-ব
 নুগয়া-খ অ বীরীই-ন কু-ন জাগা-ব মায়াতি
 অ বীরীই-ন আতকাসা নুগই রিঅই আচমবক
 চাজাগই থাঙকা ম ব রনি-ব অর ফায়ই বীরীই
 খরকসা কীলায়ই তঙ ফাইকা হিনই উনাজাগই
 অ বীরীই ন কীথীই দে কীথাঙ দে হিনই উলতা
 পুলতা খায়ই নাইখা বুকুঙ র-গ য়াসিরক
 থেপাঅই নাইবা কীথাঙন, উল খাই কামিঙনি
 বররক-ন চিরি খগই রিঙখা ফাইবাইগীরাদি
 ফাইবাই গীরদি হিনই, কামিঙনি বীরীইরক
 ফাইকা।]

কামিঙনি বীরাই দুপতি বাই সুবতি ফাইকা।

- দুপতি : তাম বুবতাই কামন নাঙগই চাঙন রিঙ সীলাই
তাম কামদে তঙ চাঙ বাই?
- মায়াতি : ইক নাইসিকদি বাচুই সাবনি বাঁসা-ব কীলাই
তঙফাইকা অর বহগ লেফু লেফু খীলায়ই সিয়া
সাইমানয়া সাবনি বাঁসা-ব আব মীতাই খাই
কীলায়ই তঙ ফাইকা।
- সুবতি : হাই আহাই কাইবা নগ' তীয়ই হিমদি জেসানি
বাঁসা ফা-ন উঙথন। আফুরুখাই পাল খায়ই
মায়াতিসঙনি নগ' তীলাঙলাই থাংকা
বামলাইয়ই মায়াতিসঙনি নগ' তীলাঙগই
বিসিনা খায়ই মখলই রিঅইখা।
[আফুরু খাই অ বীরাইন জত-ন নাইসিগই
সিনিলাইয়া উঙগই আচমবক চালাই তঙখা।
মবা সাবনি বাঁসাবা কমলীক কামালাক
কীলায়ই তঙফাইকা তাম-ব উঙগই ফাইকা
হিনই ডানাঙ্গাগলাই তঙলাইখা জত-ন।]
- মায়াতি অ বীরাইন হকুচুরক খায়ই বাঁসাক
গীনাঙগই সিনকা, বুখকরগ' তীয়রক য়াগনি
য়াসি বাই খায়ই খানিকা বাঁসাকরক সিনরে
সিনরেরক খায়ই সিনবাইখা আবতাই খায়ই
অ বীরাইন খাইতে খাইতে খাই কিসিচা লরে
চরে হাই উঙখা। আবতাই উঙতে উঙতে
অবীরাই রকই তঙমানি বাঁচাঅই আচুকখা,
আচুগই অ বীরাই বন বন নাইসিকখা, মরগ
সাববা উঙবাইখা হিনই।
- দুপতি : নাঙ বরনি বীরাইমা-ব উঙখা ?
- অ বীরাই : আঙ তাম হিনই সানানি হিনই বাঁখাঅ ডানসুগই
নাইখা, ডানসগই নাইবা আঙ কুবুই কক-ন

সাকাই বুই ফুঙসাই-ন নাইতুকলাই খিবানী
হিনই কিসা থকাইয়ই সাউনৌ হিনই থকাইয়ই
সাখা। লেঙমানি হাই কাই কক-ন তীৰীক
তীৰীক খায়ই সাকা আঙ আয়াঙ হাচীক
ফাইসিঙ মুকতা কামিঙনি বীৰীইসে।

দুপতি

: অ মুকতা কামিঙনি বীৰীইদা নীঙ নিনি মুঙ
খাই তাম উঙখা সীলাই?

অ বীৰীই

: আনি মুঙ খাই ফুতাঙ।

দুপতি

: নীমা নুফানি মুঙ খাই তাম সীলাই?

অ বীৰীই

: আনি মানি মুঙ খাই কুতাইতি বানি মুঙ হিনকাই
গেদকরাইতা।

সুবতি

: নীঙ তাম খায়ই অরঅ সকফাইনানি নাঙ
সীলাই?

অ বীৰীই

: আঙ কাইজাগয়া হিনই মা-বাসঙবাই কিসা
কেৰেঙ কাৰাঙ উঙখাই আঙ জলেঅই তীয়
বাখীলাই থাইনানি হিনই তীয়' বাখীলাই খাই
কচগই অর সকফাইখাতা, আঙ অর
সকফাইমানি কিসা ফা-ন সাঅই মানয়া
লেঙগই খাসিয়া মাঙ উঙগই তঙগ। আঙ ম
বর সকফাইখা সাঅই মানয়া।

সুবতি

: ম কামিঙনি মুঙ খাই মতেঙ কামিঙ হিনজাগ'।
ম বীৰীইন সালচা সালনাইসীক নিনি নগ'-ন
তনিগীরাডি উল' চাঙ পাল খায়ই বিনি নগ'
তুনলাই রিঅইলাইয়ানী চাঙ থাংকা।

দুপতি, সুবতি, মায়াতি তাই অ বীৰীই থাংকা।

চানদুরাম বাই কনকতি ফাইকা।

কনকতি

: বাসাইন নাইসিগই সাখা-আনি মাতিঙ দিবর
উঙতীতীয় উয়াঙগ ফিলিকসা খাই। নখরই

থাংমানি বিয়াঙ-ব থাংকা তাবুক-ব নগ' কাফাইয়াখ বিয়াঙগ-ব থাংকা হিন? আগিরগ' থাংকা হিনকাই মীসীক লেরই তঙয়াবেলে, থাংদি নীঙ উয়াঙগ থাংগই কিসা নাইখীলাই নাইগীরাদিবা।

চানদুরাম

: ব-বিয়াঙগ থানানি, বুইনি নগরগ' বেরায়ই তঙখীনা তা হি-ন বরক কীথাঙ কীমাঅই থাংগই মান হিন।

কনকতি

: থাংমানি বালগই থাংকা বেলে ব আসীক লেঅই তঙনাই বীরীইয়া, ইহি আনি বীখা তাম তাম হই উঙগ আঙ বুখীরাসঙনি নগ' থাংগই নায়ই ফাইগীরানাখু আর আকনদে থাঙ থীঙগইখা নাইসন ফাইগীরানা আঙ। নীঙ তঙগীরাদিখু নগ মীরীগই নগ' তকরক হাবই তঙগানী। কনকতি বুপীরাঙরকন থাংগই সাঙগইখা, কীকাই থাইচিঙ দিবর উঙতীয় নীবাইনাজীক নরগনি যাঙগ ফাইমানি নরগনি অরদে ফাই ফুই?

গানথিয়া ফাইকা।

গানথিয়া

: ব-ক বাচাই অর ফাইয়াবেলে, বন তিনি আঙ নুগয়াখ মিয়াদে উসুকাঙগ নুগমানি সে কিসা আঙ তাই বন নুগয়াখ, বিয়াঙ থানানি ব বিয়াঙরগ বেরাইয়ই তঙখীনাতা।

কনকতি

: ইহি ব তাই থানানি জাগা কীরীই ফাইকাই নিনি অর-ন ফাইয়।

গানথিয়া

: তা ডানাদি বাচাই বরক কীথাঙ ব বর থানানি কীমাঅই।

কনকতি

: আনি বীখা বানচেয়াখী তে-ব কাহাম খাই নাইতুক নাইগীরানাখু।

- গানথিয়া : বাচুই নরক নগ' কুসতাম উঙলাইমানি
কীরীইনাবেলে, উঙলাইমানি কীরীই
হিনকাই-ব বিয়াঙ থানানি তে-ব নগ থাংগই
খবর নাহারই নাইদিতা বররগদে থাং থুঙগই
তঙগইখা ।
- কনকতি : আঙ নগ' থাংগই নিনি দাদা বাই মালাই
গীরীনাখু ।

গানথিয়া বাই কনকতি থাংকা ।
মায়াতি বাই ফুতাঙ ফাইকা ।

- মায়াতি : ফুতাঙমা বীচাদিইক মাই কুতুঙ কতুঙ রিফাইকা
মাই চাঅই খিবগীরাদি আকন নিনি নগবা
বীসীক হাকচালই তঙখা অ মুকতা কামিঙ
হিনমানিবা, আরনি সে অর তীয়তাই কচগই
ফায়ই সকপাই নানি হিনকাইবা ফাইয়ই অর
লেঙগই তঙফাইনানি কক-নতা, অমা বাহাই-ব
থীয়ই থাংয়া বাইসে চাসিঅ তাবুক নীঙ মাই
চাঅই খিবইরিগীরাদি উল' নীঙ বাই তেইব
কক কীচাঙ কীচাঙ খাই সালাইয়ানী । আনি
বীসা বীরীই কীরীই চীলা সিমি-ন তাখুকনাই ।
- ফুতাঙ : আঙ নীঙ বাই-ন তঙসিনাই, আঙ তাই নগ
থাংলিয়া নন-ন মা অগ হিনই নুঙগই নিনি
নগ-ন তঙগই থাংসিনাই নীঙ চামানি হাই-ন
চানাই নীঙ তঙমানি হাই-ন তঙনাই নীঙ-ন
আনি মা অগ উঙসিনাই ।
- মায়াতি : তঙগীরাদি মায় নীঙ তাবুক আনি নগ-ন সানাই
সাতামসীক নিনি সরি রাগসুক- গীরাদি, সরি
রাগসুককাই নন নিনি নগ চীঙ পাল খায়ই

- তুনই রিলাইয়ানী তাবুক নিনি সরি রাগসুগই
থাংগীরাথন।
- ফুতাঙ : ইহি মা তাই নগ' হিনই আঙ থাংলিয়া, আঙ
নৌঙ বাই-ন তঙসিনানি মা, নন-ন আঙ মা
হিনই নুঙখা নিয়াদে।
- মায়াতি : অঙখা তাবুক কক তা সাদিখ নিনি সরি বারেঅই
থাংগানী নিরাল খাই তঙগই মাই চাঅই
খিবিগীরাদি।

মায়াতি বাই ফুতাঙ থাংকা।
কনকতি বাই চানদুরাম ফাইকা।

- কনকতি : নৌঙ বর বর নাইতুক নাইখা, আঙ খাই
বলঙ-হালঙ বুফাঙ-ডাফাঙ হাপুঙ-হাতাই তীয়
কুউা জ-ত জাগাঅ-ন পাইসুগই নায়ই
খিবাইখা, কুসতাম জাগাঅ ফা-ন নাইতুগই
কারেঅই মানলিয়া, মীসাদে চাখা মায়ুঙদে
কাফিকখা, চিবুকদে সুকখা মুই সেলেদে
মনকখা সাঅই মানলিয়া বিয়াঙ-ব থাংকা
কীমাঅই অ সাজীকবা ?
- চানদুরাম : আঙ-ব নাইতুকখা নকবুরুম নকবুরুম কামিঙ
কামিঙ খায়ই জ-ত জাগাঅ-ন, কুন জাগা ফা-ন
বাদ কীরাইখা নাইতুকমানি বর-ব থাংকা অ
বীরাইমাবা, আঙব সাঅই মানলিয়া তাবুক খাই
উনানানি কক-ন কীলাইখা আঙ-ব, বিয়াঙ-ব
থাংকা সাঅই মানলিয়া।

কনকতি-কাব :

অ সাজীকমা নৌঙ আনি সাকনি কাগই বিয়াঙ থানানি নাঙখা নৌঙ
চেরাই ফাঙচিনি আঙ বাই কাগয়াখবেলে তিনি নৌঙ বাহই আঙবাই
কাগখা অ সাজীকমা ?

সাজীকমা সাজীকমা সাজীকমা সাজীকমা
 মায়ুঙলে কা জাগখাই বীসাকন নুগখামন
 চিবুকলে সুককীলাই কীলাইলে তঙখামন
 সাজীকবা বিয়াঙব থাঙকা ?
 সাজীকমা সাজীকমা সাজীকমা সাজীকমা সাজীকমা ।
 য়াখিলিক মিলিক কাইনানি হিনমানি
 আঙলে সাবন তাবুক কাইনাই ?
 নিনি লে ফিকুঙগ আঙলে বুথেবই তঙমানি
 আঙলে বাহাই বুথেবয়াই তঙনাই ?
 নিনি য়াফাঙলে বুচুক নাইসিক তঙমানি
 বাহাই নুগয়াঅই তঙনাই ?
 ননলে নাইখীলাই নাইসাকা খায়ই তঙমানি
 নন বাহাই নুগয়াঅই তঙনাই
 নিনিলে সাকদু মাকদু নাইসিগই তঙমানি
 নুগয়াঅই বাহাই খাই তঙনাই ?
 আগিনি দুখি-ত তাবুক-ব কাগয়া
 আঙহাই অবাগি সাব
 সাইনি সাই খাইকা দুখিত কাগয়া
 আঙলে সমানই কাব ।
 বুইনিলে সীরাঙগই সাই কাইসা খাইকা
 আনি সিনদুর বাই মাথিয়া কগখা ।
 সাই কাইসা থীয়ই তাই কাইসা খাইকা
 কীপাল দুখিত তেবসে বারেঅই থাংকা
 সাজীক-ন সাজীক-ন সাজীক-ন সাজীক-ন সাজীক-ন
 তাবুক তামলে খাইনাই সাজীক-ন তাই বর মাননাই
 আঙ-ব কীপালন বখগই থীইনাই ।
 আঙ বর থাংনাই তাম খাই তঙনাই
 অ সাজীকমা আঙলে নন বরঅ মাননাই ?
 সাজীকমা সাজীকমা সাজীকমা সাজীকমা সাজীকমা ।

কনকতি বাই চানদুরাম থাংকা ।
দুপতি, সুবতি তাই মায়াতি ফাইকা ।

দুপতি

: মায়াতি মিয়াঅ নীঙ গাতিঅ তীয় খকনানি
হিনই থাংপুরু নিনি গাতিঅ বীরাই খরক চান
নীঙ মানবুমানিবা কিসানি বীরাই
কাহাময়াবেলে, অ বীরাই আব তামঙগই- সে
থাইনানি হিনই তীয়অ বাখীলাই মা রিখা
হিনতা, আয়াঙ বিনি কামিঙগ বন বুমা বাই
বুফা নাইতুকলাইমানি সিমা কীরাইখীনা কবর
কবর চালায়ই । বুমা বুফা উঙগই বীসান
কীমাজাগই নাইদি বুমা বাই বুফা তামঙ থাং ?
নীঙব কীমাজাগই নাইদি ।

সুবতি

: আবদে কু-ন কক বাচাই সীরাপসা নুকয়া
খাইসে তাম উঙগই মা তঙ । কীমাঅই থাংমানি
জাত হিনকাই তাম উঙখীনা বুমা বাই বুফা
তঙগই মানলিয়ানাবীলা বর তঙন বর চা-ন
উঙলাই তঙলাইখীনা হিচাকনাই, বরকনি
বদলা আঙসে তঙগই মানয়া উঙগই তঙখা
তাবুক ।

দুপতি

: নিনি কীপালসে কাহাম কীই মায়াতি,
উঙয়াখাইবা নীসীলা অকীরাসা আয়ুঙ বাই
কাইথারই রিদি, তামলে তঙবা কায়ইরি হিনই ?
নীঙ জেতাই-ন আয়ুঙ অকীরাসান কাইনানি
বাগই বীরাই খরকসা আহাই-ন নাইতুগই
তঙগ । তাবুক নীসীলা অকীরা আয়ুঙ বাই
কায়ই খিবাইখাই উল' অ ফাইনাই বীরাইমানি
নগ-ন নাইতুগই তিখিলাইদি তাবুক নীঙ নিরাল
খাই তঙগীরদি কীই মায়াতি অ বীরাইমাসে
কাদে কাইজাগ-ন আবসে ।

- মায়াতি : অ বীৰী মা গসেখাইত কায়ই ফা-ন রিঅই মান' বাচাই বুই-বা তাম-ব হিন-ন আবন-ন কিসা উনাতা ।
- সুবতি : চীলা বাই বীৰীই গসেলাইখাই বুই জেসা ফা-ন হিনই তঙথন কুসতাম-ন উনানানি কীৰীই । আৰনি বিসিঙ নীসীলা আয়ুঙ- সাসে গদে গসি-নব জদি গসেঅই থাং কাই তাই তা উনাসিদি, বনদে গসেৰিঅই মান-ন নাইদি সীকাঙ ।
- দুপতি : নীসীলা আয়ুঙসা বাই অ বীৰীই ফাইনাই মা-ন কিসা আবুল তাবুল খাই তনিনানি নাঙগানীতা, আহাই খাই-ন খাপেলাই থাংগানী হাই মাতঙ, আবতাই খাই তনিলা কাই মায়াতি নিজেনি বুদদি-ব কিসা নাঙগ সাঅই মানয়াদে নীঙ ?
- মায়াতি : দ বালকগীরাথন উল নীঙ আঙ বাই খাই-ন নাইলাইয়ানীতা বাচাই উ-ল নরক-ব আ-ন কিসা সাচুবুই মারিনাইতা নরক তঙগইদে আঙ উনাই তঙ বাচাই ?
- সুবতি : তাবুক নিরাল খায়ই তঙগীরাডি উ-ল বালগই থাঙগীরাথনলে কামবা তীৰীক তীৰীক খাইসে তাঙগ দফীরা কাফীরাডে উঙবা আবতাইখাই কাই কামদে চায়াতঙ মাসেমা চানাই ।

দুপতি, সুবতি তাই মায়াতি থাংকা ।

মায়াতি বাই ফুতাঙ ফাইকা ।

- ফুতাঙ : মা-আঙ ম ব-র সকপাইখা ম কামিঙনি মুঙ তাম ? উ নরগ ম কামিঙবা বেজান তঙথতক জাগাবেলে, নরগনি অর কামিঙনি বরক বাই বরক-ব খা পেলাইসুগই তঙলাইয় । মামা কাকা

মা-বা বাই কুমুই কীকাই মীনাই দাদা বাচাই
হিনই খুকরীবাই খাই নুঙলাইয়, তঙমানি
চামানি হিন-ব কীচাঙ কীচাঙ খায়ই তঙলাইয়,
চামানি নুঙমানি হিন-ব বাগলাই চালাইয়।
কে-ব কময়া কে-ব বিসিয়া খায়ই তাই নিনি
আনি হিনলাইয়াই, বলঙ হালঙ হিন-ব নাইথক
নাইথক, তকসা তকতাই হিনব পুঙমানি
খীনাৎক খীনাৎক খাই পুঙগ, তাঙলাইমানি
তাইলাইমানি হিন-ব য়াপ্রি সেসেব সাসাব
উঙলাই তঙগ, বুমা বুফা বীসা বীতাই তাখুক-ব
কীথলাই তঙগ, কামিঙনি বররক-ব জত-ন
কীথলাই তঙলাইয় ডাসেক ডাসেক ডারেঙ
ডারেঙ খীলালায়ই।

মায়াতি

: আউ মায় চিনি কামিঙগ আবতাই খাই-ন
তঙলাইয় জ-ত বাই জ-ত কীথরলায়ই কেবাই
কে ডীলাইয়া সুকলাইয়া খায়ই, খাকচা মান-ব
নাকি কসা মান-ব বাগলাই চালাইয় ব-ন ব
নাহারলায়ই।

কুতাঙ

: মা নিনি মুঙ হিনকাই তাম সীলাই?

মায়াতি

: আনি মুঙ খাই মায়াতি তা-মায়।

কুতাঙ

: মা নরগনি কামিঙনি মুঙখাই তা-ম সীলাই।

মায়াতি

: চিনি কামিঙনি মুঙ হিনকাই মতেঙ কামিঙ
হিনজাগ'।

কুতাঙ

: মা দাদাসঙনি মুঙরক খাই তা-ম সীলাই।

মায়াতি

: আনি আঙ সীলাসঙ তাখুকনাই-ন অকীরানি
মুঙ হিনকাই ব্দুজঙ তাই কুসুনি মুঙ হিনকাই
মদুজঙ বুফাখাই বরক চেরাই চেরাইফুরুন
থীয়ই থাংকা, আঙ মরক চেরাই চিকন চিকন
ফুবু বরক-ন পুসিঅই তুবই ফাইনানি কম খাই
কসত উঙমানি লিয়া, তাবুক সে বরক ততরই

বসৱনি মাই খপচা চাঅই আঙ কিসা সুখি
উঙজাসি বীলা ।

ফুতাঙ

: অ আহাইদা মা আঙ তাবুকলে নৱগনি মুঙন
মানবাইখা ।

মায়াতি বাই ফুতাঙ থাংকা ।

ফুতাঙ ফাইকা ।

ফুতাঙ

: সাইচুঙ সাইচুঙ ডানসুগ' হাই ম তাম আন কক
হৱনাই বৱৱকনি মুঙ হাই গীজা মাঙ সীলাই
আবৱক আকনদে উঙগই তঙ- বাইখা তাম
হি-ন কুবুই কুবুই-ন আবৱক- দে উঙগই তঙখা
তা-ম আহাই খাইলে-ম, নগনি আঙ তাই
কুতুললিয়া থীয়ই থাং ফা-ন। আবতাই-ন
হিনকাই আঙ তাই কিসা অৱ তঙখাই-ন সাঅই
মানই থাঙগানু আঙ বাই কাইনানি হিনই কক
হৱনাইৱকনি মুঙ-ব মীতাই হিনই-ন খীনামানি
হাই উঙগ মৱকদে উঙ আঙ তঙখা তাবুক
সাঅই মানয়াখ দ নাইগীৱানাখুতা আবৱকদে
উঙ আঙখা ।

ফুতাঙ থাংকা ।

মায়াতি ফাইকা ।

মায়াতি

: ম আঙ গাতিঅ মানবুমানি বীৱাইমাবা বেলাই
কাহামসে উঙগানীবেলে তাঙমানি
তাইমানি-বা তাম বাহাৱ মাঙসে তঙমানি নুগই
তঙবেলে দাদা চউদিৱিনি বিহিগ বাচাই সামানি
হাই-ন মা খাইয়ানীবেলে আঙবা, আবসে তাই
কিসা তঙখাই তুনই মা ৱিডানীতা বিনি নগ' ।
তাবুক তঙগীৱাখন নাইসিগই নাইগীৱানা তাই

সানাই সাতামসীক। দাদা চউদিরিনি বিহিগ
বাচাই বাই তাই উইসা কক-ন সালাই
নাইগীনাখু ব-তাম সা-ন?

মায়াতি থাংকা।

চউদিরি বাই খানদল ফাইকা।

চউদিরি

: খানদল চিনি কামিঙনি বররক কাহাম কীরীও
খাইয়ই-ন তঙলাইনা বীলা আবতাই মীচায়া
মানীঙয়ারকবদে তঙ সাফাইদি আন মীচায়া
মানুঙয়া কামিঙগ তঙখাই সাপাইদি আ-ন চুঙ
জত-ন কামিঙনি বররক বন জন কিসা কিসা
খাই চুবা চুবুই রিখাই-ন ব আব-ন চাঅই
তঙগই তাঙমানি তইনানি জরা মানানী আহাই
খাই-ন খালিরক খাই তাই বুইনি থানি
নাঙগীলাক-বুইব বন তাই চুবাচুবু খাইনানি
নাঙগীলাক। আবতাই নাঙগীলাক। আবতাই
কামিঙ কিচিঙ কামিঙ খীলাইলাইখাই কামিঙগ
তাই ডালাই সুকলাই-ব তঙগীলাক।

খানদল

: আউ দা চউদিরি কামিঙনি বররক তাবুক
জরাতাই কাহাম কীরীও খাই-ন তঙলাই- জাঅ
মীচায়া মানীঙয়া-ব আসীক কীরীই, জত-ন
চালায়ই নুঙলায়ই উাসেক উাসেক উারেঙ
উারেঙ খাই-ন তঙলাইয়।

চউদিরি

: উসীকাঙগ চিনি কামিঙনি মায়াতি গাতিঅ
থাংপুরু বীরীই খরকচান মানবুমানি অ বীরীই
বুবতাই খানদল কাহামদে উঙন হাময়াদে উঙন
নীঙ বিনি গরনন নাইসিগই আন কিসা
সাফাইদি।

- খানদল : আঙ উসীকাঙ মায়াতিনি ন-গ অ বীরীইন নাইতাই হিনই থাংগই নাইয়ইখা আবতাই বীরীই চিনি কামিঙগসে কীরীইনা।
- চউদিরি : তামঙবা খানদল ?
- খানদল : তাঙথানি তাইথানি আব খাইচিক তাঁরীঙ মাঙসে তঙমানি নুগ', যাঙগ উইসা গুদু গুদু উয়াঙগ উইসা গুদু গুদু অ বীরীই হিনকাই উল' থাইচা উঙলাঙনাই আবতাই বীরীই খাই কামিঙগ মাসামুসু তঙনানি নাঙগ।
- চউদিরি : আহাই খাইবা মায়াতিনি বীসীলা বুদ্ধজঙ বাই-ন কায়ই নারীগই তনি মানবেলে। তাম তঙবা চাঙ কামিঙ কাইসা কক থানচা খাই তঙখাই-ন উঙবেলে, চাঙত বুইনি নকনি রমফেরেঅই খগই তুবই ফাইয়া, মায়াতি বীসীলা বুদ্ধজঙ বাই-ন কায়ই খিবতন।
- খানদল : মায়াতি কায়ই-ন খিবতন, আঙ-ব নিনি কক হাই-ন হিন' কায়ই-ন খিবতন দা চউদিরি। কাহাম সে উঙখা তাই ককন সীঙলাইনানি-ব নাঙলাইলিয়া। রাঙ পুইসা-ব হাবনানি কীরীইখা চীলা বাই বীরীইবা হাদে হাম জাগলাই-ন আবসে কক।
- চউদিরি : তাবুক চাঙ নিরাল খাই তঙলাইগীরাদি উ-ল খুস উঙফুবু বুস উঙগানী, চাঙ কামিঙ কাইসা থিকখায়ই তঙ খাই-ন পাইয়।

চউদিরি বাই খানদল থাংকা।

তীয়সা রাঙচাক কামিঙনি চউদিরি বাই বীসীলা কানতিয়া ফাইকা।

- চউদিরি : বাবু নিনি বাগই চানদুরামনি বীসাজীক কুইনাতি বাই থানাই মঙগল বারনি সাল' ককন সীঙনানি হিনই তঙমানি অ বীরীই বিয়াঙব কীমাঅই

থাংকা ফন। চানদুরাম খাই নুঙ বাই-ন কাই
খিবনানি হিনই তঙমানি, তাবুক নীঙ বাই কায়ই
মানলিয়া, তাবুক নীঙ থাংগই সীঙগইদি
চানদুরামন নীঙ আঙ বাই নীসাজীকন
কাইনানি হিনই তঙমানি তাবুক তাম খাইনানি
হিনই সীঙগইদি থাংদি, তিনি-ন থাংদি বিসি
লেরই তঙমানি হাময়া।

কানতিয়া
চউদিরি

: আঙ সাইচুঙদে থানানি বা ?
: নীঙ সাইচুঙ তা থাংদি তাই কাইসা কীনাই-
সীক নিনি লগিঅ তীলাঙগই থাংদি নিনি
বায়াপরকন।

চউদিরি কানতিয়া থাংকা।

চানদুরাম, কনকতি, কানতিয়া তাই বিনি দল ফাইকা।

কানতিয়া
কনকতি

: কাকা চানদুরাম নগদে তঙ ?
: নগ-ন বীলা তা-ম কামদে তঙ ব বাই
কানতিয়াসা ? এই কানতিয়াসা ফাইকা নীঙ বাই
কাম নাঙ ফন।

চানদুরাম

: মীখাঙ কসম খায়ই নুকজাগই কানতিয়ান
সীঙগ-তাম কাকুসা আঙ বাই নীঙ কামদে
নাঙ ?

কানতিয়া

: নীঙ আগি আনি থানি নীসাজীক বাই আন
কাইনানি হিনই রাঙ পুইসা নাহারমানি আব
তাম খাইনানি সীলাই কাকা ?

চানদুরাম

: তাবুক কীমাঅইসে থাংকা খাই আঙ তাই তাম
খাইচিনানি-বা ? কীমাঅই থাংয়া হিনকাই নীঙ
বাই-ন কায়ই খিবনানি হিনই তঙমানি তাবুক
তাম খাইচিনানি আঙ হিনই।

কানতিয়া

: কীমাঅই থাংগই নীঙ আঙ বাই কায়ই মানলিয়া

হিনকাই নীসাজীক বাই আন কাইনানি হিনই
আনি থানি রাঙ পুইসা নাহারমানি অ রাঙ
পুইসান আন তাই উইসা খায়ই কিফিলই
রিহরসিদিতা আহাই খাই।

কনকতি : হাই নীঙ বুফুবু আব আনি সাজীকমা বাই
কানতিয়াসান কাইনানি হিনই রাঙরক
নাহারতীরীঙ তঙসীলাই জানি বাঁসা বাঁতাইন
ফালই চানাই বরক তঙহিন? আন ফান কিসা
সাকাই উঙখামন বেলে।

কানতিয়া : দ নাহারদি খাই আনি রাঙ তাবুক-ন।

চানদুরাম : আঙ তাবুক রিহর মানয়াখ উ-ল রিহর- উনৌ,
উ-ল ফায়ই তীলাঙগই থাং ফাইদি আঙ
খাতিঅই তনিউনৌ।

কামতিয়া : উ-ল আলা কীরীই তাবুক-ন হরদি আনি রাঙ
পুইসান তাবুক-ন তীলাঙগই থানানি, উ-ল
আঙ তাই ফাইলিয়া তাবুক-ন হরদি।

চানদুরাম : তাবুক খাই আঙ রিহরই মানয়াখু, উ-ল তাই
উইসা ফায়ই তীলাঙগই থাং ফাইদি তাবুক
আনি কীরীইখু।

কানতিয়া : তাবুক তাবাকয়া হদি তাবুক-ন। এই আঙ বাই
ফাইনাই আনি লগিসঙরক চানদুরামন
তাবুক-ন নাহারদি রমই অর।

লগিসঙরক : ইক তুবই রিফাইকা নিনি চানদুরামন রমই।

কানতিয়া : নরগ বন রমই তুবমানি আনি রাঙ পুইসানি
বদলা ফিকুঙগ কীতাই ব্দুল কিসা চারিঅই
রিদি।

চানদুরাম : নরগ আন আহাই খাই তা বৃদি, আঙ জেসা
খাই ফা-ন নিনি রাঙ পুইসা-ন রিউনৌ। আন
নরগ তা বৃদি।

কানতিয়া : নিনি থানি আঙ পুইসা-ব নাহারলিয়া আঙ নন

বু-ব বুলিয়া নীসাজীক কুইনাতিন আঙ জেথানি
মান' আরনি-ন রমই তুবনাই। আরনি বিসিঙ
আঙ নাইতুগই মানলিয়া হিনকাই আঙ তাই
কবুনি বীরীই বাই কাইজাগ খিবসিনাই
আসুক-ন কক নীঙ বাই নরগ বন খামানিন
খেঙগই রিসিদি।

চানদুরাম, কনকতি, কানতিয়া তাই বিনি দল থাংকা।

ফুতাঙ বাই কমলাতি ফাইকা।

কমলাতি

: বাই ফুতাঙ নীঙ-ন আনি সীলাই অকীরা
উঙগানী আববাইন আঙ নন বাই হিনই
নুঙসিউনো। বাই চিনি মতেঙ কামিঙগ আনি
সাক বাগসা কাইসা ফা-ন কীরীইখা, জত-ন
কাইজাগই থাংবাইখা, নীঙ চিনি কামিঙগ
ফায়ই সক ফাইখা খুব কাহাম-ন উঙখা,
আনি-ব বায়াপ কীরীই-বা নীঙ-ন আনি বায়াপ
উঙখা।

ফুতাঙ

: আবতাই অসই নীঙ আন বাই তা নুঙদি,
নীঙসে আনি সীলাই অকীরা উঙগানী ননসে
আঙ বাই নুঙনানি মীচাঙগ।

কমলাতি

: আবদে কু-ন কক বাই নীঙন আনি সীলাই
অকীরা আঙসে নন বাই নুঙনানি মীচাঙগ,
নীঙ-ন আনি সীলাই অকীরা উঙনাই।

ফুতাঙ

: নুঙসিদি খাই বাই ফা-ন আঙ নরগ বাই
থাইয়াসা তঙগই থানানি-বা জেসা নুঙগই সাল
থাংকাই-ন পাইয়।

কমলাতি

: বাই নীঙ অ-র তামঙগই ফায়ই সকফাইনানি
কীলাইখা সীলাই আন কিসা সাঅই খীনারিদি
বাই।

ফুতাঙ

: মীনাই আঙ মা-ন জত কক-ন সাঅই খীনারিখা
বেলে, ন-গ কিসা কেৰেঙ কাৰাঙ উঙগই তীয়'
থাইনানি হিনই বাখীলাই রিখাই অ বাখীলাই
রিমানি জাগাঅ থাইলিক লাইফাঙ কতরমা
কঙসা কতরমা কচগই তীয়মাঅ ফাইকা খাই
অ লাইফাঙন আঙ রমই লাইফাঙ বাই খাই
কচগই ফাইকাতা। কচগই ফাইতে ফাইতে
তীয়মাঅ কুমির-ন মাসা নুগখাই আঙ দদর
দদর তীয় রিয়গই ফাইমানি-বা লেঙগই খাসিয়া
উঙগই থাংকা তীয় কিনার' রকজাগতাই
উঙগই। আন মাসঙ রমই নগ' তীলাঙগই
রকরিঅই তিনি রিমানি আব আঙ সাঅই মানয়া
কিসা ফা-ন আ-ন সাব তাম খাইকা।

কমলাতি

: নীঙ তাবুক তঙগই তঙমানি পি মায়াতি- সঙনি
ন-গ হিনকাই কিসা ফা-ন চেৰাই ফাঙসিনি
আঙ কিসা ফা-ন ডীলাইয় সুকলাইয় হিনই
খীনায়াখ। পি মায়াতিনি বীসাল দাদা বদুজঙ
বাই দাদা মদুজঙসঙ আচাই দরপব-ন অ
পিয়াসা থীয়ই থাংকা পিনি বীসা খরকনাই
চিকন চিকনফুবু পি কিসাকাই দুখুন মানলিয়া
ফন। তাবুক দাদা বদুজঙ বাই মুদুজঙসঙ
ততরইসে বরক বসরনি মাই খবচা
চলাইজাঅ।

ফুতাঙ

কমলাতি

: উল' খাই তাই তাম উঙখা বরকনি নগ?
: উল' খাই তাকীলাইয় হিনকাই বরগনি নকনি
দাদা বদুজঙন কাইলাই খিবনানি হিনই তীয়সা
রাঙচাক কামিঙনি চানদুরামনি বীসাজীক
কুইনাতি বাই ককন হরলাইখাতা।

ফুতাঙ

: উল খাই তাম উঙখা মীনাই?

কমলাতি

: উ-ল খাই তাম আরনি চউদিরিনি বীসীলা বাই
কাইনানি উঙখা হিনই আঙ খীনাফাতা কাদে
কাইলাইখা আঙ-ব সাচুগই মানলিয়াতা।

ফুতাঙ

: অ আহাইদা উঙলাইখা হিন!

কমলাতি

: আবতাই-ন ফন বাই।

ফুতাঙ বাই কমলাতি থাংকা।

ফুতাঙ ফাইকা।

[ফুতাঙ সাইচুঙ সাইচুঙ কক সাঅ। আঙ
বাবেঅই নাইমানি ককবা থিক-ন নাঙখাতা
তাবুক আঙ মা হিনই নুঙগই তঙমানি বীসীলা
অকীরা বুদ্ধুঙ হিনমানি বাই-ন আন কাইনানি
হিনই ককহরতা, ম-নতা আঙ বাই কাইনানি
হিনই কক হরমানি চীলা মানজাগখা। আঙ তাই
খাই ম চীলা-ন য়াকারলিয়া থীয়ই ফানসে
থাংচিতন। তাবুক আঙ তাই কুবুনি তঙমুঙসে
মা তঙ- সিনাই। ফুতাঙ বুদ্ধুঙ গাতিঅ
থাঙমানি নাইচনই তঙখা।]

ফুতাঙ থাংকা।

বুদ্ধুঙ ফাইকা।

বুদ্ধুঙ গাতিঅ ফাইকা লুতা থাইচা গলা
থাইচা তুবই দিবর' তুকনানি হিনই সাইচুঙ
সাইচুঙ মুসুবই সুই সুই, সুই সুই খায়ই।

ফুতাঙ ফাইকা।

ফুতাঙ বুদ্ধুঙনি উকলক উকলক-গ ফাইয়
নাইচম নাইচমই তেব তেব খাই হিমই বুদ্ধুঙ
তুকুই তঙফুবু ব বাই কক-ন সানানি হিনই।

বুদুজঙ লুতা হুবায়ই তীয়মাঅ বাখীলাই তুকুঅই তঙফুরু খাই-ন, ফুতাঙ থাঙগই তুকুনানি হিনই তীয়মাঅ বাখীলাইমাসি খায়ই বাখীলাই থাংকা। তীয় হউসাখাই উ-ল খাই ফুতাঙ তীয় কীলীকমাসি উঙগই তীয়' তঙতীতীই বুদুজঙন নুঙখা—অ দাদা আঙবা তীয়' কীলীগইসে থাঙকা বেলে, ফায়ই আন তীয়নি খচাঅই তীলাঙফাইগীরাদি দদ-র হিনই কাপমাসি উঙগই তঙখা বুদুজঙ। ফুতাঙনি অ তঙমুঙন নুগই কসঙ-ন কসঙ থাংগই ফুতাঙন তীয়নি খচাই নাহারই ফাইকা।

ফুতাঙ

: উ দাদা নীঙ আন তীয়নি খচাঅই নাহারয়া হিনকাই আঙ থীয়ইসে থাংকামন, নীঙসে আন বানচেরিঅই নারীকনাই।

বুদুজঙ

: বরকসে তীয়' কীলীগই থীয়নানি নায়ই তঙখা হিনকাই বনদে বানচে রিয়াঅই তঙগই মান সীলাই, নীঙ বরনি ফায়ই তাবুক অরঅ ফায়ই তুকুঅই তঙফাই সীলাই? অমা নন তীয়' কচগই থাংমানি নুগই আঙ খাই কিরিঅইসে থাংকা নন থীয়ইদে থা-ন হিনই।

ফুতাঙ

: থীয়ই-ন থাঙকামনতা দাদা নীঙ কীরাই হিনকাই অরঅ। নিনি মা-ব আন বানচে রিখা নীঙ-ব বানচে রিখা। আঙ তাই নরগ নি নকনি থাংলিয়া জে থাইয়াসাক নরগ বাই-ন তঙসিনানি দাদা নরগনি সাকলম' খায়ই।

বুদুজঙ

: অমা নীঙ-ব বীরাই সিকিলা আঙ-ব চীলা সিকিলা নীঙ আনি নগ' তঙখাই বুই কামিঙনি বররক তাম হিননানি চীঙন আব খাই নন চীঙ নারীগই মানয়া, নন খীনা সনি-ন নিনি নগ' তুনই রিঅইনানি নিনি নুমা নীফানি নগ'।

- ফুতাঙ : দাদা নীঙ আন আবতীই তা হিনদি উঙয়া- খাই
আঙ নিনি য়াকুঙ য়াফাঙগ-ন কতক সরঅই
থাইনাই।
- বুদুজঙ : অমা ! হিনমায়া তাঙমায়া আবতীই তা হিনদি,
হিমদি তাবুক নগ' থাংলাইগীরানা উ-ল নীঙ
বাই সালাইয়ানী।
- ফুতাঙ : দাদা আঙ নিনি গলা-ন তীয়য়ানী নীঙ নিনি
লুতা সিমি-ন তীইদি, নীঙ সীকাঙ হিমদি আঙ
উল' তঙগানী হিনই উরাগ উরাগ খাই
মোনীয়ই ফাইঅ নন সাঅই মানানু হিনই।

বুদুজঙ বাই ফুতাঙ থাংকা।
চউদিরি বাই দুপতি ফাইকা।

- দুপতি : নীঙ ব-রঅ থাংগই তঙগই সীলাই আসীক
লেরই, চীঙ নীঙ বাই কীনীই খাই মাই
চলাইনানি হিনমানি নন আঙ নাইসিঙসুকখা
বরঅ থাঙগই তঙগইয়ই।
- চউদিরি : আঙ মায়াতিসঙনি নগ'সে থাংগই তঙগইয়,
মায়াতি আদর খায়ই দুমা-ন নুঙদি হিনই সাকাই
সীরাপসা আচুক তীতীই দুমান নুঙগই
তঙখাতা।
- দুপতি : নীঙ মায়াতিনি নগ' ফাইয়ই তঙ ফাই- নাইমান
নুগবুখাদা ?
- চউদিরি : নুগবুখা নুগবুখা অ বীরীইমাবা কিসানি
বীরীইয়াবেলে তাঙমানি তীইমানি য়াপ্রিসে ফর
ফর চাঅই তঙগ, অ বীরীইমা খাই কাইদা-ন,
অ বীরীইমান মায়াতি বাসীলা বুদুজঙ বাই
কায়ই খিবকাই-ন চাঅ, কুবুনি জাগা অ বীরীই
নাইতুগই তঙমানি সীলাই।

দুপতি

: আঙ-ব আহাই-ন হিন' কুবুনি জাগাঅ বারাই
নাইতুগই তঙমানি সীলাই অ বারাইমান
মায়াতিনি বাসীলা অকীরা বুদুজঙ বাই-ন কায়ই
খিবমানি চাঅ, তাঙমানি তাইমানি ব হাই
বারাই চিনি কামিঙগসে কীরাইনা।

সুবতি ফাইকা।

সুবতি

: অ দাদা বাই বাচাই নরগ হিচাকনাই তাম ককন
আসীক গলক গলক খাই সালাই তঙলাইখা
সীলাই?

দুপতি

: ই-ক নিয়াদা মায়াতিসঙনি নগ' ফাঅই
তঙফাইমানি ককন সালাই তঙগ খেনচেনে
তাঙনাই তাইনাই হিনই।

সুবতি

: আউ বাচাই অ বারাইমা হাই তাঙনাই তাইনাই
চিনি কামিঙগসে কীরাইনা, আঙ খাই বাহারই
মাঙসে তঙমানি নুগ' সমানই-ন ফর সাকাই
ফর খায়ই। মায়াতি অ বাসীলা অকীরা বুদুজঙ
বাই কায়ই খিব কাই-ন হামখামন কুবুনি
বারাইন' নাই- তুগই তঙমানি সীলাই।

দুপতি

: আউ কাইনি বিহিগ আঙ-ব আবতাই-ন হিন',
অ বাসীলা বাই-ন কায়ই খিবকাই হামকামন
হিনই।

চত্তদিরি

: কায়ই খিবকাই চাসুক তা হিন আর বারাই
নাইতুগই তঙমানি সীলাই।

দুপতি

: কাইনি বিহিগ নীঙ কিসা মায়াতিন সাঅই
রিনাবা অ ফাইনাই বারাইমা বাই-ন কায়ই
খিবদি হিনই, তেবসাকাই সাঅই রিদি।

সুবতি

: আউ খাই বাচাই আঙ মায়াতিন সাঅই নাইয়ানী
কুবুই কুবুই খাই-ন।

চউদিরি, দুপতি তাই সুবতি থাংকা।
মায়াতি বাই সুবতি ফাইকা।

সুবতি

: কাই মায়াতি নীঙ নিনি গাতিঅ মানবুই
ফাইমানি অ বীরাইমা তাবুক বুবতাই খাই তঙ
তাঙথানি তীয়থানি বা বুবতাই-ব, তঙথানি
চাথানি-বা কাহামদে হাময়া আঙ উডাইসা
থাংগই নুগইমানিসে অ বীরাই- মান আঙ নিনি
নগ থাংয়া-ব বালকখা।

মায়াতি

: অমা বাচাই আঙ মানবুমানি অ বীরাইমানি
ককন খাই তা সাদি খাইচিক তীরীঙ মাঙসে
তঙগ তাঙথানি তীয়থানি হিনকাই, তঙথানি
চাথানি হিন-ব সানানি কক কাঁরাই মা মা দাদা
দাদা খুক বীরাই হিনমানি-ব তাই সানানি কক
কাঁরাই, আকল-ব আসাঁক-ন কাহাম, ইখিপি
তাই কিসা লাইখা আকল হামমানি।

সুবতি

: আবতাই তাঙমানি তাঁইমানি কাহাম
হিনকাই-বা তাই আকল কাহাম হিন কাইবা
নীসীলা বুদুজুঙসা বাই-ন কায়ই রিঅই
মানবেলে কুবুনি বীরাই নাইতুগই তঙমানি
সীলাই। চিনি কামিঙ কাইসা কামিঙ কক-ন
সীঙলায়ই তেবসাকাই চাঁঙ জত-ন থিক
তঙখাই সাব তাম খাইফায়ই মাননানি চাঁঙন।
পুইলা বরক খরকনাইন থেপাই রিগীরাদি।

মায়াতি

: আব তাম খাই থেপানানি সীলাই বাচাই?

সুবতি

: মুঙসা বুদ্দিন খায়ই মা থেপাউনীতা, আবতাই
বুদ্দিন নাইতুগই তঙদি নীঙ বুফুবুবা সেপ
মান-ন হিনই।

মায়াতি

: আউ বাচাই।

মায়াতি বাই সুবতি থাংকা ।
মায়াতি বাই ফুতাঙ ফাইকা ।

ফুতাঙ

: মা আঙ তাবুক ফুঙনি সীকাঙগ বলঙগ থাঙগই
বল ফাকসা নাহারই ফাইগীরানা চিনি বলনি
নগ-ব বল কম উঙগই থাংকা, তাবুকনি
সিমি-ন বল কিসা খাই বলঙনি বল তানই তুবই
ফাইমানি হাম', উল' ডাটাই পামতাই ফাইকাই
বলন সকনানি তঙনিয়া ।

মায়াতি

: (বাবেখা মরক-ন কীথারিনানি সেব তাবুক-ন)
অমা মা-য় বলঙগ সাইচুঙ তা থাংদি
বলঙগবদে সাইচুঙ থাঙ থাঙ মাতিঙ,
বলঙগ-বা মীসা তঙগ মায়ুঙ তঙগ চিবুক
সিনদীরাই তঙগ গেগুমা মুই সেলে তঙগ
সাইচুঙদে বলঙগ থাঙ, বলঙ উঙখা
কিরিমিসিসা জাগা নীঙ সাইচুঙ তা থাংদি
মাতিঙ নিনি দাদান লগি খায়ই তীলাঙগই
থাংদি বল-ব ফাকনীই সক পাইয়ানী উইসা
বাই-ন । আঙ তাবুক নিনি দাদান নুঙগই নিনি
লগিঅ খাই রিহরডানী অ বাতুঙ ফাইগীরাতি ।

বুদুজঙ ফাইকা ।

বুদুজঙ

: মা, নীঙ আন তাম খাইনানি নুঙ কামদে তঙ
আঙ বাই ?

মায়াতি

: ই-ক নাহানকজীক বলঙগ থাংগই বল তানই
তুবুনানি ফন, ব সাইচুঙ বলঙগ বাহাই থাংনাই,
নীঙ-ব বিনি লগিঅ থাংগই বলন তানলাই
তুবলাই ফাইলাইদি, বলঙগ হিনকাই মীসা

বুদুজঙ

তঙগ মায়ুঙ তঙগ, বন নীঙ লগি রিতাই
নীঙ-ব বল ফাকসা তানই তুবই ফাইদি।

: আউ মা আঙ-ব বিনি লগিঅ থাংগই লগি
রিতাই বল ফাকসা তানই তুবই ফাইয়ানী।

মায়াতি, ফুতাঙ তাই বুদুজঙ থাংকা।

বুদুজঙ বাই ফুতাঙ ফাইকা।

ফুতাঙ

[বুদুজঙ বাই ফুতাঙ বলঙগ বল তানই
তুবলাইনানি হিনই বলঙগ খরকনাই খাই
থাঙলাইখা]

: দাদা আঙ সাইচুঙ বলঙগ বল তানই তুব- নানি
হিনই ফাইমানি নীঙ আনি লগিঅ তাম
খাইনানি ফাই?

বুদুজঙ

: হাই আব তাম হিনমানি সীলাই মীনাই, নীঙ
সাঅই মানয়াদে বলঙগ হিনকাই মীসা, মায়ুঙ,
গেগুমা, মাথাই, চিবুক, সিদ্দাই, মুইসেলে
তঙগ, আবন নুঙ কিরিয়াদে?

ফুতাঙ

: আবন আঙ কিরিয়া দাদা আন মীসা ফা-ন
উথারথন মায়ুঙ ফা-ন কাফিকথন চিবুক
সিদ্দাই ফা-ন সুগই বুথারই থিবতন, আঙ
থীয়ই থাঙতন হিনই-ন সাইচুঙ বলঙগ বল
তাননানি হিনই ফাইঅ, নীঙ তাম খাইনানি ফাই
আনি লগিঅ, দাদা নীঙ কিফিলই থাংদি নিনি
ন-গ আঙ থাইয়া-বা জেসা ফা-ন উঙগই
তঙগানী নীঙ আনি বাগই কিসা ফা-ন তা
উনাদি। আঙ থাইনানি হিনই নখরই ফাইকা
আগি-ন আনি নগনি, আঙ থাইয়ই-ন
থাংসিনাই।

বুদুজঙ

: আবতাই ককন তা সাদি মীনাই আঙ কাঁথাঙ

তঙতীতীই আনি মকল গানাঅ খায়ই নন
বুথারিঅই তনিয়ই মানয়া আঙ, আঙ নিনি
বদলাসে থীয়ই থানানিসে রাজি তঙবা ত-ব
আনি মকল গানাঅ খায়ই নন বুথারি তনি
মানয়া, আঙ-ব মতেঙ কামিঙনি চীলা-ন।

ফুতাঙ

: দাদা নীঙ আন বুথারই খিবনানি মুচুঙয়া
হিনকাই তা-ম খাইনানি মুচুঙ সীলাই কুবুই
খায়ই সাদি, তা খকদি ম বলঙ আন্দার' কেব
কীরাই, নীঙ বাই আঙ সিমি-ন চীঙ খরকনাই।

বুদুজঙ

: আঙ বরক উঙগই বরকনদে বুথারিনানি
মুচুঙবা, নীঙব বরক-ন বীলা, নন তাম খায়ই
আঙ বুথারি তনিনাবা আনি মকল গানাঅ
খায়ই, নীঙ জেথানি ফা-ন উঙথন আনি নগ'
ফায়ই সকফাইখা নীঙ থীয়ই থাংমানিন আঙ
নাইসিগই তঙগই মান-ন, আনি মানি
অগসিঙগ বীরাই বামানি কীরাই, চীঙ চীলা
সিমি-ন তাখুকনাই তঙগ, চিনি নানক হিনই
কীরাই, নন তাই আঙ কুবুনি নুখুঙগ হরলিয়া
জিবন কুসুঙসা আনি ন-গ তনিঅই নানক
সীনামই তনি- নাই।

ফুতাঙ

: দাদা আঙ নিনি নানক-ব উঙনাই তাই নিনি
সুউরি-ব উঙগই তঙসিনাই, নীঙ জদি আন
বুথারিনানি মুচুঙয়া হিনকাই নীঙ খাই তাম হিন
সীলাই দাদা ?

বুদুজঙ

: নীঙ আনি সুউরি উঙগই তঙখা হিনকাই বুই
চীঙন তাম হিননানি বুই চীঙন রমই বুডানী,
আফুরু চীঙ তাম জবাব রিনাই ?

ফুতাঙ

: অ নীঙ আবনি বাগইদে কিরিঅই তঙবা, অ
জবাব-ন আঙসে রিনাই তঙগ, নীঙ ককন
থাইচা ফা-ন তা সাদি আঙসে সানাই তঙগ।

- তাবুক নীঙসে তাম হিন সাদি আঙ নন সামানি
ককন ?
- বুদুজঙ : নীঙ কক কুবুই সাঅই সইতদে খীলাই মান-নবা
মীনাই ?
- ফুতাঙ : আঙ কক কুবুই-ব সানাই সইত-ব খীলাই নাই,
নীঙ বাই জিবন, কুসুঙসা-ব তঙগই থানাই ।
- বুদুজঙ : দ কুবুই কুবুই হিনকাই তিন সইত খায়ই য়াফান
বুদি ।
- ফুতাঙ : দাদা আঙ নীঙ বাই জিবন কুসুঙসা তঙনানি
হিনই তিন সইত খায়ই য়াফান বুখা ।

ফুতাঙ রীচাব’ ।

আঙলে বিদেশি তকসা বুফাঙগ বাফাইকা উইসা
বুবতীই তকসা-ব সিদে সিনিকা
তঙরীক থাঙসিনাই উইসা ।

বুমানি বাসা আঙলে সাক কাইসা
জান বাই আঙ বাইলে বনেঅই তঙখা
নীঙ বাইলে সাক-ন বাকসা ।

ফাগুননি নকবার তিনি-ন সিব’
বসর কীতাল খাই ফাইয়
পুইলা আঙ নন নুগই বাঁখাত হামজাগই থি-ব ।

ডাঅ সুবুগ ডাঅ সুবুগ সাইচুঙ বাঁখাত চাব’
উঙসিতন হিনই আঙলে বাবেঅ
নীঙ বাই-ন থাইনানি হিনই কাব’ ।

বলঙনি তকসা খুমুলীঙ বাঅ
বথপ থুমনানি হিনই
দিদা চিকনসঙন আঙলে নুগ নুগই
তিনি-ন ককন সাঅ ।

বায়াপচারিরক কাদঙন কাঅ, মুকুমু নারীকনানি বাগই

নীঙলে আনি জানলে সকগীনাঙ

নন কাবইলে সাঅ ।

- বুদুজঙ : অঙখা মীনাই নীঙ তাই তা রীচাবসিদি, নিনি
রীচাবমানিন আঙ জত-ন বুজিবাইখা আনি
মুঙন বুদুজঙ আঙ কীরাগখাই রমনাই রজঙ ।
- ফুতাঙ : নীঙ আন খিবিঅই মানগীলাগ দাদা ।
- বুদুজঙ : সহিত উইসা-ন খাইঅ সহিত উইনাই উই থাম
খাইয়া নীঙ আনি মীনাই মীনাই-ন তঙনাই ।
- ফুতাঙ : আঙ-ব আবতীই-ন দাদা ।
- বুদুজঙ : অঙখা মীনাই চাঙ তাবুক জ-ন ফাকসা বলন
তানই ন-গ তাঁলাঙলাই থাংলাই -গীরানা
হিমদি ।

বুদুজঙ বাই ফুতাঙ থাংকা ।

গমাঙ বাই চমাঙ ফাইকা ।

- গমাঙ : অ চমাঙ নীঙ কক খাইচা খীনাকাদে ?
- চমাঙ : তাম কক গমাঙ আঙ খীনায়াখ, নীঙ আ-ন
কিসা সাদি খীনায়া ককন খাই খীনানানি মুচুঙগ
মীচায়া মানাঙয়া হিনকাই চানানি মুচুঙগ নুকয়া
মানাই-ন হিনকাই নাইনানি মুচুঙগ-দ কিসা
সাদি খাই তাম ককবা উঙখা । খীনায়া ককন
হিনকাই খীনা নানি মুচুঙগ নিয়াদা ।
- গমাঙ : মিয়াঅ চিনি কামিঙনি বুদুজঙ বাই বিনি নগ'
ফায়ই তঙফাইনাই বীরীই ফুতাঙ হিনজাগনাই
বাই বলঙগ থাঙলাইয়ই বলন তানলাই তুবলাই
ফাইলাই ফন, বুদুজঙ বাই ফুতাঙবা কাসে
কাইজাগলাইয়ানী বেলে ।
- চমাঙ : হাই আবতীই খাইবা কক কাহামসেবেলে

কাইজাগখন চাঁও বরগনি সাদিঅ মাই ফাইসা
মীচাখাই-ন উঙগ আবতাই যাদা গমাঙ, নীঙ
খাই তাম হিন সীলাই?

গমাঙ

: আঙবা তাম হিননানি, আরা অদিন খাই তঙনাই
বীরাই বাইবা কাইজাগ খিবখাই-ন হামতা।

বুদুজঙ ফাইকা।

বুদুজঙ

: হাই! দা গমাঙ বাই দা চমাঙ তাম ককনবা
সালাই তঙলাই সীলাই গলক গলক খাইলাই
নরগ অর।

গমাঙ

: বাবা! নীঙবা নিনি নগ' তঙফাইনাই বীরাই
ফুতাঙ বাইবা খাপেসীক বেলে, বলঙ
থাংলাইফুরু-ব নীঙ সীকাঙ-ব উল' খাই
থাংলাইয় য়াকরাই কাসা খাইলাইয়ই, বফাক
বলন তানই তুবলাই নগ' ফাইলাইফুরু-ব
নাইথতক খীলাই লায়ই য়াকরাই কাসা খায়ই
বফাগন তুবলাই ফাইলাইয় নরগ খাই
খাপেলাইয়-ন।

বুদুজঙ

: আঙ ফুতাঙ বাই খাদে খাপেবা?

চমাঙ

: খাপেয়াখাই খাপেসুকতা হিনু, নীঙ ফুতাঙন
বুইনি নগ' তা রিহরদি নীঙন কাইজাগই খিব
রিদি কীচাঙ কীচাঙ খায়ই।

বুদুজঙ

: আঙ ফুতাঙ বাই কাইজাগই খিবি রিখাই
কামিঙনি বররক আন তাম হিননানি?

গমাঙ

: নন কামিঙনি বররক তাম হিননানি সীলাই
কাহাম উঙখা হিনই হামজাগই তঙবাইয়ানী,
ব বাই-ন নীঙ কাইজাগই খিবদি। আঙ চমাঙ
বাই থাঙগই নিনি মান সাতই রিডানী নীসীলা
বুদুজঙন নিনি নগ' তঙ ফাইনাই বীরাই বাই-ন

- কায়ই খিবদি হিনই সাঅই রিডানী নীঙ
তা-ডানাডি চীঙসে তঙগ নিনি বাগই।
- বুদুজঙ** : দাদাসঙ নরগ আনি বাগই মান থাংগই
সাঅইদে রিঅই মাননবা, মা-বা তাম হিনবা
তঙন আনবা ?
- চমাঙ** : নীঙ তা ডানাডি, চীঙসে তঙবেলে নিনি বাগই
চীঙ জেসা খাই ফা-ন নিনি মান মথগই
খিবনাই, চীঙন নীঙ তাম হাই বুজি ?
সীকাঙনি-ব উল খায়ই মান' উলনি-ব
সীকাঙগ খায়ই খিবিঅই মান', আহইয়াদা
গমাঙ বুদুজঙ সিচে সিনিয়াখ চীঙন।
- গমাঙ** : নীঙ নিরাল খাই তঙদি, চীঙসে তঙবেলে নিনি
বাগই।

গমাঙ, চমাঙ তাই বুদুজঙ থাংকা।
মায়াতি, গমাঙ তাই চমাঙ ফাইকা।

- গমাঙ** : তয় চিকন খাই বীকীরা বাই সে খাপেঅই চীঙ
খাই নানােসে নুঙনানি কীলাই তঙসিঅ হালগ'
হিনকাই।
- চমাঙ** : গমাঙ নীঙ তয়ন নানা নুঙনানি কীলাইখাই
আঙ-ব নানা-ন নুঙনানি কীলাই তঙখাতা
আহই খাই তয়ন।
- মায়াতি** : হিনমায়া নরগন-ব নীকীরাজীক বাই কায়ই
আঙ কুমুই হিনই রিঙসিডানুতা আহই খাই,
চীলা হাময়ানি বীসারক তিনি অর বর লুপা
বাকসা খাই উঙফাইবাইখা-সীলাই, তিনি আনি
অর নরগ তাম আঙ বাই কামন নাঙগইদে
ফাই ?
- গমাঙ** : তয় চিকন চীঙ নন-ব নুকয়া বালকখাবা

- আহাই-ন নীঙ বাই সীরাপসা কক সালাই
তঙলাইয়ানী হিনই ফাইকাতা ।
- মায়্যাতি : আউ নরক ফাইকাবা হামকা, সাদি কক তঙখাই
আন তা খকদি বীখা খুলাসা খায়ই-ন সাদি ।
- চমাঙ : তয় চিকন নিনি নগনি বররক বিয়াঙ থাংবাই
সীলাই ?
- মায়্যাতি : আনি নগনি বররক তিনি জত-ন কাম খাইনানি
হিনই থাংবাইঅ, আঙসে তিনি নককুমুন
তঙনাই, জেসা কক হিন-ব তাবুক নরগ আন
সাঅই মান' আনি নগ কেব কীরাইসানি ।
- গমাঙ : তয় চিকন কক খাই আহাইসে তাবুক নিনি নগ
ফায়ই তঙফাইনাই বীরাই ফুতাঙ বাই নিনি
নীসীলা বুদ্ধজঙ বাই কায়ই খিব কাই তামঙ
সীলাই ।
- মায়্যাতি : আঙত কায়ই খিবনানি-ন মুচুঙগ কামিঙনি
বররকবা তাম হিনবাই-ন আব ন কিরিবেলে ।
- চমাঙ : চাঙ কীরাইদে নিনি বাগই ? তা উনাদি তয়
চিকন কায়ই-ন খিবদি বুদ্ধজঙ বাই ফুতাঙন,
চাঙ চউদিরি বাই খানদল বাই খাই কক সালাই
খিবই রিউনানী নীঙ তাম ন উনাই তঙ তয়
চিকন ।

মায়্যাতি, গমাঙ তাই চমাঙ থাংকা ।
দুপতি, চউদিরি তাই খানদল ফাইকা ।

- খানদল : দা চউদিরি নগদে তঙ বাচাই ?
- দুপতি : অ খানদলসে বীলা নীঙ তিনি বর' সকপাই
সীলাই আথাঙ কুথাঙ, তাম নিনি দাদাবাই
কামদে তঙ তাম ? ব-উ বাসিয়াসঙনি নগ'
থাঙগ ব তাবুক-ন সক ফাইয়ানী নীঙ আচুক
-সকগীরাদি ।

- চউদিরি : অ নীঙ তিনি বিয়াঙ সীলাই খানদল ?
- দুপতি : ইকোলে ফাইকা নিনি দাদা, নীঙ নাইতুগমানি বরক ।
- চউদিরি : তাম নীঙ আঙ বাই কামদে তঙ তাম খান-দল ?
- খানদল : কক বিসি কীরাই দাদা, আহাই-ন তঙতীতীই কক থাইচা থাইচু সালাইয়ানী হিনই ফাইমানিতা ।
- চউদিরি : সাদি খাই খানদল বীখা-ন খুলগই-ন, আন তা লাচিদি তা কিরিদি অর তাই কেব কীরাই নীবাচাই সিমি-ন সাইচুঙ চক চক ।
- খানদল : কক খাই আহাইসে তাম মায়াতিনি নগ' ফায়ই তঙফাইনাই বীরাই বাই বীসীলা বুদুজঙ বলঙগা থাঙলায়ই বলরক তানলাই তুবলাই হিনবেলে হিচাকনাই হিচাকনাই হাই খাই, বুই বরগন নুগই তেতেব তাতাব খাই সালাই তঙবাইখা, আবতীই খাই বরক উঙলাই তঙলাই চিনি কামিঙ দুরনাম উঙগই থাংগানী হিনই ।
- দুপতি : আঙ-ব আহাই হিনই-ন কিসা কিসা খীনায়া খাই তাম সীলাই বুই সালাইমানি, আঙবা বুজিসুকয়াবা অ ককন বুইন-ব সীঙলিয়া নিরাল খাই তঙখাতা সিরিঙ সিরিঙ খায়ই ।
- চউদিরি : আহাই উঙলাই তঙখাইবা নীঙ গমাঙ বাই চমাঙন নিহিন নাহারই সাঅই রিদি বুদুজঙনি বুমা মায়াতি ন সাঅই রিয়ইখন আবতীই দুরনাম উঙগই তঙমানি সীলাই কাইখাই কায়ই খিবতন, আঙবা আগিঅ-ন কায়ই-ন খিবদি হিনই সাঅই-ন রিখা ।
- খানদল : আঙ গমাঙ বাই চমাঙন নুঙগই সাঅই রিডানী খাই ।

দুপতি, চউদিরি তাই খানদল থাংকা ।
বুদুজঙ বাই ফুতাঙ ফাইকা ।

বুদুজঙ

: মীনাই নীঙ পুইলা আনি নগ' নন গাতিনি
খচাঅই আনি মা তুবই ফাইপুরু-ন আঙ নন
হামজাগই তঙখাম বরনি আনি নগবা আসীক
বারীই নাইথক সকফাইখা হিনই, নীঙ আবতাই
খাই তামঙগই চিনি তুকুমানি গাতিঅ কীলাইমা
তঙফাই আ-ন কিসা সাঅই খীনারিদি ।

ফুতাঙ

: দাদা তিনি নন অ কক-ন সায়াখ, নীঙ বাই
কাইজাগ বায়ই উল' কীচাঙ কীচাঙ খাই
সালাইয়ানী ।

বদুজঙ রীচাব' ।

আঙলে নাইসিঙগ নন, বুফুরু সাফাইনাই ককন
কুবুই চাচা-ন ফাইয়ানী হিনই, বুঅইলে তঙগ খান ।
নীঙলে আনি নাইথক জাদু-ন, খাবিসিঙ আঙলে হামজাগ' নন
খানি জাদু-ন খায়ই নন সীনামই তঙগানী নীঙ বাই আঙ-ব ।
হামজাগ' হিনমাবা কিসানি ককয়া, বুইন সানা-ব চুকয়া
বীখা বিসিঙগ চিকন সাইরান্দা তামই তঙমানি, বুইলে আবন নুগয়া ।
বুইনিলে হাময়া আনি নাহায়া, মায় বাবুন আব সাথকয়া
বীখা বিসিঙগ মুইতু উঙমানি, থুঅই-ব মুকতীরীই থাংয়া ।
আইচুকনি খুমনি বাহাই, নন মান মামাঙ তঙগ কুঙহাই
আইচুক তগলা কইচিক তঙফুরু, মুকতীরীই থাংয়া আঙখাই ।
নখলা সাব খাই ফারই, খুম মতম মতম বারই
উইসালে নাঙ ফাইয়ানী চগইলে তনখা উরাই ।
দঙগই য়ইনি চখি য়াগ' খামানি রাখি

অ নীঙবাইলে আঙবাই কাইজাগলাইফুর, বুইন খাইয়ানী সাক্ষি ।
হরজলাই কীচাকনি হকি, নীঙন আনিলে সকি
নীঙ ব-র যকনাই তুবনাই-ন তুবনাই, নীঙদে আনি থানি তিকি ?

বুদুজঙ বাই ফুতাঙ থাংকা ।
খানদল, গমাঙ তাই চমাঙ ফাইকা ।

- খানদল : গমাঙ বাই চমাঙ নরগন আঙ রিঙমানি হিনকাই
আহাইসে নরগ চিনি কামিঙনি মায়াতিনি
বীসীলা বুদুজঙ বাই বরগনি নগ তঙনাই ফুতাঙ
হিনজাগনাই বীরীই বাই বলঙগ খরকনাই
খাইলাই থাংলায়ই বলন তানই তুবলাই ফন,
নরগ অ ককন খাঁদে খীনাবাইখা ?
- গমাঙ : খীনাকাবেলে কাকা তাবুক চাঙ বুবতীই তাম
খাইনানি সীলাই সাদি নীঙ জে সামানি চাঙ
আবন-ন খীনানাই ।
- চমাঙ : নিনি ককন চাঙ কিসা ফা-ন নরই থাংয়া ।
- খানদল : নরগ থাঙগই তাবুক বুদুজঙনি বুমা বাই
মালায়ই কক সীঙনানি সালন থিক খায়ই
রিঅইলাইদি, চাঙ উল' থাংগই কক সীঙগই
লাইয়ানী, থাংদি নরগ তিনি সালনি
বিসিঙগ-ন, খীনাঅ চাঙন খবর রিফাইদি ব
সাল' ককন সীঙনানি ।
- গমাঙ : আউ কাকা চাঙ থাংকা খাই ।

খানদল, গমাঙ, তাই চমাঙ থাংকা ।
আয়াজীক বাই, আয়া ফাইকা ।

[বুদুজঙ বাই ফুতাঙনি সাদি উঙথা ।]

আয়াজীক রীচাব’।

গাইচেঙ গাইচেঙ গাইচেঙ
আয়াজীকমানি গাইচেঙ
মীসাকা বাইচেঙ বাইচেঙ
য়াগসি মীসাদি য়াগীরা মীসাদি, মীসাদি গাইচেঙ গইচেঙ
গাইচেঙ গাইচেঙ গাইচেঙ আয়াজীকমানি গাইচেঙ।

আয়া রীচাব’।

গাইচেঙ গাইচেঙ গাইচেঙ আয়া মীসামা গাইচেঙ
য়াকসি মীসাদি য়াগীরা মীসাদি মীসাদি বাইচেঙ বাইচেঙ
গাইচেঙ গাইচেঙ গাইচেঙ আয়া মীসামা বাইচেঙ।
চামারি কানাই বীরীই তীলাঙখা
মা থাঙকা বাইচেঙ বাইচেঙ
আয়াজীকমালে আয়া উঙনাই বাই
মীসাখা বাইচেঙ বাইচেঙ
বীরীইনি নগ’ চীলা মা ফাইকা
মীসাখা গাইচেঙ গাইচেঙ
আয়াজীকমালে আয়া উঙনাই-ন
তীলাঙখা বাইচেঙ বাইচেঙ
গাইচেঙ গাইচেঙ গাইচেঙ
আয়াজীকমানি গাইচেঙ [সাদি উঙবাইখা]

বুদুজঙ রীচাব’।

তীয়বুক আ গীতীই সীতীই করম’ তীই
নাঙ বাইলে আঙবাই মালাই তঙফুরু
বীসীকলে তঙথক গীতীই।
সাম’ আচুগই নন নাইসিগই

বইখনত' পুরিঅ তঙতাই
থাইতনলে থাইতন থাইতন থাইইসে থাংখন
নন আঙ মানখা থাইতন,
তিনি অরসে থাইতন।

ফুতাঙ রীচাব'।

উঙখনলে উঙখন উঙখন উঙগইসে থাংখন
আঙ নন মানখাবা উঙখন
তিনি অরসে উঙখন।
তীয়বুক আ গীতাই সীতাই করম' তাই
নৌঙ বাইলে আঙ বাই মালাই তঙফুবু
বাসীকসে তঙথক গীতাই।
সাম' আচুগই নন নাইসিগাই
আঙ বাই নৌঙ বাইলে খা মিলিফুবু
বইখনত' পুরিঅ তঙতাই।
থাইতনলে থাইতন থাইতন থাইইসে থাংখন
নন আঙ মানখা থাইতন
তিনি অরসে থাইতন
তিনি অরসে থাইতন।

বুদুজঙ রীচাব'।

মান খালে মানখা আঙ নন মানখা
গানখিমালান মানখা।
ইমাঙ নুকমানি মুকথাঙগ নুকখা
তিনিলে নন মানখা।
খানি আউস নৌঙসে পাইরিনাই
আনি হামজাগমা উঙগই।
ককবিতি বিতি খাতি তনমানি
নৌঙ বাই সালাইনা হিনই।

ফুতাঙ রীচাব’।

অ নীঙ বাই জুগিতি কীনাই চাঙ উঙখা
আমতি-ন থাংলাইসিনাই।
জুগিতি কীনাই নীঙ বাই পিরিতি
চাঙলে মীতাই-ন উঙনাই।
নন মানখাবা খাঁইইসে থাংসিতন
বুথারই খিবদি আন।
লুকুবা নুকথন মুকুমু তঙথন
নাইসিক নাইবাইথন চাঙন।
বীসীক জনম’ আচায়ই ফায়ই
নীঙ বাই মালাইখা তিনি।
কেরেম কেরেম নীঙ বাইসে কেরেম
হামনাদে তঙখা চিনি।

বদুজঙ বাই ফুতাঙ থাংকা।
দুপতি বাই সুপতি ফাইকা।

দুপতি

: কীকাইনি বিহিগ মিয়াঅ বদুজঙ বাই ফুতাঙনি
সাদিনি মাই মুই থকচুকখা, জতনি সীলাই
থককা উাহান চাখাঁই লাই-ফাঙ বাই সঙমানি
ন, আঙ খাই মাইন অগ পুঙগই চাসীকখা নগ’
মাই অগ খাঁয়ই থাংমানি বাই আকন বাই, নিনি
নুউই চউদিরি-ব মাই মুইন থকজাগই অগ
পুঙগই-ন চাখা ফন।

সুবতি

: আঙ-ব থকজাগই চাখা অগ পুঙগই-ন বাচাই,
নীপীরাঙরক খানদল-ব অগ পুঙগই-ন চাখা
ফন, বুই-ব জত-ন অ সাদিনি মাইমুইন
থকজাগবাইখা ফন।

দুপতি

: আগিঅ বদুজঙনি বুমা মায়াতি রানদি বাই

আকন বাই নগ'-ব চানানি নুঙনানি কীরাই-
জাবাই সীকালরকসে হিনজাগই
তঙতীরীঙজাসিঅ, মাদে মান মা মানয়া অসই
কসই।

সুবতি

: বরনি সীকাল মাননানি, নগ' কীরাইজাবা খরক
থক মা ফুলয়া-বা খাঁনাই চিপরক পরক উঙগই
তঙখাই সীকাল রীঙয়াই-ব রীঙথথক হাই মা
তঙগ বুই। মকল বাইথাঙ বাই নুকয়ারক-ন।
জে মকল বাই নুগমানি, য়াগ বাই রমই মানমানি
বুকুঙ বাই কুঙহাই মানমানি আব কুবুইনি কক,
জে মকল বাই নুগয়া য়াগ বাই রমই মানয়া
বুকুঙ বাই কুঙহাই নাহার মানয়া আব-ন
তাতাল নিয়াদে বাচাই।

দুপতি

: আউ নিনি ককন কুবুই কীকীইনি বিহিগ তা
সালাইদি ককন। সেই সেই কুবুইনি ককন খাই
পুইতু থাংলাইয়া, তাতালনি ককন হিনকাই
পুইতু থাংলাইয়।

দুপতি বাই সুবতি থাংকা।

ফুতাঙ, মদুজঙ, বুদ্ধজঙ, তাই মায়াতি ফাইকা।

ফুতাঙ সাদি খাইজাগমানি উল' মা খলুময়া
হিনই বীকীরাজীক মায়াতিন খলুম' য়াকুঙগ
কীলায়ই, আবনি লগি লগিঅ-ন মায়াতিনি
বীসা তাখুকনাই মদুজঙ বাই বুদ্ধজঙ-ব বুমান
খলুমকা।

মায়াতি বাহাম জীক ফুতাঙ বাই বীসীলাসঙ
তাখুক নাই মদুজঙ বাই বুদ্ধজঙন হামবাই
রিঅই সাঅ নরক আনি য়াগুল' আয়ুক কুপুলীঙ
থায়ুক কুপুলীঙ মানই হলঙনি আয়ু তায়বুকনি

আয়ু মানই তঙবাইদি আনি সারক তীয়রক
নরক হামই চাঅই জ-ল জ-ল ম-ল ম-ল
উঙগই তঙবাইদি আনি উ-ল মীখাঙ কাঁচাঙ
উঙগই খরাঙ কাঁপীলাই উঙগই তঙবাইদি ।]

বুদুজঙ বুমান হামজাগই রীচাব’।

অ আনি মা অ আনি মা
মা মা মা নীঙ-ন আনি মা ।
নীঙ হই নাইথক কাঁরীই নীঙ হই কাহাম কাঁরীই
নিনি য়াগ’-ন আঙলে তরখা ককন সানা কাঁরীই

মজুদঙ-ব বুমান হামজাগই রীচাব’।

মা মা মা নীঙ-ন আনি মা
নুঙ ফুনকসে নু-গ, নীঙ চারিসে তর
মা তঙগইসে আঙলে মীতীই, নীঙ কাঁরীই খাই বর
অ মা নীঙ কাঁরীই খাই বর ?

ফুতাঙ ব রীচাব’।

নুঙয়া কারই খানিনাই চায়া কারই চারিনাই,
চিকননি সিমি পুসিঅই তুবুনাই,
য়াগ বাই য়াকুঙন রাকরি
অ মা য়াগ বাই য়াকুঙ রাকরি ।

বুদুজঙ

: নীঙ-ন পাইথাক নীঙ-ন তীয়বুক অ মা
নীঙ-ন নকবার তীয়বার
নীঙ-ন নখা নীঙ-ন বাঁখা নীঙ-ন আনি চুকবার

মদুজঙ

অ মা নীঙ-ন আনি চুকবার
অমা আনি-মা অ আনি মা ।
: মা মা মা নীঙ-ন আনি মা
মকল ফুনুকনাই আন পুসিনাই
কিসিঅ থুঅই কীরান' মুথুনাই
নীঙ হাই বর মাননাই অ মা নীঙ হাই বর মানাই
মা মা মা অ আনি মা ।

ফুতাঙ, মদুজঙ, বদুজঙ তাই মায়াতি থাংকা ।
তীয়সা রাঙচাক কামিঙনি কনকতি বাই রাইবাই ফাইকা ।

কনকতি

: রাইবাই নীঙ আঙসাজীক কইনাতি ব জাগা
ব-থাংগই তঙগইখা থীয়ইদে থাংচুকখা
কীথাঙদে তঙখ নীঙ তঙতীতাই কিসা খবর
নাহারই নাইজাদি, আঙ আনি সাজীকমা
কুইনাতিন মুইতু উঙগই ফাইকাই বীখাঅ ইঙসা
উঙগই খাতাঙমানি তাই তঙগই মানয়া উঙগই
ফাইঅ । নীঙ জেসা খাই ফা-ন বিনি খবর
নাহারই নাইদি থীয়ই থাং ফা-ন কীথাঙ তঙগই
তঙ ফা-ন আঙ কিসা খবর মাননানি মুচুঙগ ।

রাইবাই

: আব বর তাই তঙসিনানি বাই নীসাজীক
কীথাঙ তঙখা হিনকাই কিফিলই সকফাই
-খামন, উঙয়াখাইবা মীতীই জিলাঅ তঙগ
হিনই খবর মানখামন, নীসাজীক কুইনাতি
থীঅই -ন থাংকীনা নীঙ বন তাই তা
উনসীকসিদি বাই ।

কনকতি

: আনি কীপাল-ন হাময়া মীনাই আনি
সাজীকমান পগই মানয়া বেলে কানি-ন বন
মকল গানা মাঙ নুগই তঙগ ।

রাইবাই

: অঙখা, তা কাবসিদি বাই ।

কনকতি বাই রাইবাই থাংকা।
চউদিরিনি বাঁসীলা কানতিয়া ফাইকা।

কানতিয়া : তাবুক অর চানদুরামনি বাঁসাজীক কুইনাতিন
মানজাগখাই সাঅই মানখামন বন তাম খায়ই
খিবরি আঙ, ব খায়ই থাংকাইবা আঙ বাই
মালাইনিয়া, ব-থাইয়া কীথাঙ জদি তঙখাই বন
আঙ যাকারয়া কুইনাতি সাব বাই কাইজাগই
তঙ আঙ-ব নাইলাঙগানী ফানসা থাইয়াঅই
আঙ তঙখা হিনকাইবা।

রাইবাই ফাইকা।

রাইবাই : অ কানতিয়া নীঙ তামঙগই সাইচুঙ সাইচুঙ
ককন সাঅই গলক গলক উঙগই মা তঙ সাবন
জলেজাগই তঙ নীঙ? যাকু ওরক
সঙরাতীরাঁঙগই সাইচুঙ নীঙ অর কেব নিনি
লগিঅ কাঁরাই বুই কাইসাচুক তঙখাই ককবা
বন ফাঁনোকনানি, নিনি যাকুঙ সঙরাই তঙমানি
সাব নুগই তঙনানি?

কানতিয়া : বুই আন নুগয়াইসে তঙথন আঙ সমানে-ন
জলেঅই মাঙসে তঙগ, ককসে তা সাদি
রাইবাই নীঙ।

রাইবাই : সাবন জলেবা নীঙ আন কিসা সানাবা।

কানতিয়া : আঙ তাই সাবন জলেমানি চানদুরামনি
বাঁসাজীক সাতই কুইনাতিনতা, তাই সাব আনি
জলেমানি বরক তঙবা, নীঙ খাই সাঅই
মানয়াদেবা আঙ বাই কাইজাগয়া হিনইসে ব
খারই থাংবা।

- রাইবাই : কুইনাতি থাঁয়ই থাংকীনা, বন নীঙ জলে- অই
তাম খাইনানি-বা।
- কানতিয়া : থাঁইকাই কীথাঁই মানখামন বীলা সীলাই,
কুইনাতি থাঁইয়াখ বররক-গ তঙগই
তঙখীনা তা তাম সীলাই।
- রাইবাই : দ নুকগানীতা।
- কানতিয়া : দ খাই নুকলাইয়ানীতা।

কানতিয়া বাই রাইবাই থাংকা।
মায়াতি, বুদুজঙ তাই ফুতাঙ ফাইকা।

- ফুতাঙ : মা আঙ তিনি নরগন কক থাইচা কুবুই ককন
সানানি, আগিঅ-ন সানানি হিনই তঙমানি জরা
মানয়া বাই সাঅই মানয়া উঙগই তঙখা,
আববাই আঙ নরগন সাঅই মানয়া আঙ
সানানি হিনমানি ককন।
- মায়াতি : তাম ককনবা সানানি উঙখা বীরীইমা সাদি
ককন খুপুবুই, তা খকদি চীঙন তীমা ককনবা
সানানিবা উঙখা আনি বীরীইমাবা সাদি অর
কেব কীরীই নীসাইরক বাই আঙ সিমিসে।
- বুদুজঙ : তাম ককনবা সানানি উঙখা সিয়া-দ।
- ফুতাঙ : মা আনি কামিঙ হিনকাই তীয়সা রাঙচাক
কামিঙগসে, আনি মানি মুঙ হিনকাই কনকতি,
আনি বা ফাতইনি মুঙ হিনকাই চানদুরাম, চীঙ
মাসাকথাম খাই-ন তঙলাইয় বা ফাতই ফা-ন
আব বুয়া তকয়া দুখু রিয়া বীসাজীক অগ
হাইখাই-ন তনিঅ।
- মায়াতি : উ-ল খাই তাই তাম উঙখা বীরীইমা?
- ফুতাঙ : আবতাই খাই চীঙ মাসাকথাম তঙলাইতে
তঙলাইতে আঙ সিকিলা জুগবার উঙখা,

আহাই খাই-ন বা আন কাইনানি হিনই চিনি
কামিঙনি চউদিরিনি বীসীলা কানতিয়ানি থানি
বিসিঙতাই রাঙ পুইসা নাহারখা নীঙ বাই-ন
আনি আঙসাজীকন কাইনানি হিনই অ রাঙ
পুইসা নাহারমানি মা বাই আন খগই।

মায়্যতি
ফুতাঙ

- : আবনি উ-ল তাই তাম উঙখা বীরাইমা ?
- : নগ' আবতাই উঙলাই তঙমানি জরা
হিনকাই-ন মতেঙ কামিঙনি চীলা খরকসা
বুদুজঙ বাই কাইনানি হিনই কক হরই রিখা।
চিনি তীয়সা রাঙচাক কামিঙনি চউদিরিনি
বীসীলা কানতিয়া আব হাই বরক সিতীরা
হিনজাগনাই তাই কাঁরাই, আববাই-ন আঙ
কানতিয়া বাই কাইজাকয়া অ বুদুজঙ বাই-ন
কাইজাগই থানানি হিনই বাঁখাঅ থাইচা রমই
খিবি রিখা।

মায়্যতি
ফুতাঙ

- : তাই তাম উঙখা বীরাইমা ?
- : উল' খাই-বা, কানতিয়ানি থানি আন কাইনানি
হিনই খগই রাঙ পুইসা নাহার- মানি মা বাই
চীঙ কীনাই সাঅই মানই আঙ বাঁখাঅ
পাঙকেঅই খিবকা, আঙ তাই কীথাঙ তঙলিয়া
তীয় বাখীলাই থীয়ই থানানি হিনই তাইয়
বাখীলাই রিঅইখা। নাইবা তাইয় লাইফাঙ
কঙসা কতরমা কচগই ফাইকাই আঙ ব অ
লাইফাঙন রমই কচগই ফাইকাতা জেথানি
ফা-ন কচগই থাইচিখন হিনই।

মায়্যতি
ফুতাঙ

- : উল' খাই তাই তাম উঙখা বীরাইমা ?
- : আবনি উ-ল হিনকাই অ লাইফাঙ বাই কচগই
থাংতে থাংতে তীয়নি কুমবিরন মাসা নুগই
রিখাই তাইয় দদর দদর বাখীলায়ই তীয়ন
রিয়গই সাঅই মানয়া উঙগই লেঙগই নরগনি

গাতিঅ কীলায়ই তঙখাতা লেঙসুগই, নরগ
আন নগ' বামই তীলাঙগই বিসিনাঅ রকরি
তনিঅই মখলই তনিমানি আঙ কিসা ফা-ন
সাতই মানয়া।

বুদুজঙ

: তাই কিসানি বাগই সাচুগই রিবাইসিদি তাই
তাম উঙখা ?

ফুতাঙ

: আঙ সিচাঅই বাঁচাঅই সানাই সাতাম উঙখাই
ম কামিঙনি বররক আন সাকাতা নীঙ
তঙফাইমানি ম নক উঙখা বুদুজঙ- সঙনি
নগসে হিনই, আফুরু আঙ মুইতু উঙ খাতা আন
কক হরই তঙনাইনি নগদে উঙখা তাম হিনই।
আবনি উলখাই আঙ সাচুই মানখা বিনি নগ-ন
হিনই, আববাই-ন কুতুললিয়া আঙ নরগনি
নগ'-ন তঙগই তঙখাতা আনি মুঙ ফুতাঙয়া
মা, আনি মুঙ সেই সেই হিনকাই কুইনাতিসে,
আঙ আব বুই সাতই মানানী হিনইসে আনি
মুঙ ফুতাঙ হিনই সাত।

মায়াতি

: অ হামজীক রাঙচাক-বা নরগ আবতাইদে
উঙগই তঙ চীঙলে সাতই মানয়া বেলে
সীলাই, নরগনি মুঙন ফুতাঙ হিনই-ন তঙগ
অঙখা নরগ হামই চাঅই তঙদি আনি য়াগু-ল।

মায়াতি, বুদুজঙ তাই কুইনাতি থাংকা।

বুদুজঙ বাই কুইনাতি ফাইকা।

বুদুজঙ রীচাব'।

নীঙ খাইলে আনি আঙ খাইলে নিনি, আব সাবন সানানি,

সানানি জাগা কীরাই।

নীঙ-ব হামজাগ আঙ-ব হামজা-গ, চাঙ কানই কানই হামজাগলাই তঙমানি

চাঙলে চীলা বাই বীরাই।

কুইনাতি রীচাব’।

নখা বাইথাঙব সামনি কুতুলয়া, নন নাইসিকগই আঙ আইসি যকয়া
অ নিনি সামনিদে কুতুল কুতুল ।
ফেরাঙ কক তঙব গানানি কনয়া, রাঙচাক নুগই তঙ-ব থাংগই খচায়া
নৌঙ-ন আনি রাঙচাকনি বদুল ।

বুদুজঙ রীচাব’।

নৌঙ খাইলে আনি আঙখাইলে নিনি ...
নৌঙব দাবুনি আঙ-ব দাবুনি দাবুন দাবুনি চীঙলে মালাইখা
অ নকবারলে ফায়ই বাই খুলীক থাংব কাগলাই মানগীলাগ চীঙলে
চীঙ কীর্নাই কীর্নাই হামজাগ মালাইখা, তীয় কতর ফায়ই বাইসনই
থাং-ব কাগলাই মানগীলাক চীঙলে ।

কুইনাতি রীচাব’।

চীলা তঙথানি বীরীই মা তঙগ, বীরীই তঙথানি চীলা মা তঙগ
চীলা বাই বীরীই থানচা তঙয়াখাই আব উঙনানি কীরীই ।
নুখুঙ খাই চাঅ চীলা বাই বীরীই, থিবি হর মানয়া তেনা রীসীরীই
কিতিঙ কাতাঙ খাই আর মা তঙগ মিতিলাঙগানী মীরীই ।
নৌঙ খাইলে আনি আঙ খাইলে নিনি ...

বুদুজঙ বাই কুইনাতি থাংকা ।
কমলাতি বাই কুইনাতি ফাইকা ।

কমলাতি

: বাচাই-বা কুকুবুই খাই দুখিনি বরক বেলে চীরাই
ফাঙসিনিসে বুফা কীরীই হিনকাই । অ বুফা
ফাতই উঙগই-ন নন কাইনানি হিনই বুইনি
থানি রাঙ পুইসা নাহারই চাতই তঙগই মানতা,

- নীঙ অর জেসা খাই ফা-ন ফায়ই সকপাইখা
খুব কাহাম-ন উঙখা বাচাঁই নরগনি নকনি
বররক জত-ন কাহাম গীজামাঙ ।
- কুইনাতি : আউ নিনি দাদা বাই-ন লালি সাঁইমানি তঙগ
আব বাই-ন আঙ অর সকফাইনানি তঙগ
কাঁকাঁই ।
- কমলাতি : বাচাঁই নিনি মা তঙগ হিনকাই দাদা-ন
তীলাঙগই উইসা থাংগই বেরাইয়ই ফায়ইদি,
নিনি মা নীঙ বাই দাদান নুক সকখাই বাঁসীক
তঙথকজাগই হামজাগই তঙ-ন সাঅইদে মান,
নখাদে তঙন হাঅদে তঙন সাঅইদে মান
তঙথক জাগমানি ।
- কুইনাতি : আউ থাংগানী কাঁকাঁই আঙ ব মান খাতাঙ
-মানি কুল কাঁরাঁইখা, মাসে তাম সরি খেতেক
খাতাক উঙজাগই তঙখাতা ।

কমলাতি বাই কুইনাতি থাংকা ।
মায়াতি বাই বুদুজঙ ফাইকা ।

- মায়াতি : সাজীলা নন-ত আঙ রানদি তীতীই হাম হুময়া
খাইফা-ন কায়ই বরই রিখা আনি সরি-ব তাম
খেতে মেতেক উঙগই তঙগ । নীকাঁরাজীক
তাবুক-ব কাঁথাঙ তঙখা হিনকাই নরগ
নিহিগরক বাই কাঁনাঁই খায়ই থাংগই বেরাইলাই
ফাইলাইদি ।
- বুদুজঙ : আউ মা থানানি-ন নিনি সরি-বা তাম উঙন
তাই কিসা নন নাইয়ই থাংলাইয়ানী তাই সালচা
সালনাঁই তঙগই ।
- মায়াতি : থাংলাইদি খীনা-ন নিহিগরকন নীকাঁরাজীক
সঙ নুকয়া বালকসীগই তঙখা, বাঁসীক

জরাতাই বীসাজীক-ন খাতাঙজাগই তঙখীনা সাঅই মান নিহিগরক ফাইমানি তাবুকদে চিনি নগ'।

বুদুজঙ

: থানানি-ত থানানি-ন নিনি সরিসে তাম উঙন আবসে কিসা উানাঅই তঙগ আঙ।

মায়াতি

: তাম উঙনানি আঙ কুসতাম ফা-ন উঙয়া, নরগ থাংগই হরতাম হরবীরাই তঙলাই ফাইনানি-বা তাম তঙ, থাংদি আঙ কুসতাম উঙয়া কিসা তঙগই ফাইলাই নানিবা।

মায়াতি বাই বুদুজঙ থাংকা।

চানদুরাম, কনকতি, বুদুজঙ তাই কুইনাতি ফাইকা।

বুদুজঙ বাই কুইনাতি তীয়সা রাঙচাক কামিঙগ থাংলাইকা বেরাইনানি হিনই থাংলাইকা বুদুজঙ বাই কুইনাতি। থাংলাইতে থাংলাইতে বীকীরাজীক কনকতিনি নগ' থাঙগই সগইলাইখা।

কনকতি

: অমা আনি সাজীকমানি বুমাখাঙ তিনিসে নুগ বেলে। নীঙ বর থাংগই তঙগই সীলাই আসীক সাল। নীঙ তিনি বর তঙমানি আতকাসা ফায়ই সফফইখা সীলাই। অমা আঙ নন-বা থীয়ইসে থাংকীনা হিনই তঙমানি। ব-খাই সাব উঙখা সীলাই নীসাইরকদা উঙখা ববা ?

কুইনাতি

: আউ মা অনি বীসাই-ন বন তুবই-ন নন নাইনানি হিনলায়ই ফাইলাইখাতা। আঙব নন মাঙ খাতাঙগই তঙখা হিনকাই আঙ আবখাই থাঙগীলাখামন নরগ আন চিনি কামিঙনি চউদিরিনি বীসীলা কানতিয়া বাই কাইনানি হিনই সালাই খাইবা আঙ কাইজাগয়া ব বাই

হিনই তীয় বাখীলাই থাঁইয়ই থানানি হিনই
নখরই থাংকাতা আঙ।

কনকতি
কুইনাতি

- : উল খাই তাম উঙখা সীলাই মাতিঙ?
: উ-ল খাই তীয়' বাখীলাই থাঁইয়ই থানানি
বাখীলাই থাংবা বরনি-ব লাইফাঙ গুলা
কতরমা কাইসা কচগই ফাইকাই আঙ অ
লাইফাঙ গুলা-ন রমই কচগই থাংকাতা,
আবতীখাই কচগই থাংতে থাংতে কুমিরন মাসা
তীয় রিয়গই ফাইমানি নুগই আঙ বাখীলায়ই
থাংগই নিনি নীচামারিসঙনি গাতিঅ লেঙগই
তঙগইখাতা খা-ন সিয়া উঙগই কীলীই
তঙখাতা। আনি বীকীরাজীক মা আন বরগনি
ন-গ তীলাঙগই থাংগই বিসিনা খায়ই মখলই
রিঅইমানি আব আঙ সাঅই মানয়া।

কনকতি
কুইনাতি

- : আবনি উ-ল খাই তাই তাম উঙখা সাজীকমা?
: আবনি উ-ল হিনকাই আঙ বরগনি নগ' সানীই
সাতাম তঙমানি উ-ল হিনকাই আঙ সাঅই
মানখা তাবুক আনি বীসাই নীচামারি মতেঙ
কামিঙনি আন আগিঅ কাইনানি হিনই
আঙবাই কক রিহরনাইনি ন-গসে, আববাই-ন
কাইজাগই তঙসি- ডানী হিনই কাইজাগই
তঙখাতা মা।

কনকতি

- : অমা আবতীই খাইবা কাহামসে উঙখা বেলে,
অ সাজীকমা নীঙ আবতীইদে উঙগই
তঙগইজাসি অ সাজীকমাবা।

চানদুরাম

- : অঙখা মাতিঙ নীঙ তাবুক হামই চাঅই তঙদি
জ-ল জ-ল ম-ল ম-ল খায়ই নীকীরা জীকন-ব
তা খিবদি কাহাম খাই চারিঅই কাহাম খাই
তনিঅই বিয়াল বিপদ খাইয়াঅই নরগ বাই-ন
তনিঅই বুথারদি, চাঙব নীমা বাই কানীই

জে-মানসাক চুবাচুবুডানী তা উানাди मातिङ्ग
ता उानादि टीलासा नरग-व।

गमाङ्ग बाह चमाङ्ग फाईका।

- गमाङ्ग : बा, बा नरकनि तीयसा राङ्गचाक कामिङ्ग चिनि
मतेङ्ग कामिङ्गवा चालसुक बेले, फुङ्गनि पिलि
पालाकनि सिमि हिमलाई फाईलाईमानि ताबुक
दिवर खेगईसे सकफाईलाईसिअ, नरकनि
कामिङ्ग-न साअई मानया उङ्गई सौङ्गलाई
माङ्गसे मा फाईलाईसिअ चमाङ्ग बाई।
- बुदुङ्ग : नरग खरकनौई तामनि बागई तीयसा राङ्गचाक
कामिङ्ग फाईनानि-वा आसौक खाई सौङ्गलाई
मा फाईलाईखावा, ताम आङ्गबाई कामदे
नाङ्गलाई आसौक कसत खाई मा फाईलाईवा ?
- चमाङ्ग : मुकतीई रेगे रेगे कायई कावई साअ, नौमा
तय चिकन तिनि आईचुगग-न थीयई थाङ्का,
आवबाई-न चीङ्ग नन खबर रिनानि हिनई
फाईलाईय हिसे हिमदि ददर नग'।
- बुदुङ्ग : कावई साअ अमा नौङ्ग आव ता-म उङ्गई थाङ्का
सौलाई आनि मीथाङ्ग-न नालाङ्गया थीयई मा
थाङ्ग आनदे नाईसेलेला ?
- कनकति : हाई आव ताम कक हिनमानि सौलाई ?
- चानदुराम : अर ताई नरग कक-न सालाई ता तङ्गलाई-
सिदि हिमलाईनानि से खाईलाईदि, ता
कापलाईदि-ख कावई चायाख।

चानदुराम, कनकति, बुदुङ्ग ताई कुईनाति थाङ्का।

कुईनाति बाई बुदुङ्ग फाईका।

বুদুজঙ ন আগিঅ বুমা মাই তুকমানি-ন
মুইতু উঙগই কা-ব, বুমা আগিঅ বন
তুকুরিমানিন মুইতু উঙগই কাব’। বুমা অ
সাজীলবা হিনই আদর খাই-খাইমানি মুইতু
উঙগই কাব’। বুমা চায়া কারই বন চারিমানি
মুইতু উঙগই কাব’। বুমা কিসিঅ থুঅই বন
কীরান’ মুথুমানি আবন মুইতু মানই কাব’। বুমা
বন মিহি খীলাই মিহিমচীক খাইমানিন মুইতু
উঙগই কাব’। বুমা বন কাম খাইরিয়া খায়ই
বুমা খাইমানিন মুইতু উঙগই কাব’।

কুইনাতি কাব’।

মা, মা, মা, মা, মা আনি লে মায়া গীনাঙনি
মাবা মা, মা।
আনলে গাতিনি খচাঅই তীলাঙগ মখল রি
রিনাই মাবা মা, মা।
আনলে হকুসু খায়ই বীসাগ খায়ই রিনাইলে
মাবা মা, মা।
আনলে চারিঅই নীঙলে চায়াঅই নাইসিগই
তঙনাইমাবা মা, মা।
মায়াগীনাঙনি বুমাবা নীঙ বাহাই খিবই থাংকা
চীঙন মা, মা।

বুদুজঙ কাব’।

খরক সাকাঅ তইলিঙ তা পুঙদি

মা-নলে খাতাঙ গানী।

বুফাঙ সাকাঅ তকথু তা পুঙদি

মা-নলে খাতাঙগানী।

মুকতীরীই থাংকাই ইমাঙগ নুগানী

আঙলে তাম খাই তঙনাই ?
গাতিঅ থাংকাই নন নুগানী
তীয়নলে তাম খাই খকনাই ।
মকললে ফিয়কখাই নন নুগানী
অ মা আঙ বুবতাই খাই তঙনাই ?

চানদুরাম বাই কনকতি ফাইকা ।

- চানদুরাম : অঙখা চীলাসা তা কাপসিদি থাইনাই বরক থীয়ই-ন থাংকা । তাবুক হর সিনিনি মাই খীলাই রিলাইনানিসে জুগার খীলাইলাই -মানিসে হামলাইয় ।
- কনকতি : তা কাপলাইসিদি অঙখা কাবই ফাইদা কাঁরাই নীফা সামানি হাই হরচিনি রিলাই- নানিসে উানসীকলাইমানিসে হামলাই সিঅ, চীঙব নরক বাই-ন হাব ফায়ই হরচিনিনি মাইখীলাই রিফাইনাই তাবুক বুউজিমােসে খীলাইলাইদি ।

চউদিরি বাই খানদল ফাইকা ।

- চউদিরি : অঙখা আয়ুঙসঙ তা কাপলাইসিদি চীঙ জত-ন নরগ বাই ফায়ই হরসিনিনি মাইখীলাইন রিলাই ফাইনাই ।
- খানদল : আঙ-ব নরগ বাই-ন মাইখীলাই রিফাইনাই, চীঙ কামিঙ কাইসা খীনানি সিমি-ন কাম খাই লাইনাই, কমিঙনি বররক নরগন জত-ন ফায়ই চুবাচুরু ফাইবাইথন ।

চউদিরি বাই খানদল থাংকা ।

- চানদুরাম : (বুদুজঙন নাইসিগই সাঅ) চীলাসা তিনি হরচা থুঅই নরক-ন মৌরীগলাঙগই খীনা আইখাই

নগ থাংগই হরচিনি সঁকাঙনি সাল' ফায়ই
হরচা থুপাইয়ানী।

বুদুজঙ, কুইনাতি, চানদুরাম তাই কনকতি থাংকা।
দুপতি বাই সুবতি ফাইকা।

সুবতি : বাচাই কতর বুদুজঙনি বুমা মায়াতিনি হরচিনি
খীলাইমানি-বা মাই মুই থকসুকখা বেলে ম-স
সমরক-ব জত-ন অজন উঙবাইখা বেলে বগই
চারিনাইরক-ব কাহাম খাই-ন বগই চারিবাইখা,
সঙনাই সুকনাইরক-ব কাহাম খাই-ন সঙবাইখা
সুকবাইখা।

দুপতি : কামিঙগ মিলামিল উঙগই থানচা উঙগই
তঙলাইখাই তাই কুসতাম ফা-ন সলাই-নানি
নাঙলাইয়া। আববাই-ন কামিঙগ হিনকাই
জত-ন চুরু বাকসা খায়ই য়াপ্রি থানচা খায়ই
তঙলাইনানি নাঙলাইয়। কামিঙ কাইসা কামিঙ
জ-ত বাই জ-ত থাঙচা খায়ই-ন তঙলাইনানি
নাঙলাই।

সুবতি : নিনি কক হিনকাই নাঙমানি-ন বাচাই।

দুপতি : আঙ ককন নাঙয়া সায়াবেলে নাঙমানি-ন
সাঅই থাইনাই।

দুপতি বাই সুবতি থাংকা।
বুদুজঙ বাই কুইনাতি ফাইকা।

কুইনাতি : নীঙ খীনাকাদে?
বুদুজঙ : তাম ককনবা সানানি নাই সাদি।
কুইনাতি : কক খাই আহাইসে, তাকীলাই বসর-ত মা
থাইমানি বসর, তাকীলাই-ত কাইলাই বরলাই

খাইলাই মাননিয়া, চিনি কীপাল-ত দৌঙদৌরীঙ
দৌরীঙ উঙগই তঙখ, ফাইদি খালি হিনকাই
চিনি বখরক সাকাঅ কতরমা কাইসা পজা
বগজাগ তঙখ। ফাইদি খালি খালি হিনকাই চিনি
বখরকনি পজান হেলেঙরি খিবই রিমানি হাম’।

বুদুজঙ

: আবনি বাগই-ন আঙখাই গমাঙসানি বাসাজীক
দনপতিন নায়ই তঙখা, উঙখাই খালি বালি অ
দনপতি বাই-ন কায়ই খিবই রিমানি হাম’।
নৌঙসে তাম হিন?

কুইনাতি

: অ দনপতিন খাই তাম বুই বরক কিসা হামতারা
হিনই সালাইতা।

বুদুজঙ

: আব তাম উঙনানি আবতাই তঙমুঙ সিতীরাবা
বাসাই বাসা মানই থাংখাই-ন হামই মা থাংগ।

কুইনাতি

: দ আহাই কাই কাইদি আর ফা-ন, বসর আইখাই
কক হরই নাইদিতা।

বুদুজঙ

: বসর আইগীরাথনতা আহাই খাই।

বুদুজঙ বাই কুইনাতি থাংকা।

চউদিরি বাই বুদুজঙ ফাইকা।

বুদুজঙ

: যং, মা থীয়ই থাংমানি-ত বিসা লায়ই থাংকা,
আনি আঙফায়ুঙ মদুজঙন তাকীলাই কায়ই
খিবই মাননানী বালা সীলাই যঙ?

চউদিরি

: নীফায়ুঙ মদুজঙন তাকীলাই কাইনানি দেবা?
কাইনানি হিনকাই কায়ই খিবই মানবীলা,
নীমা থীয়ই থাঙমানি-বা বিসা-ন লায়ই থাংকা
তাই তাম তঙসিবা।

বুদুজঙ

: আহাই খাই আনি আঙফায়ুঙ মদুজঙ-ন
কায়ই-ন খিবানীতা খাই যঙ, কুসতাম
উঙনিয়াবেলে যঙ চীলা?

চউদিরি

: কুসতাম উঙয়া আয়ুঙ কায়ই-ন খিবিদি।

চউদিরি বাই বুদ্ধজঙ থাংকা।

বুদ্ধজঙ নারিঙফাঙ কামিঙনি গমাঙসানি
বীসাজীক দনপতি বাই কাঁচাঙ কাঁচাঙ খাই
কক-ন সীঙগই হম হম দম দম খাই-ন বুফায়ুঙ
মদুজঙ বাই কায়ই নগ' হামজীক তুবই ফাইকা,
বুইন চারিঅই খানিঅই-ন দনপতি হামজীক
ফায়ই বুউাই বুদ্ধজঙ সঙ বাই আলকা
উঙলাইয়াঅই থানচা-ন চালাই নুঙলাই
তঙলাইয় নিনি আনি হিনলাইয়াঅই। আবতাই
খাই তঙতে তঙতে বুদ্ধজঙনি বিহিগ বাই
মদুজঙনি বিহিগসঙ খরকনানীই-ন বাগসা-ন
বাকসা সাক কুপুলুঙ উঙলাই থাংলাইখা।
আবতাই খাই তঙলাইতে তঙলাইতে বুইসাক
তাল থাঙগই জইসথনি তাল সকফায়ই হুগ
তাঙনানি জরা সক ফায়ই তঙখা।]

বুদ্ধজঙ বাই কুইনাতি ফাইকা।

বুদ্ধজঙ

: হুগ খাই কুসু খাই তুগইসে তঙখীনা ফাইদি
খীনা নীঙ বাই চাঙ কানীই থাংগই তে তে
খাই তাঙলাইয়ানী, নীঙত সাক কুপুলুঙ বিসি
খাই তাঙগই মানয়া ফা-ন আন লগি রিতাই
কিসা কিসা খায়ই তাঙগই তঙদিতা।

কুইনাতি

: তাঙগই মান' হুগন, সাক কুপুলুঙ হিনই হুগন
তাঙগই মানয়া তঙহিন, তুগই তঙখীনা-ন তা
হিন' হুগ থাংজাগয়া বালগই তঙখা বেলে, যাং
নগনি কাম পাইয়া উঙমানি বাই থাংজাগয়া
বালগই তঙখা তা হিন'।

বুদুজঙ : খীনা দাকতি মাই মুইন সঙদি, সাপুঙনি মাইচু
তীলাঙলাই থাংলাই আর-ন চালাইয়ানী।

কুইনাতি : দাকতি-ন থাংলাইয়ানী না।

বুদুজঙ বাই কুইনাতি থাংকা।

মদুজঙ বাই কুইনাতি ফাইকা।

মদুজঙ : বাচাই কতর নীঙ সাইচুঙ তা থাংদি, আনি
বিহিগন-ব তীলাঙগই থাংদি ব-ব নীঙ
হাই-নবা নিনি লগিঅ-ন তীরীক তীরীক খাই
থাংগই তঙথন, নীঙ তীলাঙ থাংদি লগিঅ
খায়ই, হুগন তাঙখাই তাঙগই দাকতি পায়ই
খিবরিনানি নাঙগানী, পাইখাই পায়ই নগ'
কীচাঙ কীচাঙ খাই তঙলাই ফাইমানি হাম'।

কুইনাতি : থানানি নাঙয়া আনি লগিঅ, বহগ বাই বীখা
বাই খাইরকমিসিসা-ব নগ কুমুন তঙগই
তঙথন, আঙন থাংগানী নিনি দাদানি লগি
থাংগই তীরীক তীরীক খাই তাঙগই
তঙগইয়ানী, আঙ-ব ব হাই-ন সাক কুপুলীঙ
ফা-ন আঙ তাই কিসা বিনি সীলাই রাগই তঙথ,
তঙলাইদি নরক তিনি নগ'-ন।

মদুজঙ : দঅই কাফীরাঅই তা তাঙদি খাই বাচাই কতর,
লে লেঅই তীরীক তীরীক খাই তাঙদি, নিনি
বহগনি বীসা হাময়া উঙগই থাংগানী।

কুইনাতি : আঙ নিনি ককতাই হাই খাই হুগ-ন তাঙগানী
কীকীই।

মদুজঙ বাই কুইনাতি থাংকা।

বুদুজঙ বাই কুইনাতি ফাইকা।

কুইনাতি : বা চিনি হুকবা তুগই তঙখা বেলে, চীঙ
কীকীইনি বিহিগ বাই খরকনাই খাই কানি-ন

মা তাঙলাইখাই দাকতি-ন তাঙলাই খিবলাই
মানখামন, চীঙব আবতীই খাই তাঙলাই
মানলাইলিয়া বেলে।

বুদুজঙ

- : নীঙ-ব সাক কুপুলুঙ মুদুজঙনি বিহিগরক-ব
সাক কুপুলুঙ হিনকাই বাহাইখাই তাঙলাই
মানলাইনাই সীলাই, জে তাঙগই মানসাক
তাঙলাইয়ানীতা উইসালে পাইয়ানী বেলে,
জুইত খাই মা তাঙখাই বদে পাইয়া তঙ?

বুদুজঙ বাই কুইনাতি থাংকা।

মদুজঙ বাই দনপতি ফাইকা।

মদুজঙ

- : সাল থাংখা নীঙ তীরীক তীরীক গাতিঅ থাংগই
মাইমুইরক সঙগই তঙসকদি, বাচাইসঙ হাবা
কারই ফাইকা হিনকাই উরাগ উরা উঙগই তঙ
ফাইলাইয়ানী, সাক কুপুলুঙ তীতীই বাচাই
হুক-ন তাঙনানি হিনই থাংমানি দুখুসে মানই
তঙখীনা, তাই সীরাপসা খাই-ন সকফাই-
লাইয়ানী নাইয়ই তঙদি খাইরকমিসসা খায়ই।

দনপতি

- : আউ তাবুক-ন সঙখাতা মাইমুই-ন, গাতিঅ
থাংগই তীয় গলা থাইচা খগই নাহার
ফাইগীরানাখী, নীঙ তকরক তকনগ'
চববাইয়ই উাগরক আদা রিবাইখাই থাপা
গানাঅ খাই আন বল কিসা তুবই রিফাইদি আঙ
মাইমুই সঙনানি নাঙগানী।

মদুজঙ বাই দনপতি থাংকা।

বুদুজঙ বাই কুইনাতি ফাইকা।

বুদুজঙ

- : (বিহিগ কুইনাতি-ন সাঅ) ফাইদি সাল থাংকা
দাকতি-ন হাবা কারলাই থাংলাইমানি হাম' সাল

তঙসানি-ন, দাকতি নগ' থাংগই তুকুলাই
মুসুলাই-নগ' হাবলাই নিরাল খাই তঙলাইমানি
হাম', হিমদি লাঙগারগ' মানাই খীনাইরক
দাবাইদি।

কুইনাতি

: তাবুক-ন থাঙলাইসিনাই তুগন তাঙগই মুস
নাঙগই তাঙথক তঙখাতা তাই সীরাপসা
তাঙলাইয়ানী সাল তঙখবেলে।

বুদুজঙ

: তাঙলিয়া হিমসিদি নীঙ-ব অগ বাই খাবাই,
মানাই খাতিঅই নীঙ সীকাঙ হিমদি, আঙ নিনি
সীলাই উ-ল তঙগই কিসিব কাঙসা উনানি
বাগই-উামিলিক উারীক কঙসা তানই
তীলাঙগানী হিমদি নীঙ আনি সীলাই সীকাঙ
আঙ কিসা নিনি সীলাই উ-ল খাই ফাইয়ানী
উা কঙসা তানই।

কুইনাতি

: ফাইদি বাকসা-ন বাকসা থাংলাইয়ানী তাম
খাইনানি কাগলাইয়ই হিমলাইনাবা।

বুদুজঙ

: নীঙ হিমনাবা আঙ উা কঙসা তানই নিনি লগি
লগি-ন ফাইয়ানী কিসিব খুঙসা উনানি
বাগইসে উান তানই তুবনানি।

কুইনাতি

: তানইদি খাই থানদি, আঙ উ-লামাঅ থাংগই
নাইসক তঙগানী।

বুদুজঙ

: আউ নাইসগই তঙসকদি খাই।

কুইনাতি

: আঙ তীরীক তীরীক খাই থাংসকথা খাই-দ।

বুদুজঙ

: আউ হিমসকদি। আইয় অমাইয় আন চিবুক
কাঙসম কতরমাসে সুগই কীলাঙগই
থাংকাবেলে আনি যাগীরানি য়াকুঙগ, অ মাইয়
আঙ তাই বানচেলিয় রাঙচাক, ফাইগীরাদি নীঙ
কিফিলই আন নাইফাই গীরাদি, আঙ তাই
নরক বাই মা তঙলিয়া অ মায়, অ মায়।

কুইনাতি

: হাই বর তাম চিবুক সুগই খিবই রি, হাই আব

বুদুজঙ

কুইনাতি

তাম হিনমানি কক আব বর চিবুক বা সুগই
তঙখা সীলাই ননবা ?

: আঙ তাই নরক বাই মা তঙলিয়া, আঙ তাই
নরক বাই মা তঙলিয়া হিনই দমলায়ই থীয়ই
থাঙকা লিকসা খায়ই।

: অ রাঙচাকবা, অ আনি রাঙচাকবা, নীঙ আব
তামঙ সীরাপসা বাইবা আন নখা বাঅই
কীলাইমানি হাইকাই খায়ই খিবিঅই রিখা
সীলাই, অ রাঙচাক নীঙ তাম খাইকা আনবা ?

কুইনাতি কাব’।

অ চিবুক নীঙ বন তামঙ মা সুক
বন সুগই বুথারই খিবমানি সীলাই
আন সুকপাইদি, সুগই বুথারই খিবদি
জম নীঙ ফাইদি, আন তীলাঙ ফাইদি
নিনি লগিসঙ খাইদি
রাঙচাক নীঙ বর থাংকা আঙ বর তঙখা
আঙলে সাব বাই তঙনাই তাবুক রাঙচাকবা
আনি নীঙ বীসাই ফিকুঙগ খুকচাই
থুমনাইরক বুখা চাবুক।
মায়াগীনাঙনি বীসাই রাঙচাকবা
মাযান রিসুগই মানয়া
কীর্নাই জুগিতি তঙনা আসামা
কীর্নাই তঙসুগই মানয়া।
বুফাঙ সাকাঅ তকথু পুঙফুবু
মুইতু উঙ খাতাঙগানী
খরক সাকাঅ তইলিঙ পুঙফুবু
ননলে খাতাঙগানী অ রাঙচাকবা
সাব বাই পুসিনানি
অ রাঙচাকবা সাববাই পুসিনানি ?

চউদিরি বাই মজুদঙ ফাইকা ।

চউদিরি

: মদুজঙ আয়ুঙ নরগ কীখাঁইন ন-গ' বাললায়ই তুবই ফাইকা হিনকাই তুকুরিঅই মুসুরিঅই থক খুম্ন ফুলই-মখলই তনি অই খীনাঅ হিনকাই কাসত খাইলাই খিবদি, অঙখা বীরাইমাসঙ আয়ুঙসঙ নরক আসীক তা খা বাইসিদি, থাঁইনাই বরক থাঁইয়ই-ন থাংকা, কাবই কুন ফাইদা কীরাই । বদুজঙ আয়ুঙন কাসত খাইবাই আকন বাই ডাসেক ডারেঙ খায়ই হরচিনি মাইখাঁইলাই রিঅই খিবলাইদি, চাঁঙব নরগ হরচিনি খাইতানি-ন হাব ফাইয়ানী ।

মজুদঙ কুইনাতি তাই কামিঙনি বর-রক বদুজঙনি কাসত খায়ই পায়ই হম হম দম দম খাই-ন হরচিনি খায়ই পাইলাইখা ।

চউদিরি, মদুজঙ, কুইনাতি তাই দনপতি থাংকা ।

কমলাতি বাই কুইনাতি ফাইকা ।

কমলাতি

: বাচাঁই দাদা বাহাঁই আতকাসা থাঁয়ই থাংকা, আঙবা আতকাসা থাঁইকা হিনই খীনাঅই মীলাঙ চাঅই থাংকা । তা কাপদি বাচাঁই নীঙ খাইবা উইসা থাঁয়ই থাংগীলাকদেবা বরক থাঁয়ই থানানি-বা কিসিচাসে ।

কুইনাতি

: (কাব তীতীই সাঅ) থাঁইগীলাখামন অ সালনি হর' কিসিব কাঙসা উনানি হিনই উমিলিক কঙসা তানই নাহারনানি হিনই থাংগ বলঙগ, অ থাংতানি-ন চিবুক কাঙসম মাসা সুগই রিখা হিনতা কতরমা আসীক চিবুক কাঙসম কতরমা সগইবদে-ব তাই বানচেলাঙসি আন চিবুক কাঙসম কতরমা সুগই রিখা হিনই সাকাই-ন

- সীরাপ সাখাই-ন দম লায়ই থাংকা কীকাই,
আঙ চাবইসে মালাঙসুকলিয়া।
- কমলাতি : আউ উঙখানা-ন বাচাই। অঙখা তা কাপসিদি
বাচাই নিনি বহগনি বাসানি বাগইসে ডানাসিদি
বাচাই।
- কুইনাতি : আউ ডানাই-বা তাই তাম খাইচিনানি কীকাই।

কুইনাতি বাই কমলাতি থাংকা।
মদুজঙ বাই দনপতি ফাইকা।

- দনপতি : অই আনি বাসাক তিনি তাম খেতেক খাতাক
তাম বহগ কিসা কিসা সাঅই ফাইয়।
- মদুজঙ : আঙ তাই তাম খাইনানি সীলাই নিনি বহগ
সাঅই ফাইমানি-বা, আঙ বাচাই কতরন
রিঙগীরাানাখু। অ বাচাই কতর ফাইগীরাদি
নীপ্রাঙজীক তাম উঙ তঙখা নাইফাই গীরাদি
ফায়ই।

কুইনাতি ফাইকা।

- কুইনাতি : ব-ক তামঙবা নিনি বিহিগ?
- মদুজঙ : ইক বাচাই কতর নাইগীরাদি নীপ্রাঙজীকন।
- কুইনাতি : ব-ক বরঅ নিনি বিহিগ, অ সাকসে খালাস
উঙগই তঙখা বেলে চীলাসে নিহিগ বামানি
তা ডানাসিদি নীঙ, তাবুক আবুলসে সুনানি
খাইসিদি। তাই তা ডানাসিদি কাহাম কীরীঙ
খাই-ন বাখা নিনি বিহিগ।
- মদুজঙ : নরক তঙগই তাই তাম ডানাই তঙনানি-বা
বাচাই কতর।

মদুজঙ, দনপতি তাই কুইনাতি থাংকা ।
দুপতি বাই সুবতি ফাইকা ।

- সুবতি : বাচাই আয়ুঙ মদুজঙনি বিহিগরক বামানি
চীলাসে ফন, হামকা চীলা বাখা-বা সাকীরা
হিনকাই চীলান কাহাম ।
- দুপতি : তাবুক বরগনি নগ' তাই খরকসা তঙখ
বুদুজঙনি বিহিগরক, কুইনাতিমা, ব বা- ফুবুবা
বুবতাই-বা উঙজান, মদুজঙসানি বিহিগরক
বাতাই-ন বাজাবাখন কাহাম কীরীঙ খাই-ন ।
- সুবতি : আউ বাচাই চীলারকলে জেসা তেসা চিনি
বীরীইরক-ন বাথানি দসা নাঙনানি তঙগ ।
- দুপতি : আউ আহাই-ন কাঁকাইনি বিহিগ ।

দুপতি বাই সুবতি থাংকা ।
মদুজঙ বাই দনপতি ফাইকা ।

- দনপতি : নীঙ যাঙগ ফাইগীরাদি আনি চেরাই কীলাই
আচাইমানি সালতামসে উঙখা, তাম বীসাকবা
আসীক কুতুঙ উঙগই তুঙগই তঙখা সীলাই ?
নীঙ ফাইয়ই তাঙগই নাইফাইদিবা কীলাই
তামসীক তুঙগই তঙখা বিনি বীসাকবা ।
- মদুজঙ : (বীসাক তাঙগই) অ কুবুইয়া খাই তাম সীলাই
তামসীকবা আসীক তুঙগই তঙখা সাঅই
মানলিয়া, মবা অচাইনি থানি থাংগই
থিকীনাসে মা নাইরিউনী বেলে ।
- দনপতি : দ দঅই থাংগীরাদিখাই নাইরিঅই দাকতি-ন
ফাইদি তা লেরদি হাই । তাম চিনি বীসা
কীলাই-বা থীয়ই দমসে লায়ই থাংকীনাবীলা
নাইফাইগীরাদিবা নীঙ ।

মদুজঙ : হাই কুবুইয়া খাই তাম সীলাই দমন লায়ই
থাংকাতিতে। ম তাবুক আঙ সাইচুঙ তাম
খাইনানি উঙখা সীলাই দা চমাঙ বাই দা গমাঙন
খবর রিহরগীরানাখু।

চমাঙ বাই গমাঙ ফাইকা।

চমাঙ : তাম উসীকাঙ নীসীলা আচাইদরপদে থীয়ই
থাংকা হিনবা ?

মদুজঙ : আউ দা চমাঙ থীয়ই-ন থাংকা।

গমাঙ : তামঙ আসীক দাকতিবা থীয়ই মা
থাংকাসীলাই ?

মদুজঙ : লুমই থীয়ই থাংগ দা গমাঙ।

চমাঙ : থীয়ই থাং ফা-ন তা উানাди, বুফাঙ তঙখাই-ন
বীথাই তঙগ নরক কীনাই তঙখ বেলে, তাই
তাম উানানি তঙবা।

গমাঙ : আউ আবলে আবতাই-ন মদুজঙ চমাঙ কক
নাঙমানি-ন সাকা-থ হিমদি সিমালীঙ
তীলাঙগই ফবই রিয়ইগীরানা। উল' হরতামনি
উ-ল হিনকাই উাথব থপচা রিঅই খিবদি তাই
তাম তঙবা ?

বুদুজঙ, দনপতি, চমাঙ তাই গমাঙ থাংকা।

চানদুরাম, কনকতি তাই কুইনাতি ফাইকা।

[মদুজঙনি বাসীলা থীয়ই সাতামনি সালনি
ফুঙগ অচাই উাথব রিঅই মীতাই খাইবাইমানি
উল' হিনকাই-ন কুইনাতি সাক খালাস উঙনানি
বাগই বহগ সাজাগই ফাইকা।]

কুইনাতি : (বুমা অগ কনকতিন নুঙগ আতকাসা) মা আনি
বহগ তাম আতকাসা সাঅই ফাইকা।

- কনকতি : তঙগাদি-খ মাতিঙ আঙ নুঙ বানানি বাগই
য়াখতম খাগীরানাখু ফাইদি অরঅ হিমই কল
কল খায়ই।
- কুইনাতি : অ মা আঙ থাংচীলাবইসে মানলিয়া, আঙ
অর-ন সাকখীলা উঙগই থাংকা।
- কনকতি : তাম চীলাদে বীরীই?
- কুইনাতি : বীরীইসে মা।
- কনকতি : আউ হামকা আঙ-ব বীরীই-ন উঙথন হিনই
তঙমানি বীরীই-ন উঙখা চাখা।
- [কুইনাতি সাক খালাস উঙগই হর চুকু
উঙখাই হম হম দম দম খাইয়ই-ন আবুল
সুলাইখা, অ আচাইনাই বীরীই কীলাইনি মুঙন
ফারই রিলাইখা কীচাঙতি হিনই, অ মুঙন
খীনাঅই জত-ন হামজাগবাইখা খীনাঅতক মুঙন
ফারই রিখা হিনই।]

চানদুরাম, কনকতি তাই কুইনাতি থাংকা।
কুইনাতি বাই কনকতি ফাইকা।

- কুইনাতি : মা আঙ তাম মিয়াঅ আবুল সুমানি মাই মুইন
চাঅইদে তাম কিসা খি বীতীই খিঅই তঙখা,
হাদে হাম-ন হিনই তঙমানি তাম বারেরীক
বারেরীক উঙগই তঙসিঅ, মা নীঙ বিখি
আকনদে মুঙসাসীক মান, মানখাই আন কিসা
চারিঅই রিগীরাদি, মীতীই বারে মাঙ তঙখাইবা
আঙবা বাসে বানচেনিয়াবেলে মা, অমা তাবুক
খাই কীবানানিসে মুচুঙগই তঙখাতা-ম খাইনানি
উঙখা তাবুক সাঅই মানলিয়া।
- কনকতি : হই আব তাম উঙখা সীলাই তঙমামা চামামা
অ সাজীকমা তাবুক তা-ম খাই হাম- নানি

উঙখা সীলাই নাইলা, হিনদি সিলতা বিথিন
চাঅই নাইগীরাদি হাদে হামজন।

কুইনাতি

- : আঙ সিলতা বিথিন চাঅই-ব নাইখা নুঙগই-ব
নাইখা হাময়া মা, মা আঙ তাই বানচেলিয়া,
ইক নাহারদি আনি বীসাকনি সিররকসে
করসাই ফাইকা আঙ তাই বানচেলিয়ামা।

চানদুরাম ফাইকা।

চানদুরাম

- : আবতাই তা হিনদি মাতিঙ নীঙ কুসতাম ফা-ন
উঙয়া, তঙগীরাদি-খ আঙ খুরি তকরি
নাইগীরানাখ তা ডানাদি নীঙ, আঙ থাংকা খুরি
তকরিনানি, আঙ দাকতি-ন ফাইয়ানী আন
নাইসিঙ তঙলাইগীরাদি।

কনকতি

- : খুরিন তকরি খাই তকরি নীঙ দাকতি-ন
ফাইনানি খাইদি, তাম মীতাই-বা বীচাখা ফায়ই
চাগই রিফাইগীরাদি, বরক খাই জাইকি রই
উঙগই তঙখা, থানদি য়াগ'দা খুঙচা তীলাঙগই
থাংদি, য়াগ বুকচাখাই তা থাংদি।

[বুফা চানদুরাম খুরি তকরি নাইরিনানি
হিনই নখরই থাংচানি খাই-ন কুইনাতি
বীসীলাই বথমা রাগসাই কক মানয়া উঙগই
থাংকা।

কুইনাতি হলল বলল খায়ই ককন সাঅই
বুমানি খুরিঅ রকই দম লায়ই থাঙকা। কুইনাতি
থিঅ কীবাস উঙগই মাঙতাই মানই থাইকা।]

কনকতি

- : অ সাজীকমাবা নীঙ আবতাই মকল ফিলিক
সা-বাই তামঙগই মীতাই মা উঙখা সীলাই,
নখা বায়ই কীলাইমানি-বা তাই কিসা সে লেরই
তঙগ, নীঙ থাংমানি-বা আসীকসে

লেরলিয়াবেলে, আ সাজীকমাবা তাম খাই নন
খিবই তঙসিনাই, সাজীক নীঙ বীচাদি বীচাঅই
তীলাঙগই থাংফাইদি আঙ-ব নিনি লগিঅ-ন
থাংনাই আয়াঙ মাসিংঅ চীঙ মাসাকনাই
খাই-ন তঙগইলাইনাই।

কনকতি বাঁসাজীকন কাব’।

কুতুঙনি কীসা নাঙনাই ফাইমানি
আনি সাগসে নাঙগ
বাঙলা ফায়ই জাঙগেরেমানি
আঙসে জাঙগেরেজাগ’
বলঙনি হজলাই খামই তঙমানি
ফায়ই আনি খুঙচিলি খাম’
কুচুক সাকানি নখা বাইমানি
কীলাইঅ আনি সাকা
বলঙনি তকসা খিঅই কীলাঙগ
কীলাইঅ আনি সাকা
বলঙনি মীসীই উথার চাজাগয়া
আনসে উথারই চাত
নখানি ফেরাঙ বুফাঙগ ককমানি
বুফাঙগ নাঙয়াঅই আনি সাগসে নাঙগ।

[কনকতি আবতীই হিনই বাঁসাজীক-ন
কাপতে কাপতে লেঙগই থাঙগ কীথীইয়
ফাইনাইরক বিনি বখকর-গ তীয় লুঅই রিঅ,
কুইনাতিনি বুমান ।]

কনকতি বাই কুইনাতি থাংকা
চউদিরি, খানদল, দুপতি তাই সুবতি ফাইকা।

দুপতি

: বা, বা, বা, বা, আয়ুঙ মদুজঙসঙনি নগবা

তামবা উঙগই থাংকা সাঅই মানলিয়া, নক
বিসিঙগ হরজীলাই হাবই থাঙমানি সীলাই-ন
উঙগই থাংকা বীলা, বরক জা-ন মালাইফুরুবা
মালায়ই-ন থাংগ।

সুবতি

: আউ বাচাই নিনি ককখাই সই-ন, বরক জা-ন
মালাইখাই মালাইয়ই থাংগ তাই সানানি কক
হিনই কীরাই। পুইলা সীকাঙ মদুজঙনি বুমা
থাইগীরাখা, আবনি উ-ল হিনকাই বাতা
বুদুজঙ থাইকা, তাবুক বুবাচাই সে থাইয়ই
থাংচিঅ, অ চেরাই কীলাইন সে তাবুক তাম
খাইচিনাই সাবন রিহরনাই?

দুপতি

: পালক মা রিহরউনীতা বুইন।
: বরনি বুই-ন রিহরনানি নাঙনাই সীলাই অ
চেরাই আফসা কীলাইনি বুখিরিজীক মদুজঙনি
বিহিগরক কীরাইদেবা, অ মদুজঙনি বিহিগরক
বীরাইমানি বীসা কীলাই থাইমানি সানই
সাতামসে উঙখু, চীঙ জত-ন থাংগই অ
বীরাইমা-ন বুবাইনাজীক অগনবা পুসিনানি
তাম তঙবা অ বীরাইমানি আবুকতীয়-ব তঙ
তঙগ হিনকাই।

খানদল

: নিনি কক নাঙমানি-ন আবতাই-ন খীলাই
লাইনাই, ফাইদি থীয়ই থাংমানি সীলাই বুইন
হরই তঙমানি সীলাই আবতাই-ন
খীলাইলাইনাই ফাইদি।

দুপতি

: থাংলাইদি তিনি-ন আসীকলে অ চেরাই আবুক
মীচায়া উঙগই কাবই লেঙগই তঙখীনা।

সুবতি

: থানদি দলাইদি, নরগ আর বুদুজঙসানি বীকীরা
বাই বীকীরাজীক তঙখ, বরগ বাই সালাইয়ই-ন
অ কীলাইনি বুখিরিজীকনি য়াগ' খাই য়াফারই
রিঅই মান' ককলামন সালায়ই।

চউদিরি, খানদল, দুপতি তাই সুবতি থাংকা ।
দনপতি বাই কুইনাতিনি বীসাজীক কীচাঙতি আফসা কীলাই ফাইকা ।

দনপতি : কীচাঙতি আফসা কীলাই-ন বামতীতাই হি-ন, সালারক নরক তাবুক জত-ন আনি য়াগ-ন কীলাইবাইখা, মীতাই-ন নরগ উঙবাই থাপীলা চালাঙবাইনানি নরগনি বঙসরক জত-ন পাইসুগই থীয়ই থাংবাইখা থাপীলা চাঅই, নীঙ কাইসানি বাগই থীয়ই থাঙকা হিনকাই আনি তে-ব চাসীকখামন, নীঙ কাইসা তঙগই আনি তাবুক দিকদারি নাঙসুগই তঙখা, নীঙ তাবুক আনি য়া-গ কীলায়ই তঙখাবা আঙ নন নালে নাইয়ানী ফানচা, নরগ জত-ন থীয়ই মরকি কুতুঙ নাঙমানি আঙ খাইচিচিঙ ফা-ন উঙয়া, নরগনি সমপদন নাহারই আঙ চাঅই চুগই রাঙ পুইসা খাঅই তঙমানি বাইসে কক । নীঙ কীচাঙতিন-ব আঙ তাম খায়ই মান-ন নাইগীরানা ।

দনপতি বাই আফসা কীলাই থাংকা ।
চানদুরাম বাই কনকতি ফাইকা ।

কনকতি : চীঙ চেরাই আফসা কীলাইন বুখিরিনি য়াগ' কাবুই ফাইমানি-বা তাম-ব উঙগই তঙখা, য়াঙ বেলে কাবুই ফাইমানি হাতি বারসানি জাগা উঙগই তঙখা তাম-ব উঙলাই তঙলাইখা সিয়া-দ, খবর-ব মাহারলিয়া তাম খাইবা তঙলাইখা সিয়া-দ ।

চানদুরাম : তাই তাম উঙলাইনানি বুখিরিজীক অগ বাই তঙমানিবা, বীসা অগন পুসিতাই-ন

- পুসিডানীতা, আবনি বাগই তাম আসীক
 উনাঅই মা তঙবা ?
- কনকতি : আঙলে তাবুক অ বুমানলে জেসা তেসা অ
 আনি বুসুক কীলীই চিকনতেনসে বিসিকাই
 খাতাঙগই তঙসিঅ ।
- চানদুরাম : হিমদিতা তাই সালনাই সালতাম তঙগই
 নাইলাই ফাইলাইয়ানী হরসাসীক তঙগই থুঅই
 ফাইলাইয়ানী, তাইমান নাইতাই রিগীনাই
 সুতাই ।

চানদুরাম বাই কনকতি থাংকা ।
 দুপতি বাই সুবতি ফাইকা ।

- দুপতি : আউ তাবুকলে কীচাঙ কীচাঙ-ন উঙখা আয়ুঙ
 মদুজঙসঙনি নগ, উরামসা কিসা উঙলাই
 তঙমানিদে মার মার খরক বীরীই থাইকা, তাই
 সালাই মানলাইলিয়া নখা বায়ই কীলাইমানি
 হই উঙলাই তঙলাই হাতিঅ মাসা মাঙনাই
 খাই থাইলায়ই তঙখা । অ কীলাইন-ব
 বুখিরিজীক কীচাঙখাই আবুক চারিঅই
 পুসিঅই তঙখা ।
- সুবতি : সিয়াদ বাচাই মান কারই ফাউঙয়া উ-ল তাম
 উঙগই থাংন তা-ম হিনই সানানি মুই
 পেলেঙ-ন মুই পেলেঙ খুকীলাই উসুঙ থুঙ ।
- দুপতি : সিয়া-দ সাঅই মানয়াতা উলবা তাম-ব উঙগই
 থাংলাঙন, বানিয়া তাগমানি চাতিদে চাতি
 দাকাতীক সকমা কাথিদে উঙলাঙ-ন তাম হিনই
 সানানি, নিনি সীকাঙসে কাহাম উ-ল খাই
 হাময়া ফা-ন উঙগই মান' ।
- সুবতি : আউ বাচাই আবতাই-ন ।

দুপতি বাই সুবতি থাংকা ।
দনপতি বাই কীচাঙতি ফাইকা ।

দনপতি : সালা কীচাঙতি তিনি খাই নীঙ আঙ বাই
মালাইসুককা, তামসুক কাপ সীলাই নীঙ
আঙ-ব মুইসুবুম কীসা বথব-ব বেৰাঅই ফায়ই
নগ' হাবই মাই চাঅই তঙফাইকাতা, আফুবু
কাই বাহাই মুইসুবুম বাই ডারজাগই লেঙগই
কাবই মানয়া উঙগই থাংকা সীলাই, আঙখাই
থীয়ইসে থাঙকীনা হিনই তঙমানি, কাপসাঅই
মানলিয়া উঙগই মকল ফুরসাঅই তঙখা
সীলাই আবতাই খাই নীঙ তাই উইসা কাবই
নাইগীরাডি নন আঙ তা-ম খায়ই থিবরি ।

দনপতি বাই কীচাঙতি থাংকা ।
চানদুরাম, কনকতি তাই দনপতি ফাইকা ।

দনপতি : অ মা বাই বাসে ফাইবেলে, আচুকবাইদি
আচুকবাইদি, নরগনি নুসুক কীচাঙতি খাই
কিসানি কাহাম বাঁরাইয়া, কিসা কিসা কাপনানি
নাইখা হিনকাই দদর দদর আবুকতাই চারিঅই
হরবাই সাল বাই খাই বামই মাঙ তঙতা হি-ন
আঙ, কুসতাম কাম খাইনানি জরা মানলিয়া
ব-ন বামই মাঙ মা তঙতা হি-ন ।

কনকতি : হাই ম তাম বখীরাই মাঙ উঙগই তঙবাই- খা
সীলাই মুই সুবুম ডারমানি হাই উঙগই বথর
বথর উঙগই তঙবাইখা বেলে বাঁসাক
গীনাঙগই ।

দনপতি : উসীকাঙগ আঙ মাইরুঙ চকফুবু গুনদাক কিসা
নাঙমানিতা, আব-ন বথরাই উঙবাই খাতা ।

- চানদুরাম : আসাঁকদে বিনি কাকি হিনই আসাঁক বামই
তঙগই মান, সঙগই সুগই চানানি নাঙয়াদে?
- দনপতি : কীচাঙতি-ন বামই হিন নাহাৰদি ইক নিনি নানা
বাই নিনি দাবুরান, হিনই বামই ফনুগ’।
- কনকতি : মদুজঙনি বিহিগরক বাঁৰাঁইমা নরগ তাবুক বিনি
বাগই কিসা কসত মা খাইগীৱানাই উ-ল বিনি
আকল তঙখাইবা নরকন’ কাকি কতর হিনই-ব
সিনিডানী।
- চানদুরাম : বাঁৰাঁইমা মাইরক অগ পুঙয়াঅইরগ তা চাৰিদি,
আবুকতাই সিমি বাইদে উঙসুক।

চানদুরাম, কনকতি তাই দনপতি থাংকা।
দনপতি ফাইকা।

- দনপতি : কীচাঙতিন, খাইচিঙ বুফাঙগ খাঅই তনিখা,
তীয় সিমি-ন অগন পুঙরি মাইন চাৰিয়া খানিয়া
খায়ই, মাইবাই মস চিকন সাপুলই চাৰিঅই,
হ-র নগবাঁৱাৰগ’ মুথঅই, মাইসিঙগ রিন
চুমৰিয়া খায়ই লাথাবাই ফিকুঙ যামফাঁৱা চাৰি
বুঅই, বসর’ উইসা তুকুৰিঅ। আবতাই খাই
সাতকজাগমাঙ সাতজাকমাঙ কীচাঙতি রিসা
সর মীতাই মীতাই উঙগই তরখা।

দনপতি থাংকা।
কমলাতি, গমাঙ তাই চমাঙ ফাইকা।

- কমলাতি : দা বদুজঙনি বাঁসাজীক কীচাঙতি তাবুকলে
রিসা সর মীতাই মীতাই উঙখা নক কুমুন
মানদ্রব উঙখাতা না দা গমাঙ?
- গমাঙ : তা সাদি কমলাতি কীচাঙতিন বাঁসাঁক খাই বিনি

কাকি দনপতি বাই সাতকজাগখাবা, বাঁসীক
চারিয়া খানিয়া খাইকা, বাঁসীক আয়া সাকাই
আয়া খাই বুখাবা খাইয়াই তঙগইসে
চাসিবেলে।

চমাঙ

: তাই তাম ককনবা সাসিনাই, আনি নগ' তঙগই
দামসাকাই দাম খাই বুমানি খীনাঅই তঙগ।

কমলাতি

: বব মালাইয়ানীতা সালচা।

কমলাতি, গমাঙ তাই চমাঙ থাংকা।

দনপতি বাই কীচাঙতি ফাইকা।

দনপতি

: কীচাঙতি নীঙ সাইচুঙ থাংগই তিনি হুক মা
তাঙগইনাই, থানদি-অ মাইচাঙ কিসা
তঙমানিন মাইতুলু খায়ই চাঅই থাংদি, ফুঙনি
আইসিরি সিরি ব-র মুই সঙজাগ মাননানি-বা
আহাই-ন চাঅই থানদি দিবর' তা ফাইদিকু
মাইন চানানি হিনই। সাই- রিকনি হাবা কারই
হর' ফায়ই চা ফাইদি মাইন।

কীচাঙতি

: অ কাকি আবলে আঙ সাইচুঙ থাংগই মানয়া,
মীসান কিরিঅ আঙ সাইচুঙ হুগন তাঙনানি
থাংকাই আন মীসা উাখার চাঅই খিবানী
আবলে আঙ সাইচুঙ থাংগই মাননিয়া।

দনপতি

: আঙ সাইচুঙ হুগ তাঙনানি থাঙগই মাননিয়া,
নন তাবুক-ন আঙ উাখাক বাই- সে বুনানি
হিনই কীচাঙতি-ন থুপচাখাই থুপ খায়ই বুঅই
রিখা, মীসা-ন কিরিঅ আনদে বিসি কিরি
মীসা-নদে বিসি কিরি নীঙ কিসা ফা-ন ককসে
তা সাদি।

কীচাঙতি

: অ মাইয় আন আসীক তা বুসিদি কাকি, বলঙনি

দনপতি

মীসানি সীলাই আঙ নন-ন বিসি কিরিঅ, আঙ
সাইচুঙ ফা-ন থাংগানী হুগ-ন তাঙনানি ।

: আনি ককসে ফিরগই তঙবা, তাই উইসা
ফিরগই নাইগীরাডি নীঙ, আফুরু আঙ তা-ম
খাইনন সাঅই মানানী সারামজাদান ।

দনপতি বাই কীচাঙতি থাংকা ।

কীচাঙতি ফাইকা ।

কীচাঙতি নি সাগ কামচীলীই কামচালাই
কীরীই সাক খীরা খীরা য়াগ দামীরা কাইসা
তীয়ই হুগ তাঙনা হিনই থাংকা, হুক ফাইসিঙগ
সাইচুঙ কাব কাবই । কীচাঙতি হিন' আনি মা
অগ তঙখাইলে আঙ মীতীই উঙগই
তঙগীলাখামন, আবতীই খাই ডানসুগই থাংতে
থাংতে হু-গ থাংগই গীলাঙসাকাই পাঅই
রিঅইখা কীচাঙতি হু-গ থাংগই সগই-বা হুগনি
কিনার কিনারনি বলঙগ মীসা গেগুমা পুঙলাই
তঙগ আউম আউম খায়ই, উলখাই কীচাঙতি
আঙ-ম হুগ-ন থীয়ইসে থাংতন ত-ব আঙ নগ'
কিফিলই থাংলিয়া তাই । আঙ ম হুগন
তাঙগই-ন সালন থাংরি হাবা কারই থাঙংমানি
হাম' । আবতীই হিনই কীচাঙতি কাপতীতীই
হুগন তাঙগই তঙখা হিনতা । অ জরা খাই
তইলিঙ তকসা মাসা রমই কেকে খায়ই তুবই
ফাইকা হিনতা, তইলিঙ অ তকসান রমই
কীচাঙতিনি বখরক সাকাতীই খায় তুবই
ফাইমানি-বা তইলিঙ অ তকসা-ন য়াগ
কেপ্পেঅই কীলীই-জাগই থাংকা কীচাঙতিনি
গানাঅ খায়ই । আফুরু হিনকাই কীচাঙতি

আজান বরনি তকসাবা আনি গানাঅ
কীলাইয়ই থর থর উঙগই তঙখা সীলাই হিনই
খচাইঅই খিবকা হামজাগই।]

কীচাঙতি থাংকা।

মদুজঙ বাই দনপতি ফাইকা।

মদুজঙ

: নীঙ তামঙগই চিনি কীচঙতি মান সাইচুঙ
সুসুক খায়ই হুগ তাঙনানি হিনই মা রিহর
সীলাই? বলঙগ হিনকাই মীসা গেগুমারক
তঙগ আবরকন নীঙ কিরিয়াদেবা বন নীঙ
সাইচুঙরক খায়ই হরই তঙবা?

দনপতি

: বন হুগ' সাইচুঙ হরই তঙখাই তামঙবা, আবনি
বাগই নীঙ তামঙ আনি সীকাঙগ কুতুগই মা
তঙ ফাইবা? আঙ বন জেসা ফা-ন খায়ই
তঙগানু নিনিলে তাম উঙখাবা তা সাফাইদি
আনি গানাঅ।

মদুজঙ

: নুগখাদা আঙ বন কক কাহাম সাখাই-ন
আবতাই।

মদুজঙ বাই দনপতি থাংকা।

কীচাঙতি বাই দনপতি ফাইকা।

কীচাঙতি

: নগ' ফায়ই বুখিরি দনপতিন অ তকসা তুবই
ফাইমানিন ফুনুগ' নাহার সীলাই কাকি আঙ
হুগ তাঙগই তঙফুরু তকসা মাসান মান বুমানি,
ম তকসা কিসানি নাইথকয়া আববাই-ন আঙ
য়াগ রিনানি হিনই রমই তুবই ফাইঅ।

দনপতি

: কীচাঙতি নন হুগন তাঙগইদি হিনই রিহরমানি
নীঙ আবতাইদে বলঙনি তকসারকন রমই মা

তঙ, হুগন তাঙদি হিনই বন আঙ রিহরমানিবা
অসই সে উঙসিঅ। সালা সিনদাল খানকি হুগ
তাঙদি হিনই নন আঙ রিহরমানি নোঙ আবতাই
উঙগই তঙ, নন তিনিনি হর' আঙ মাইসে
চারিয়া, নন অগ বুকচা মুথুনানি হিনই অ
তকসান দনপতি রমই বলঙ ফাইসিঙগ খায়ই
খিতারই রিহরকা সালা তাবুক খাই তাম উঙখা
সীলাই হিনই।

কাঁচাঙতি

: হর' দনপতিসঙ থুবাইসিনি হরমুচাঙ ফীনাঙগই
দনপতি অ তকসান খিতারই রিহরমানি
ফাইসিঙগ থাংগই নাইবা অ তকসা মকল
কাঁচাঙ কাঁচাঙ উঙগই বুফাঙ তলানি বেদেগ'
বাহই থুঅই তঙগ, আফুবু খাই কাঁচাঙতি অ
তকসান রমই তুবই দনপতিসঙন' খগই
নকবীরাঅ খাই তনিফাইকা, কেব অ তকসান
নুগয়া জাত খায়ই হুঅই।

কাঁচাঙতি বাই দনপতি থাংকা।

কাঁচাঙতি ফাইকা।

[কাঁচাঙতি অ তকসান বুখিরিজীক বাই
বুখুরা মদুজঙন খগই কুকথক, কুক ডাৱাগ, কুক
তাখুম, কুক হাঙগার, কুক সিমা, কুক আমিঙ,
কুক মসক, কুক খালাই, কুক চির, কুক
খালাইমারক রমই তুগই চারিঅ, তাই থাইলিক
কুমন, মাই কুমুন সঙজাগন-ব চারিঅ।
আবতাই খাই কাঁচাঙতি অ তকসান চারিতে
চারিতে চারিঅই রিখাই-ন সালাচা অ তকসা
ককন সীরাঙগই কক সানানিন সীরাই সীরাই
খাই মানই থাংকা। কাঁচাঙতি অ তকসান মুঙ

খুঅই নুঙগই ককন সালাইনানি হিনই মুঙ
ফারই রিখা তকসা রাঙগিয়া হিনই, অ সালনি
সিমি-ন কাঁচাঙতি তকসা রাঙগিয়া হিনই
রিঙগ, তকসা রাঙগিয়া-ব কাঁচাঙতিন বাই
হিনই রিঙগ।]

কাঁচাঙতি থাংকা।

দনপতি বাই মদুজঙ ফাইকা।

মদুজঙ

: হাই! চিনি নকনি দাইকুঙনি বলঙগ সাব ফায়ই
বাই বাই হিনই নুঙগই তঙ ফাইকা সীলাই?
আব আসীক খরাঙ খীনা ততক খায়ই সাব
উঙখা নীঙ নাহারই নাই- গীরাদি-বা
কাইসাসীকদে ফাই ফুই।

দনপতি

: হাই! কুবুইয়া খাই তাম সীলাই আঙ-ব
খীনাকাবেলে বাই বাই হিনই নুঙগই তঙমানি।
আঙ থাংগই নাহারনাইগীরাানা -খী খাই চিনি
নগনি দাইকুঙগ। ব-ক নুহুরয়া বেলে আঙ
আগিঅ কাঁচাঙতি তুবই ফাইমানি তকন
খিতারই রিহরমানি অ তকসান সলনাইসে মাসা
বুফাঙ বেদেগ' বাঅই তঙমানি নুগবেলে।

মদুজঙ

: আহাই খাই সাব চিনি নকনি দাইকুঙগ ফায়ই
কক সাঅই তঙফাইকা সীলাই আব সাঅই
মানলিয়া আঙ।

দনপতি বাই মদুজঙ থাংকা।

কাঁচাঙতি বাই তকসা রাঙগিয়া ফাইকা।

তকসা রাঙগিয়া

: বাই আঙ নিনি লগিঅ কানি-ন তঙগানী লগি
লগিঅ খায়ই নীঙ তা উনাসিদি আঙ তঙগ,

কীচাঙতি

নন নিনি কাকি কুদিমানি হিনমানি সামনি নন
বুঅই তঙমানিরক জত-ন আঙ নুগই তঙগ।

: নীঙ আনি লগিঅ কানি-ন তঙসুগই মান-ন
তকসা রাঙগিয়া আঙ বেলে জেথানি সাইচুঙ
মামাঙসে মা থাঙগ কিরিমা-ন কিরিয়া খায়ই
লাচিমানিন লাচিয়া খায়ই।

তকসা রাঙগিয়া

: তা উনাসিদি বাই তিনিনি সিমি, নীঙ
পুসিঅইসে আঙ বানচেঅ নীঙ পুসিয়াখাই
আঙ বাসে বানচেগীলাখামন, আঙ তাই নিনি
লগিনি কাগলিয়া বাই, নীঙ হু-গ সাইচুঙ থাংব
আঙ নিনি লগি থাংগই বিয়াঙ মীসা গেগুমা
তঙ আঙ পাহারা রিঅই তঙনাই, নিনি বিপদ
আপদঅ-ব আঙ নায়ই তঙনাই, নীঙ তা
উনাদি বাই আঙ তঙসাক। আঙ তাবুক সাইচুঙ
সাইচুঙ আদা খলই চাঅই মানখা।

কীচাঙতি

: নীঙ আনি লগিঅ কানি-ন তঙসুগই মান-ন
তকসা রাঙগিয়া ?

তকসা রাঙগিয়া

: মান' বাই তামঙগই মানয়া উঙনানি-বা, নীঙ
নিনি কাকি বাই জে সাতকজাগমানি
পিতকজাগমানি আঙ জত-ন বইনি বুখুগ'
খীনাবাইখা নীঙ তাম তাম খাই সাতক-
জাগখা।

তকসা রাঙগিয়া বাই কীচাঙতি থাংকা।

তকসা রাঙগিয়া তাই আখাতা বাই বিখাতা ফাইকা।

সালসা উাথবনি মীতাই আখাতা বাই
বিখাতা লামা থাংতীতীয় সালাইয়ই থাংলাইঅ,
আখাতা বাই বিখাতা

আখাতা

: চিনি থানি-ত সিরাঙ তীই য়াসিতাম কাইসা
তঙগ চাঙ তাবুক মীতাইরকনি পানদা খাইতানি

থাংলাই তঙগ, অ মীতাইরক-ত চিনি থানি
সিরাঙ তাঁই য়াসিতাম তঙগ হিনই সাঅই
মাননাই, ফাইদি চীঙ চিনি য়াসিতামন অ
মীতাইরকনি পানদাঅ তীলাঙয়াঅই ম রজঙ
রানদিনি বিসিঙগ খাই দাঅই কীলাঙগই
থাংগানী ফাইদি।

বিখাতা : আউ নিনি কক হিন-ব কুবুই-ন আখাতা, অর
কেব কীরাই সিরিঙ সিরিঙ জাগা-ম উঙখা,
অ রজঙ রানদিনি বিসিঙগ দাঅই কীলাঙখা
হিনকাই তাই সাব সাঅই মান নানি-বা, চীঙ
সিমিসে সাঅই মাননাই তাই সাঅই মাননাই
কীরাই।

আখাতা : মীতাই সিরাঙতাঁই কীরাই দেবা-ম কীমাঅই
থাং ফা-ন তাই মীতাই সিরাঙ তাঁই মানানী
বেলে।

বিখাতা : মীতাই সিরাঙ তাঁই তাই মান-ন, মবলে
মহাদেব মাদেবনি য়াগনি সিরাঙ তাঁই-ম সিরাঙ
তাঁই য়াসিতামবা নীঙ জে সানমানি, নীঙজে
সামানি আবতাই-ন উঙগই থানাইতা, জেসা
ফা-ন সাদি জেসা ফা-ন সানদি।

আখাতা : ম য়াসিতামন কানই তাম হিনই সাননানি
নাঙনাই সীলাই আবন কিসা সাদি খাই নীঙ।

বিখাতা : পুইলা সীকাঙ ম সিরাঙ তাঁই য়াসিতামন য়াগনি
য়াসিঅ কানই নীঙ মা হিননাই “আগি সাবনি
আগি রামপ্রারকনি, তাবুক সাবনি তাবুক আনি
হিনই আনি মীতাই উঙনানি দক” হিনকাই-ন
আবতাই-ন মা উঙনাইতা।

আখাতা : নীঙ আব কুবুইদে সাখা ?

বিখাতা : আউ আঙ আব কুবুই-ন সাখা অর তাতাল
হিনই কীরাই।

[তকসা রাঙগিয়া অ আখাতা বাই বিখাতা
লামা হিমতীতীই সালাই থাংমানি-ন খীনাই
তঙখা বুফাঙ সাকাঅ বাতীতীয় বরগ অ কক
সালাই থাংমানি। তাই আখাতা বাই বিখাতা
অ সিরাঙ তীই-ন রজঙ রানদিনি বিসিঙগ খাই
অ সিরাঙ তীই য়াসিতামন দাঅই
কীলাঙমানি-ব নুগই তঙখা দাগ দাগ খায়ই।]

তকসা রাঙগিয়া বাই আখাতা-বিখাতা থাংকা।

কীচাঙতি বাই তকসা রাঙগিয়া ফাইকা।

- তকসা রাঙগিয়া : বাই নীঙ কক থাইচা খীনাকাদে ?
- কীচাঙতি : তাম কক তকসা রাঙগিয়া ? নীঙ জে খীনা-
মানি ককন আন তা খকদি গীলাঙ তাঙ ফীলা
খাই-ন আন সাদি।
- তকসা রাঙগিয়া : আঙ তিনি আদা চাঅই আকনই বুফাঙ বেদেক
সাকাঅ খায়ই বাঅই তঙগ, আফুবু বিয়াঙনি-ব
আখাতা বাই বিখাতা মীতাই খরকনাই লামা
হিমতীতীই খায়ই সালায়ই থাংলাইয় বরক-ন
মহাদেব মাদেব সিরাঙ তীই য়াসিতাম কঙসা
রিমানি তঙফন, আ য়াসিতামন য়াগ' কানই
“আগি সাবনি আগি রামপীরারকনি তাবুক
সাবনি তাবুক আনি, হিনই নীঙ জে সানমানি,
নীঙ জে নাই- মানি আব-ন মান ফন।
- কীচাঙতি : আব কুবুইদে হিন তকসা রাঙগিয়া ?
- তকসা রাঙগিয়া : কুবুই-ন বাই, অ সিরাঙ তীই য়াসিতামন
হিনকাই রজঙ রানদিঅ খায়ই দাঅই কীলাঙ
থাংকাতা।
- কীচাঙতি : অ রজঙ রানদিন নীঙ আন সাঅইদে রিঅই
মান-নবা ?

তকসা রাঙগিয়া

: সাঅই মান' বাই হিমদি দা খুঙচা তীইদি তাং
খুরই নাহারনানি বাগই, হিমদি দদি খাই বাই
চিকন।

আফুবু কাই তকসা রাঙগিয়া কুচুক
সাকাতীই খায়ই কীচাঙতিনি সাকা তীই খাই
কুচুক হাচে কুচুক হাচে খাই বিরই থাংগই অ
রজঙ রানদি তীলাঙগই ফুনুগই রিঅইখাতা
ম-ন বাই অ রজঙ রানদি হিনমানি।

কীচাঙতি

: আফুবুখাই অ রজঙ রানদিন দাবাই তান খুরই
নাইবা কুকুবুই চাচা-ন যাসিতাম কঙসা মানখা,
কীচাঙতি অ যাসিতামন মানখাই-ন হামজাগই
দদ-র খায়ই য়াগনি কলিকতিয়া য়াসিঅ কানই
খিবকা।

তকসা রাঙগিয়া

: দ বাই চিকন ম য়াসিতামন আখাতা বাই বিখাতা
সামানি হাই খীলাই নাইলা সীলাই কুবুইদে
এরেঙ, পুইলা সীকাঙ হিনগীরাডি “আগি
সাবনি আগিঅ লামপ্রারকনি তাবুক সাবনি
তাবুক আনি” হিনই নীঙ জে সাননানি
মুচুঙমানিন সানই নাইদি বাই।

কীচাঙতি

: তকসা রাঙগিয়া তাবুক নীঙ বাই আঙ জে
চামানিন সানই নাইয়ানী খাই ফাদে ফাই-ন
নাইগীরানা তাখাই।

তকসা রাঙগিয়া

: দ, নাইদি খাই বাই চিকন।

কীচাঙতি

: “আগি সাবনি আগি রামপ্রারকনি তাবুক সাবনি
তাবুক আনি”, তাবুক-ন আনি তকসা
রাঙগিয়ানি বাগই কুক থক, কুক উরাকরক
বুঙজাগতীই উঙগই ফাইনানি তাই বিনি বাগই
থাইলিক কুমুন আপেল আঙুররক
বুঙজাগতীই খাই ফাইনানি, তাই আনি বাগই

হিনকাই মাইরাঙ কুফুর বাই মাইখুরজাগ আবাই
কাকাই বাহান বাই তাই লগি লুতা কুফুর বাই
তীয় লুতাসা সিরজাগ সকফাইনানি দক
হিনমানি বাকসা বাই-ন জত-ন জে সামানি
হাইখাই সকফাই -বাইখা।

[আফুরু কাই তকসা রাঙগিয়া-ব জে চামানি
চাখা কুক-ন চাখা, থাইলিক কুমুন চাখা,
আপেলরক আঞ্জুররক চাবাইখা অগ পুঙসুক
রিঅই, কীচাঙতি-ব আবতাই মাই কথক মুই
কথক উইসা ফা-ন মীচায়া-খবা অগ পুঙসুক
রিঅই-ন চাখা হিনতা, আবতাই খাই
চলাইবাইখাই তকসা রাঙগিয়া-ব বুফাঙগ
বাতাই থুঅই তঙখা, কীচাঙতি-ব-ন-গ থাংগই
থুঅই তঙগইখা] (কীচাঙ তি থাঙকা)

[অ সালনি সাল জরাঅ খাই-ন কাস্ত
হিনজাগনাই রাজানি বীসীলা রাজ কুমার
বাদুখুঙ চাখীলা য়াগ' তীয়ই সিকার খাইনানি
হিনই বলঙগ ফাইঅ সাইচুঙ সাইচুঙ, য়াঙ
ফাইসিঙ নাহার' মীসীইন আয়াঙ ফাইসিঙ
নাহার' মসকন, আবতাই খাই মাঙ আয়াঙ
উয়াঙ খেয়াল কাই ফাইয় জে মানমানি বন-ন
ককনানি হিনই।]

তকসা রাঙগিয়া

: কাস্ত রাজানি বীসীলা রাজকুমারন নুগই কক
সানানি মুচুঙগই তঙখা, তামলে হিনবা ম
রাজকুমার বাই-ন আনি বাই চিকন বাই কায়ই
মানখাই চাখামন হিনই বাবেঅই তঙখা।

(তকসা রাঙগিয়া বুফাঙ বেদেগ'
বাতীতাই-ন রাজকুমারন সাকা পুইলা সীকাঙ
তকসা রাঙগিয়া কুচুকগীরাখা অহ অহ খায়ই)

নীঙলে রাজানি বাঁসা রাজকুমার
চাখীলান তাগখা কামার
নিনিলে কাঁরাই হাতি খাইনাই বাজার
খরকসা তঙগ নীঙ বাই খাপেনাই
মীচাঙ গথকগই তঙনাই
কাইসা-ন নুগ' হাজার।

রাজকুমার ফাইকা।

- রাজকুমার : হাই-ম বলঙগ সাব কক সাঅই তঙহিনই-ব
সাইচুঙ সাইচুঙ মীলাঙ চাজাগই থাংগ। ম সাব
আব কক সাঅই তঙখা সীলাই হিনই, উলখাই
আয়াঙ উয়াঙ কাহামখাই নাহারই নাইবা বলঙ
বিসিঙগ তকসাসে আবতাই ককন সাঅই
তঙগ। রাজকুমার অ তকসান বাদুখুঙ বাই
কগই খিবনানি হিনই নাইখাই অ তকসা সাকা।
- তকসা রাজগিয়া : কাঙখুঙ বাই মানা খায়ই সাকা রাজকুমার নীঙ
আন তা ককদি, নিনি আঙ মুঙসা- সীকদে কাম
কাহামন খায়ই রিঅই মান-ন নাইয়ানী।
- রাজকুমার : আহাই খাই আঙ নন ককলিয়া খাই তকসা,
নীঙ আন তাম খায়ই মান খাইদি।
- তকসা রাজগিয়া : নীঙত রাজানি বাঁসীলা রাজকুমার নীঙত
বাঁরাই হাময়া বাই কাইজাগনিয়া, নন আঙ
বাঁরাই খরচা-ন ফুনুগই রিডানী নীঙ-অ
বাঁরাইন নুগখাই হামজাগয়াই তঙগই মানিয়া।
- রাজকুমার : নীঙ অ বাঁরাইন আন ফুনুগইদে মান-নবা ?
- তকসা রাজগিয়া : মান', তামঙগই ফুনুকগই মানয়া উঙনানি-বা,
নীঙ খীনা দিবর উঙতীতাইয় ফাইদি অ বাঁরাই
গাতিঅ তুকুমানি জরাঅ, নন অ বাঁরাই গাতিঅ
তুকুই তঙফুবু-ন নন আঙ ফুনুগই রিনাই। নীঙ
খীনাঅ ফাইদি আঙ নন তীলাঙগই থানী।

রাজকুমার

: আউ ফাইয়ানী।

তকসা রাঙগিয়া বাই রাজকুমার থাংকা।

কীচাঙতি বাই দনপতি ফাইকা।

দনপতি

: কীচাঙতি নীঙ বর থাংগই তঙয়ই উাই
জাঅইদে তঙগইয়ই নীঙ আনি ককন তামঙ
খীনায়া উঙ নগনি কিসা ফা-ন তা নখরদি হিনই
সামানি নীঙ তামঙগই নকনি মা নখর হিনই
উাখাক বাই মাঙ থুপচাখাই থুপ খায়ই ফায়ই
রিফাইকা বুঅই।

কীচাঙতি

: অ মাইয় আন আসাঁক খাঅই তা বুসিদি কাকি
আঙবা থীয়ইসে থাংসিডানীবেলে।

দনপতি

: থীয়ইসে থাংদি নীঙ, নীঙ থাইকাইসে নন
বাগমানি সমপতি-ন আঙ মাননানি আহাই
খাইসে আঙ চানানি।

কীচাঙতি

: নীঙ আন মাতাঁই খাইয়ই বুমানি নীঙ-ব সালচা
মালাইয়ানী লামপীরারকনি সিরাঙ তাঁই বাই।

দনপতি

: নীঙ আন সিরাঙ তাঁইসে ফুনাগই রিঅ।
কীচাঙতি নন আঙ তিনি কীথাঙ নারীকলিয়া
বুথারই খিবসিনানি হিনই লাথা তুবই
বুথারনানি হিনই ফাইকাই-ন।

কীচাঙতি গুদু গুদু খাইচিগই খারই থাঙকা।

দনপতি কীচাঙতিন বুথারই খিবনানি হিনই
নাইতুগই তঙফুরু কাই কীচাঙতি তঙগই
মানলিয়া দনপতি-ন থীঙনানি নাইখা ব
মানমানি সিরাঙ তাঁই বাই।

কীচাঙতি

- : বিনি য়াসিনি সিরাত্ত তীই-ন য়াগ নাহারই সু সু খাই সুবই নাহারই সাকা “আগি সাবনি আগি রামপীরারকনি তাবুক সাবনি তাবুক আনি, অ ড়ানি ড়াখাক নীঙ তাবুক থাঙগই উ আনি কাকি দনপতিন থাংগই বুঅইদি দক, বুমাসিঙ বুঅই য়াকারই রিদি।”

বলনি ড়াখাক আফুরু খাই দনপতিন থাংগই বুঅই রিঅইখা থুপনি সাকাই থুপ খায়ই।

দনপতি

- : আফুর কাই অমায়ু অমায়ু আয়া আয়া আনবা সাব আব বুঅই তঙ ফাইকা অমা অমা থাইনানিসে উঙখাবেলে আঙবা, আনবা সাব বানচেরি মাননাই তঙ বানচেরি রিফাই বাইদি (আফুরু কাই ড়াখাক বুমাসিঙ বুঅই য়াকারই রিখা)

কীচাঙতি হিনউকা আগি সাবনি আগি রামপীরা রকনি তাবুক সাবনি তাবুক আনি অ দীখাই দীখাই নুঙ আনি কাকি দনপতি-ন উ খাইচিঙ বুফাঙ গীনাঙগ খাঅই দিপসা খাঅই রিঅইদি (দীখাই লগি-লগি-ন খাই চিঙ গীনাঙ বুফাঙগ নাইয়ই খাঅই রিঅইখা)

দনপতি

- : অমা অমা আনবা খাইচিঙ ড়ারই তঙমানি কুল কীরীইখা বেলে, য়াগ বাই-ব খাইচিঙন রমই সীকাকগই মানয়া, আনি য়াগব বুফাঙগ দীখাই বাই খাজাক, অ কীপাল আঙদে তাই বানচেলাঙসি হিনই কাব (উ -ল দিবসা উঙবাইখাই দীখাই বুফাঙগ খাঅই তনিমানি য়াকারই রিখা খেঙগই)

কীচাঙতি আবতীই-ন আবতীই হিনচাউখা “আগি সাবনি আগি রামপীরারকনি তাবুক সাবনি তাবুক আনি অ হরসুনদা হরসুনদা নীঙ

আনি কাকি দনপতিন থাংগই বীসাক গীনাঙগই
আগিঅ আন সকতাই সগইদি কিসা কিসা কাই
হকি-ন থেপাঅই” (হরসুনদা কীচাঙতি সামানি
হই কাই-ন বীসাগ গীনাঙগই হকি-ন থেপাঅই
সগই রিখা কিসা কিসা খায়ই)

দনপতি

: অমায়ু অমায়ু আন তাবুকলে হরসুনদাসে আনি
বীসাক গীনাঙগই সগই তঙসিঅ (হরসুনদা
দনপতি-ন সকমাসিঙ সগই য়াকারই রিখা
য়াকারই রিঅই হঅ কীলায়ই থাংকা তপ সাকাই)

কীচাঙতি

: “আগি সাবনি আগি রামপীরা- রকনি তাবুক
সাবনি তাবুক আনি অ সিরাঙ তাঁই নীঙ আনি
কাকিন য়াকুঙ য়াগ অবস খায়ই দল দল খাই
বাঙখুঙ হিমলাই তঙমানি জাগাঅ থিকিলায়ই
রিদি। কাকি আগিঅ আ-ন মুইসুবুম সাকাঅ
থিকিলাই তনিমানি হই কাই, সিরাঙ তাঁই
দনপতি-ন দিপসা বাঙখুঙনি সাকাঅ থিকিলাই
তনিঅই উ-ল খচাঅই নাহারকা য়াকুঙ য়াগ-নব
হামরিঅই রিখা। দনপতি লেঙগই তঙখা
বাঙখুঙ বাই উরজাগমানি।

দনপতি লেঙগই সিচাখা, সিচাবাই মাই-ন
চানানি নাইখা।

কীচাঙতি হিনই সে তঙসাউখা “আগি
সাবনি আগি রামপীরারকনি তাবুক সাবনি
তাবুক আনি” অ সিরাঙ তাঁই নুঙ আনি কাকিন
মাই তা চারিদি দগব মাই-ন চানানি নাইখাই
নীঙ মাইখীলাইন সেক সেগই তীলাঙগই
থাংদি, সিরাঙ তাঁই আবতাই-ন খাইনানি হিনই
গসেকা। দনপতি আফুবুকাই-ব আগিঅ
কীচাঙতিন খাইমানিন দিস মানখা, মবা আঙ
আগিঅ কীচাঙতিন মীতাই খাইমানিসে

ব-আন খাই তঙখীনা বীলা।

দনপতি আফুবুকাই কীচাঙতিনি য়াকুঙগ
কীলায়ই কাপখা মায় আঙ নন আগিঅ
মীতীই-ন খাইমানি তঙগ আববাইন আঙ
তাবুক আবতীই খাইজাগ', নীঙ আ-ন মাব
খায়ই রিদি আনি-ন আকল কীরীই উঙখা।

- কীচাঙতি : আঙ নন তাম' খাইবা কাকি আঙ কুসতাম ফা-ন
মা খাইয়া বেলে।
- দনপতি : আবতীইয়া মায়, নীঙ আন জেসা কাই ফা-ন
মাব মা খাইনাই।
- কীচাঙতি : নুগখাদা তাবুকলে কাকি বরক-ম অয়নাই
খাইকাই তাম উঙ সাতই মানখাদা? বরক
উঙগই কেব-ন অয়নাই খাইনানি ককয়া।
- দনপতি : তাবুক সে সাতই মান' অয়নাই খাইকাই তামঙ।
- কীচাঙতি : বরক বরকনি বাগই নিয়াদা কাকি?
- দনপতি : আউ সাতই মানখা বরক বরকনি বাগই।

দনপতি বাই কীচাঙতি থাংকা।

রাজকুমার বাই তকসা রাঙগিয়া ফাইকা।

- রাজকুমার : বা, বা, বা নীঙ আন তীলাঙগই কীচাঙতিন
ফুনুগই রিমানি-বা কুকুবুই খাই কাহাম
উঙসুকখা বেলে, আঙ-অ বীরীই বাই-ন
কাইজাগসিনানি, আঙ তাই কুবুনি বীরীই বাই
তাই কাইজাগলিয়া অ নীঙ আন ফুনুকমানি
বীরীই বাই-ন আঙ কাইজাগসিনানি।
- তকসা রাঙগিয়া : অ বীরীই খাই নীঙ বাই খাপেসুকনাই দীলা,
অ বীরীই মুঙ হিনকাই কীচাঙতি, আঙ বন
বাইচিকন নুঙগ ব আন চিনকফুরুনি সিমি
পুসিঅই তুবনাই, ব পুসিয়াখাই আঙ থায়ইসে

থাংকামন, আঙ বাই চিনকন সাঅই রিডানী
নীঙ কে বাই তা কাইজাগদি রাজকুমার বাই-ন
কাইজাগদি হিনই ।

তকসা রাঙগিয়া বাই রাজকুমার থাংকা ।
রাজকুমার বাই কাঁচাঙতি ফাইকা ।

রাজকুমার রীচাব' ।

আঙ-ব তঙথানি নীঙ-ব তঙনানি
কীনাই খাই তঙলাইনানি ।
আঙ-ব থাইতানি নীঙ-ব থাইনানি
কীনাই খাই থাইলাইনানি ।

কাঁচাঙতি রীচাব' ।

ম-ন সরগনি পুরি
নীঙলে নুগয়াদে নন আঙ তঙমানি সুরি
নিনি সাম-ন আঙলে তঙগানী গুরি
হিময়া আঙ তাই লামা লামত্রি ।

রাজকুমার রীচাব' ।

আঙলে মাফানি বীসা
আচাইখা আঙলে কাইসা ।
আঙলে মায়া-ন নন রিসুকখা
বীখাঅ বাবেখা নীঙ বাই-ন তঙগানী থানচা ।

কাঁচাঙতি রীচাব' ।

কীনাই-ন তঙগানী কীনাই-ন চাডানী
কীনাই-ন তঙলাইয়ানী ।
চিখাকচা মান-ব বাগলাই চাডানী
অ জুগিতি তঙলাইয়ানী ।

রাজকুমার রীচাব' ।

মায়াজাল নাঙগই মকল বাই নুগখা
নুগই আঙ নন খা বাই হামজাগখা ।

আনি হামবাই ন নন-ন বাগখা
বাইথাঙ নি বাঁখাঅ জঙজাল য়াগ কাগখা ।
উঙগই থাংসিতন নৌঙন ।

রাজকুমার বাই কাঁচাঙতি থাংকা ।
কান-ত রাজা তাই রানি ফাইকা ।

কানত রাজা

: মদুজঙসঙনি ন-গ ফায়ই কাঁচাঙতি বাই
রাজকুমারন কক সাঁঙগই খাম বাই আকন বাই
মায়ুঙ বাই করাই বাই খায়ই হম, হম, দম, দম
খাই-ন জত প্রজারকন নাহারই কাইখা । তকসা
রাঙগিনি কেরেঙ কথমা অর-ন পাইখা দুখুথাঙ
সুকু ফাই আউয়া তকে আনি য়াগজুর ।

TRIBAL RESEARCH AND
CULTURAL INSTITUTE



I S B N 9 7 8 - 9 3 - 8 6 7 0 7 - 4 2 - 0

Price : Rs. 120/-